

# WANT


NIUSPEPA BILONG YUMI OL PAPUA NIUGINI STRET! 27 YIA NAU

32 pes

Namba 1,308

Wik i stat long Fonde Julai 22, 1999

70t



**John Wakon**  
kamap plis  
Komisina

pes 2



**Skate i no inap**  
lisim politiks

pes 3



**Wenge laik stapim**  
VAT na poka  
masin

pes 9

**Stori bilong**  
Mekere Gavman  
i kamap

pes 11

## Nupela prais bilong balus tiket

### PETER MAIME i raitim

PRAIS bilong balus tiket long ron insait long kantri i bin go antap long las wik.

Olpela Treseri na Plening Sekretri, Brown Bai, husat tu i bin prais kontrola i givim tok orait long apim pe bilong balus tiket long 20 pesen.

Nupela Sekretri bilong Treseri na Plening, gavman bilong Sir Mekere Morauta i makim long dispela wik em Koiare Tarata.

Oi i apim pe bilong balus tiket bikos prais bilong bensin bilong balus i go antap na strong bilong PNG Kina i stap daunbilong long ol narapela mani bilong wol.

Tu prais bilong ol spe pat bilong balus, wok menteinens


bilong balus, insurens and kos bilong ovasis trening bilong ol pailot i go antap.

Mista Bai long dispela taim i tok, sapos strong bilong Kina i kam bek, bai pe bilong balus i go daun gen.

Air Niugini long las wik Tunde yet i sasim ol kastoma bilong em long nupela prais bilong tiket.

Wantok i bin promisim ol ridas bilong em las wik olsem, em bai traim long kisim nupela prais bilong balus tiket long Air Niugini na putim aut long dispela wik. Las wik ol prais bilong balus tiket i no redi long sistem bilong Air Niugini.

Nau Wantok i amamas long bringim dispela nupela prais bilong balus tiket i go long ol ridas bilong em.



### Nupela Sekretri bilong Treseri na Plening Koiare Tarata.

Nupela prais bilong balus tiket long Mosbi i go long ol provins na long provins i go long Mosbi wantaim Air Niugini em:

Senta	Olpela prais	Nupela prais
Mosbi-Simbu-Mosbi	K194	K233
Mosbi-Hagen-Mosbi	K211	K254
Mosbi-Wapenemanda-Mosbi	K241	K290
Mosbi-Mendi-Mosbi	K234	K281
Mosbi-Tari-Mosbi	K262	K315
Mosbi-Goroka-Mosbi	K183	K220
Mosbi-Madang-Mosbi	K206	K248
Mosbi-Lae-Mosbi	K153	K184
Mosbi-Wewak-Mosbi	K288	K346
Mosbi-Vanimo-Mosbi	K374	K449
Mosbi-Rabaul-Mosbi	K302	K363
Mosbi-Hoskins-Mosbi	K225	K270
Mosbi-Kavieng-Mosbi	K383	K460
Mosbi-Lihir-Mosbi	K364	K467
Mosbi-Manus-Mosbi	K329	K395
Mosbi-Buka-Mosbi	K384	K461
Mosbi-Daru-Mosbi	K200	K240
Mosbi-Gurney-Mosbi	K162	K195
Mosbi-Popondetta-Mosbi	K100	K120

Dispela em wan we fea

# Edvens PNG bai kisim foapela minista tasol

### JOE KANEKANE i raitim

POLITIKEL pati bilong bipo Spika bilong Palamen John Pundari bai kisim foapela Minista tasol maski sapos pati i gat tupela ten (20) ol memba i stap insait long dispela gavman.

Advens PNG Pati i namba tu bikpela grup long Mourata na Pundari gavman tasol i luk olsem bai ol i kisim foapela Minista na i no sevenpela olsem ol i laik.

Dispela em tingting bilong ol lain husat i wok long skelim ol wok Minista we Praitim Minista Sir Mekere Mourata bai tok aut long pinis bilong wik.

I luk olsem lida bilong Pati John Pundari wantaim namba tu bilong

em Kilroy Genia wantaim tupela narapela sinia memba bilong pati i bai kisim wok Minista na ol narapela lain bai popaia long sampela ministri.

Tingting bilong ol lain husat i wok long skelim ol wok Minista i kamap bihain tasol long pasin we Mista Pundari wantaim ol lain bilong em i wokim taim ol i laik makim nupela Praitim Minista.

Dispela mov bai kirapim moa tok kros namel long Gavman bilong Mourata na Pundari long wanem sampela memba bilong palamen i kam aut long ol niuspepa na radio olsem ol i no wanbel long John Pundari i kisim wok olsem nambatu praim minista.


Pastaim Minista bilong Difens Peter Waieng i bin tok long Mande olsem sapos Gavman i no luksave

long ol nupela lain i joinim gavman ol mas mekim sem kain pasin long Mista Pundari.


Em i tok Pundari i soim olsem em i no gat bilip long Sir Mekere wantaim ol lain bilong em taim em i kalap i go long kem bilong Bill Skate na bihain em i kalap i kam bek gen long Oposisen.

Mista Waieng i tok Mista Pundari i soim tru kala bilong em pinis olsem na bilong wanem bai em i holim wok olsem namba tu Praitim Minista na wok aninit long man we em i bin lusim na go joinim Gavman.


Praitim Minista Sir Mekere bai tok aut long Gavman bilong em long pinis bilong wik we i luk olsem planti bilong ol PDM lain bai kisim wok Minista pastaim long ol arapela pati.




• John Pundari.



• Kilroy Genia.



• Castan Maibawa.



• Peter Arul.



# PLIS RIPOT

## Hagen

Long las wik Tunde sampela bikhet lain i blokim rot outsait long Hagen siti na stapim 3pela ka i ron go olsem long Sauten Hailens na Wabek.

Long Keltiga outsait long Hagen, sampela bikhet lain i stapim 2pela ka na kisim i go insait long ples Keltiga, wanpela 15 sita bus na nara-pela praivet Mitsubishi Ut bilong wanpela man.

Long wankain taim tu sampela man i stapim wanpela dam trak i karim ol gravel i kam na ol i fosim driva long kapsaitim ol gravel long haiwe na blokim. Bihain long sampela haua, ol lain bilong Woks i go na klinim gen rot.

Long wankain de yet long Nebilyer outsait long siti, sampela spak lain i stapim wanpela gavman ka i go olsem long Mendi. Hagen Beis Gavman Loya, mista Bosip Aipe i laik go long Mendi na dispela birua i kamap long em.

Ripot i tok olsem, ol dispela lain i mekim dispela bikhet pasin long soim olsem ol i no amamas long ol memba bilong Sauten Hailens na memba bilong Kopiam Ambum, John Pundari i mekim long taim bilong ileksen bilong nupela spika bilong palamen. Ol pipel long Hagen i laikim nupela gavman na ol i no amamas long dispela ol memba bilong Sauten Hailens na Enga i stap yet wantaim Bill Skate.

Westen Hailens Plis Komanda, Wini Henao i ripotim tu olsem i bin i gat sampela stil pasin tu i bin kamap insait long siti long dispela wik (las wik). Ol stil man i bin brukim na i go insait long Suara Trading long sainataun stilim samting long mak bilong K1,979.00.

Na long Dobel, sampela stilman i brukim na i go insait long Medikal Stoa na stilim wanpela komputa long mak bilong K8,000.00. Mista Henao i ripot olsem, ol plis i kisim bek pinis komputa tasol ol i no holim dispela ol stilman yet.

## Mosbi

Long Tunde dispela wik, plis stapim sampela lain sapota bilong olpela Plis Komisina, Peter Aigilo na laik kamapim wanpela protes mas long soim bel hevi bilong ol long makim bilong nupela Plis Komisina, John Wakon. Dispela samting i kamap taim nupela praim ministra i rausim em (Peter Aigilo) long Mande.

Dispela lain manmeri i bilong Morata, Tokarara na Gerehu husat i bin bung long Waigani na laik protess mas long soim sapot bilong ol long mista Aigilo.

Ol sapota bilong mista Aigilo i pret long nupela Komisina bai i no inap strongim na skruim ol em Aigilo i kirapim pinis namel long ol setelmen na ol ples komyniti (Komyuniti plis na komyniti polising), ripot i tok olsem.

Ripot i tok tu olsem, dispela protes mas bilong ol sapota i nogat luksave bilong ol plis na plis i stapim ol long no ken karimaut dispela protes mas bilong ol.

## Madang

Long moning, wanpela man i bagarapim wanpela meri Wapenamanda insait long Botanikal gaden.

Plis Sif, Benson Simajon i tok dispela birua i kamap taim meri i laik kam outsait long haus bilong em long Sande moning. Taim meri i laik kam outsait, dispela man nogut i kamap bihain long em na holim em na pulim em i go long bus klostu na bagarapim em.

Plis Sif, Benson Simajon i tok tu olsem, long Satade nait sampela man bilong Biliau setelmen i bin go na kukim wanpela haus bilong wanpela man long Wagol setelmen. Dispela birua i bihainim wanpela longtaim kros i stap namel papa bilong haus na ol dispela lain man long Biliau setelmen.

# PNG Difens Fos promis long wok wantaim nupela gavman

PETER MAIME i raitim

KOMANDA bilong PNG Difens Fos, Jerry Singirok i gat bikpela bilip long sevim gavman na pipel bilong PNG.

Mista Singirok i tok PNG Difens Fos bai helpim kantri long painim gutpela sindaun

na i no ken burigim trabel.

Em i tok Difens Fos bilong PNG i stap pas wantaim gavman na pipel na bai wok wantaim nupela gavman bilong Praim Minista, Sir Mekere Morauta, wankain olsem em i mekim long ol gavman bipo.

Em i tok planti tok win i bin raun las wik olsem ol ami bai bagarapim vot i nogat

bilip long gavman bilong olpela Praim Minista, Bill Skate, tasol dispela samting i no tru.

Ol dispela kain tok win i karim nem nogut i go long PNG Difens Fos na pretim planti pipel na ol bikpela bisnis bilong kantri, Mista Singirok i tok.

Em i tenkim ol komanda bilong wan wan divisen bilong armi long ol gutpela wok ol i bin mekim long lukautim ol soldia long taim bilong vot i nogat bilip long gavman.


Las wik, i bin gat tambu long ol ami bareks long Mosbi we ol soldia i noken lusim bareks na raun nabaut long rot.

Dispela tambu i bin stap long Murray Bareks, Taurama Bareks na Goldie Bareks. Olgeta soldia ripot long bos bilong ol na stap long bareks.

PNG Difens Fos i mekim dispela samting long larim palamen i pilim fri long makim gavman na ol publik i noken pret olsem bai i gat sampela birua i kamap.

Em i tok hevi bilong Bogenvil na Sandline i penim piksa nogut long PNG armi na ol i statim pinis long stretim dispela tingting bilong publik.

Lukluk bilong Difens Fos nau em bilong wok wantaim gavman long developim kantri na bringim sevis i go long ol pipel.



• Olpela praim Minista Bill Skate i bin opim nupela Difens Enjinia yunit long Banz, Western Hailans provins long dispela yia. Foto: Pius Mon.

## Narokobi laik stretim gut nem bilong palamen

NUPELA Spika bilong palamen Bernard Narokobi i tok em bai traim long strongim wok na holim gutpela nem bilong opis bilong Spika we ol olpela Spika long bipo i bin mekim.

Long namba wan bung bilong em wantaim klak (kuskus) bilong palamen na ol opisa bilong palamen sevis, em i tok long wok bung wantaim ol na holim gutpela nem bilong haus palamen.

Haus palamen i mas olsem haus lotu we yumi save soim rispek, Mista Narokobi i tok.

Long mekim dispela samting i kamap gut, i mas gat gutpela rot bilong toktok wantaim ol memba bilong Gavman, Oposisen na wokman bilong palamen bai gutpela rot na wok i ken kamap we palamen i ken mekim tru wok bilong em, Mista Narokobi i tok.

Spika Narokobi i tok wok bilong em ino long senisim ol samting long edministresen bilong opis bilong palamen. Bikos ol dispela samting i stap aninit long lukaut bilong klak o kukus bilong palamen.

Insait long dispela bung, Spika Narokobi i toksave long sampela hevi o wari we klak

bilong palamen na ol wokmanmeri bilong em i mas mekim tok klia long en. Ol dispela wari em; palamen sevis i no go stret long ol memba bilong palamen gut olsem na i mas gat senis long stretim dispela sevis i mas wok gut long sevim ol memba.

Sevis i mas lukluk moa long ol memba long wok bilong ol we ol i mas mekim gut long sevim gut ol pipel bilong ol. Ol notis long nupela bil (lo) i mas go pastaim long ol memba na tu givim ripot long ol memba i ken klia gut long ol na senis pastaim long ol i ken mekim vot o ol toktok samting.

I mas gat sistem bilong kamapim gutpela rekot long ol memba i kamap long palamen taim o nogat bai ol manmeri i ken save long husat memba i save kamap long palamen bung na husat ino save kamap.

Spika bilong nesanel palamen i tok em i save bai ol wokman bilong palamen na opis bilong klak i wok bung na gut wantaim long kamapim ol sampela gutpela senis long sevim ol memba na nem bilong haus palamen.

## Wakon kam bek olsem Plis Komisina

NUPELA Gavman bilong Morauta na Pundari i no westim taim na long wiken ol i makim olpela bos bilong Mosbi plis fos, John Wakon olsem nupela Plis Komisina bilong PNGi. Em i kisim ples bilong Peter Aigilo.

John Wakon i bin komanda bilong NCD inap Peter-Aigilo i bin rausim em long wok bilong em olsem komanda na em i kamap olsem wanpela plis-man nating. Bihain gen, Mist Aigilo i pinisim Wakon long wok bilong em olsem plisman.

Tasol ol samting i senis gen taim nupela Gavman i makim John Wakon olsem nupela Komisina long kisim ples bilong Peter Aigilo.

Praim Minista Sir Mekere Morauta i tok kantri i gat nem nogut long hevi bilong lo na oda we planti ovasis kantri na bisnis i save pret long ronim bisnis bilong ol long hia. Dispela tu i mekim na i daunim strong bilong PNG long wok bisnis wantaim arapela kantri.

Em i tok planti ausait lain i

save tok olsem ol bikpela hevi o trabel bilong stil na hait pasin i save kamap long top level we ol bikman i save go pas long en. Na dispela i mekim kantri i gat hevi long ai bilong ol arapela ovasis kantri na ol bisnis.

Sir Mekere i tok Gavman i makim John Wakon bikos em i bin soim olsem em inogat pret long wanpela bikman o lida bilong kantri. Em i bin go het tasol long painim asua bilong ol na traim long kotim ol.

Olsem na Sir Mekere i tok em igat bilip John Wakon, bai bringim bek bilip na amamas bilong ol manmeri na ovasis bisnis long stretim hevi bilong lo na oda insait long ol top level bikman long klarim gutpela piksa bilong PNG long ai bilong ol ausait lain.

Opis bilong Komisina em Gavman i save makim wokman olsem na olpela Gavman bilong Bill Skate i bin makim Peter Aigilo olsem Komisina. Nau nupela Gavman i kamap na ol i makim John Wakon.

## Edvens PNG soim sapot bilong ol

EDVENS PNG Pati (APP) husat i bin mekim senis long Gavman long las wik i tokaut olsem ol bai givim sapot bilong ol long nupela Gavman bilong Sir Mekere na John Pundari i go inap long yia 2000 na i go.

Deputi lida bilong Momase rimon na Gavana bilong Sandaun provins, John Tekwie i tok pati bilong ol i sanap strong long wok bung wantaim, mekim wok klia na stret long gutpela interes bilong kantri. Na ol i no inap surik o guria long wanpela salens o hevi we i kam long rot bilong ol.

Long makim maus bilong ol

arapela deputi lida bilong pati olsem Kilroy Genia Sauten rimon, Charlie Benjamin Niugini Ailan na Castan Maibawa long Hailans rimon, Mista Tekwie i tok pati bilong APP i bin mekim bikpela wok long kamapim dispela Gavman. Muv bilong ol i givim bikpela win tru long Sir Mekere Morauta long kamap Praim Minista olsem na ol i tok bai sapot bilong ol i stap strong wantaim edministresen bilong Sir Mekere na Pundari.

Olsem mipela i tok bipo pinis, nogat wanpela samting bai baim sapot bilong ol memba bilong APP na mipela

bai sanap strong wantaim bihainim nupela kepten long go pas long kantri i go insait long yia 2000 i go, Mista Tekwie i tok.

Mista Tekwie i tok Gavman bilong Morauta na Pundari i gat bikpela wok tru bilong stretim kantri na putim gut ol samting i go bek long ples bilong ol, olsem na ol pipel i noken ting em i isi long mekim.

Em i tok bai i gat sampela disisen we inap kamap na i no inap gutpela tumas long laik na tingting bilong sampela lain, tasol ol manmeri i mas glasim gut na skelim gut ting-

ing na eksen bilong ol na wok bung wantaim Gavman.

Sapos wanem senis i kamap long sevim interes bilong kantri, em i mas kamap olsem na mi askim ol pipel ol pipel long luksave na wanel bilong ol bikos dispela Gavman em Gavman we i kamap bihainim singaut na laikim bilong ol manmeri, Mista Tekwie i tok.

Mista Tekwie i tok amamas tu long ol manmeri long gutpela pasin ol i mekim long bihainim gut lo na senis long Gavman i bin kamap gut na isi tasol long las wik.

# WANTOK

All departments. Phone: 325 2500 - Fax: 325 2579  
P. O. Box 1982, Boroko, NCD, Papua New Guinea



Publishing Weekly, Thursday, for  
Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Company Ltd.

General Manager and Group Editor in Chief: Anna Solomon.  
Advertising Manager: Mike Kanin.  
Editor of Wantok: Yakam Kelo.

Papers distributed by air throughout PNG. Available by air mail subscription within Papua New Guinea and overseas. Email address: word@global.net.pg

Advertising deadlines, Display bookings, Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.



# Skate bai stap long Oposisen

## YAKAM KELO i raitim

OLPELA Prais Minista Bill Skate bai i no inap lusim politik bikos ol famili na sapota bilong em long Nesenel Kapitel Distrik (NCD) i no oraitim. Mista Skate i bin tok em bai lusim politik na kam bek long 2002.


Mista Skate husat nau em ekting Oposisen lida i tokaut olsem ol sapota na famili bilong em i tok em i no ken tanim na lukluk i go bek nau. Bikos em i bin mekim planti bikipela wok pinis long kantri, em i mas go fowet.

Mista Skate i tok taim planti memba i bin daunim em, sampela i stap wantaim em yet na ol i soim sapot na bilip bilong ol long Skate. Long dispela as, dispela i mekim em i kamap olsem strongpela lida we em i ken kam bek olsem strongpela lida tru long 2002 nesenel ileksen.

Em i tok ol sapota bilong em i tokim em olsem em i mas go het yet long pinisim dispela tupela yia long politik na traim gen long 2002. Sapos em i lus, orait ol i ken wanbel long em i lusim politik.

Mista Skate i tok em i gat olsem 10 na 15 memba i pas wantaim em long Oposisen na ol bai wok strong long strongim nem bilong Oposisen.

Grup bilong mi long Oposisen bai



• Bill Skate

sanap olsem lida bilong kantri long givim ol strongpela na gutpela tingting long Gavman.

Na mipela i no inap westim taim long toktok egensim wanpela lida na bagarapim o traim kamautim rong bilong narapela lida, Mista Skate i tok.

Bai mipela i larim asua na rong bilong husat lida i go long han bilong ol lo man yet long stretim.

Mista Skate i tok sapos wanem lida i gat asua we i samting bilong plis long mekim wok bilong ol long en, orait larim plis i mekim wok bilong ol.

Na i no ol lida long sutim toktok na autim asua bilong narapela man. Bikos wok bilong ol lida em

long sevim kantri na noken westim taim long ol arapela toktok na ausait samting nabaut, Mista Skate i tok.

Long Fonde tude, bai ol memba bilong Oposisen i stretim wok bilong ol na makim husat em Oposisen lida na ol sedo minista bilong Oposisen.

Na tu em bai mekim ol toktok bekim long ol sampela bikipela samting em i kamapim pinis taim em i stap long Gavman na tu long ol wanem senis nupela Gavman i mekim senis long ol.

Mista Skate i tok olgeta Gavman i gat pawa long makim husat bai kisim wanem wok long ol Gavman dipatmen na ol bikipela opis bilong kantri.

Olsem na em i no inap mekim wanpela toktok long nupela Plis Komisina John Wakon husat em nupela Gavman i makim em dispela wik long kisim ples bilong Peter Aigilo.

Tasol Mista Skate i tok nupela Gavman i no laik givim sans long Peter Aigilo long soim ol wok bilong em pastaim long ol na ol i ken luksave gut na bihain mekim ol senis.

Em i tok planti senis long ol bikman bilong pablik sevis husat i wok long opis tude em ol dispela lain nau i stap long Gavman i bin makim ol. Olsem na sapos ol i laik senisim gen, em samting bilong ol yet.

# Pangu brens long Momase na Nu Ailan askim Haiveta long risain

PANGU Pati brens long Momase rijon i no amamas long lida bilong pati Chris Haiveta long i no bringim Pangu i go insait long Gavman taim Gavman i bin senis long las wik Trinde.

Momase brens presiden John Wia i askim lida Chris Haiveta long risain olsem lida bilong Pangu Pati bikos taim olpela Prais Minista Bill Skate i bin risain, Mista Haiveta i no laik go pas long Gavman na sanap olsem man i go pas long Gavman.

Mista Wia i tok taim Chris Haiveta i bin kamap lida bilong Pangu Pati long 1994, Pangu i bin gat 24 memba olgeta long palamen. Tasol olgeta i wok long lusim pati isi isi inap dispela yia we 8-pela memba tasol istap long pati nau.

Mista Wia i tok em i gat bikipela rispek long Mista Haiveta tasol insait long pasin bilong demokretik long politik, taim lida i no kisim pati bilong em i go insait long Gavman tupela taim, em i mas risain long gutpela interes bilong pati na ol sapota bilong pati insait long kantri.


Mista Wia i tok Mista Haiveta i ken stap olsem memba bilong Pangu Pati tasol wok bilong pati lida i mas go long memba bilong Bulolo Samson Napo long lukautim pati i go inap long yia 2002 taim nesenel ileksen i kamap.

Em i tok Samson Napo em strongpela lida na em i nap go pas long Pangu Pati bikos em i bin stap wantaim Pangu i kam inap nau. Olsem na pati miting i ken bung na makim em long go pas long pati gen.

Wankain singaut tu i kam long Nu Ailan Pangu brens presiden Penias Peni olsem lida Chris Haiveta i mas risain nau bikos em i feil long kisim Pangu i go long Gavman.

Na tu em i mas risain long givim rot long nupela lida i kamap na go pas long Pangu bikos nem bilong pati i bagarap pinis na pati i lusim pinis planti memba na sapota bilong ol pinis.

Mista Peni i tok em i gat bilip olsem Chris Haiveta i no bin kisim toktok wantaim olgeta Pangu memba long lusim kem bilong Skate na go joinim PDM na Oposisen.



• Chris Haiveta

Em yet i mekim long laik bilong em na dispela i bagarapim na daunim pati olgeta long givim Pangu i go long Gavman, Mista Peni i tok.

Long las yia i kam, Pangu Pati i bin lusim sampela olpela memba bilong em olsem, Sir Rabbie Namaliu memba bilong Kokopo, Nakikus Konga memba bilong Gasel, Kilroy Genia memba bilong Abau na memba bilong Kavieng lan Ling Stuckey.

Long las wik tasol Pangu i lusim wanpela eksperien man na save man em memba bilong Kairiku Hiri Moi Avei we em i stap pas wantaim Oposisen taim Pangu i kalap joinim Bill Skate. Moi Avei istap wantaim ol Oposisen lain inap ol i senisim Gavman long las wik Trinde.

Toktok bilong Mista Wia i kamap bihain tasol long memba bilong Kavieng lan Ling Stuckey i bin sutim tok long Chris Haiveta olsem asua bilong Haiveta tasol i mekim na ol i abrus long fomim Gavman long las wik Trinde.

Mista Ling Stuckey i tok pasin Haiveta i mekim long kisim Prais Minista i no bihainim wanbel ol i kamapim pinis long bung bilong ol.

Na dispela i soim olsem em i pasin bilong hangre long pawa na long kisim biknem tasol na i no tingim ol pipel na kantri.

Tasol Mista Haiveta i bekim na tok dispela toktok bilong Ling Stuckey i no tru.

Bikos sampela lain insait long Gavman yet i no bin bihainim tok promis bilong ol long givim Pangu wanem samting ol i tok long givim.

# Plis Komisina Wakon em blesing bilong kantri

## PETER MAIME i raitim

NUPELA Plis Komisina, John Wakon i kisim blesing i kam bek long plis fos.

Dispela blesing em bilong helpim olgeta plis man na meri na bilong kantri wantaim.


Em i mekim dispela toktok long Tunde long dispela wik long ol nius manmeri long Konedobu Plis Hetkwata, Mosbi.

Em i tok kam bek bilong em i wanpela blesing long em yet na long plis fos na ol pipel bilong PNG.

Taim Mista Wakon i holim dispela kibung wantaim ol nius man na meri, planti ol plis opisa i stap long dispela bung long soim sapot bilong ol.

Mista Wakon em wanpela long taim plis opisa na em i bin wok olsem Komanda bilong Nesenel Kapitel na Sentrel, taim olpela Plis Komisina, Peter Aigilo i trensefaim em (Wakon) long plis hetkwata na bihain long sampela mun i bin rausim em olgeta long plis fos.

Taim Mista Wakon i stap Komanda bilong Nesenel Kapitel na Sentrel, em mekim wok painim aut i go long sampela ol bikipela sas bilong ol lida bilong kantri olsem



• John Wakon

Gavana bilong Westen Hailans, Pater Robert Lak, Prais Minista bilong bipo, Bill Skate na PNG Difens Fos Komanda, Jerry Singirok.

Mista Wakon i tok em wok bilong plis na sampela ol sas na wok painim aut long sampela bikipela kes bai go het aninit long komand bilong em.

Em tu i askim ol sinia plis opisa long wok bung wantaim em long sevim ol pipel bilong dispela kantri.

Em i no laik bai ol plis man na meri i wok independen. Em i laikim

bai ol i wok olsem wanpela tim.

Mista Wakon tu i toktok strong long kisim gut nem bilong plis fos i kam bek. Em i tok pasin politik i noken bagarapim gut wok bilong plis.

Em i tok taim bilong ol plis ofisa long ripotim narapela, tok baksait na laik bagarapim wok bilong narapela em i pinis.

Em i tok em i nogat belhat long wanpela opisa. Em i amamas long kam bek long plis fos na putim plis yunifom gen.

Mista Wakon i laik kisim tingting bilong olgeta plis man na meri. Wanem samting plis fos i mekim em tingting bilong olgeta opisa na i no bilong wanpela man tasol.

Presiden bilong Plis Asosiesen, Aloisus Evaisa i amamas long Mista Wakon na mekim bikipela tok welkam long em.

Em i tok olgeta plisman na meri i amamas long kam bek bilong Mista Wakon na bai wok bung wantaim em.

Mista Evaisa i tok Plis Asosiesen bai wok pas wantaim nupela komisina long stretim sampela bikipela hevi bilong plis fos olsem, haus bilong ol plis man na meri, pe na stretim gen promosen bilong ol plis opisa.

**TORO**

SIMUK I KILIM TORO NA EM I GO LONG TAKASOP LONG BAIM MUTRUS!!!

MI BAGARAP TRU LONG SIMUK, MIGO BAIM 40% MUTRUS.

EM KARIM 40% TASOL IGO!!!

EH, BRO! WANPELA LUS MUTRU I KAM, MI BAGARAP TRU!

40%?

NAU STOKIPA I TOKIM EM OLSEM V.A.T. NA OL PRAIS BILONG KAIKAI I GO ANTAP.

AIYOO, BARA! SAPOS YU KAM ASTE BAI YU KISIM MUTRU LONG 40% TASOL, NAU PRAIS EM 50% STRET!

ASTE EM 40%, NA NAU EM 50%?

EM STRET!

EM I ORAIT, BRO, MI LES LONG MUTRUS BILONG TUDE, KARIM MUTRUS BILONG ASTE IKAM!

MUTRUS BILONG ASTE?!



# WANTOK

NIUSPEPA BILONG YUMI OL PAPUA NIUGINI STRET

## Wok stret long nem bilong PNG

TOKTOK bilong olpela Praim Minista Bill Skate olsem lain bilong em long Oposisen bai i no inap westim taim long sutim tok o autim rong bilong wanpela man o memba long floa bilong palamen. Em bai i go het long givim ol toktok bilong givim stia na tingting long ol gutpela samting bilong kantri. Dispela kain tingting bilong Mista Skate em gutpela tru bikos i luk olsem ol lida long palamen i save jeles na egesim ol yet i go i kam na traim long kotim narapela narapela i go kam, we ol i save pulim tu ol lain long ausait long sapatim na karimaut tingting bilong ol. Dispela i save mekim na kamapim trabel na birua namel long ol lida yet na tu ol manmeri long ausait.

Dispela kain pasin tu i save mekim ol lain ausait i save sapat long ol lida bilong ol na mekim birua long arapela lain, pretim ol long wok bilong ol, rausim ol long gutpela wok bilong ol na moa hevi i save kamap. Olsem na ol lida i mas soim gutpela pasin long mekim ol wok na toktok bilong ol stret long hevi na wok bilong kantri. Wanem lida i gat hevi long laip bilong em o wok bilong em, em samting bilong ol lo man olsem plis fos na kot long mekim wok bilong ol. Ol lida i no ken yusim plis long mekim wok bilong ol long kamapim trabel o asua bilong narapela lida.

Sapos Bill Skate wantaim Oposisen lain bilong i mekim wok bilong Oposisen stret long sait bilong mekim toktok na givim tingting long gutpela bilong kantri tasol, ating em bai gutpela piksa tru long olgeta arapela lida i mas lukim na mekim olsem tu. Ating Bill Skate i luksave olsem taim em i stap long Gavman, ol sampela lida i wok long yusim ol kain kain rot long bagarapim nem na wok bilong em olsem Praim Minista bilong kantri. Olsem na em i laik stretim gut dispela kain pasin long i no ken kamap moa long ol lida. Ol pipel i makim yupela long wok bilong ronim gut kantri na bringim developmen na sevis long ol pipel. Olsem na mekim dispela wok stret na maski long arapela wok nabaut.

# Bogenvil sapatim gren koalisen gavman

VERONICA HATUTASI i raitim

OL PIPEL bilong Bogenvil redi long wok wantaim nupela Gavman sapos em i go hetim na bihainim ol polisi na ol arapela wok we olpela gavman bilong Praim Minista Skate i bin kamapim, Presiden bilong Bogenvil Pipels Kongres (BPC) Joseph Kabui i tok.

Mista Kabui i bin tokim Wantok Niuspepa olsem em na pipel bilong Bogenvil i amamas long nupela Gren Koalisen Gavman bilong kantri we ol bin fomim las wik. Mista Kabui i tok BPC i redi long wok

wantaim Gren Koalisen gavman aninit long lidasip bilong Sir mekere Morauta sapos em i no wokim ol senis tasol go hetim na bihainim ol polisi na wok we olpela gavman bilong Praim Minista Skate na ol Bogenvil lida i bin kamapim.

Mista Kabui i bin autim wari olsem nau nupela gavman i kamap em i gat strongpela tingting olsem Bogenvil bai kam aninit long nupela Provinsal Gavman rifom na dispela samting em ol pipel long ailan i egesim.


Em i tok i gat tupela grup i stap long Bogenvil husat tingting bilong ol i no wankain. Wanpela em ol "hatlainas" we i karamapim ol dispela we i

laikim independens na ol i strongpela sapatu tru long dispela samting Ol dispela lain bai wokim olgeta samting na tu go hetim pait long kism independens. Narapela grup em long ol "moderet" lain. Mista Kabui i stap long dispela grup. Grup ya i laik stretim ol hevi long pasin bilong sindaun na toktok. Ol i luksave olsem pasin bilong pait wantaim gan i no inap long kamapim gutpela samting. Na grup ya i luksave olsem aninit long mama lo bilong PNG, em i hat long givim independen long Bogenvil. Tasol sapos ol i orait long givim moa pawa o stet gavman long Bogenvil, ol bai orait long en.

Mista Kabui i tok sapos wanpela samting i go long long ol polisi we i stap pinis, ol hatlainas inap kamapim trabel.

Long Bogenvil i kam aninit long nupela rifom, Mista Kabui i tok em nogat hevi Bogenvil Rijinel memba John Momis tasol ol mas tingim situesen long graun.


Mista Kabui i tok em i amamas nau bikos olgeta Bogenvil nesenel memba i stap insait long gavman na em i strongim ol long wok bung wantaim long sapatim olpela Bogenvil Afeas Minista Sam Akoitai long ol wok go het long kamapim bek gutpela sindaun na stretim Bogenvil.



• ANTAP: Hia em ol sampela Katolik pipel i kam sua long moto long Tsiroge bilong stap insait long odinesen bilong nupela Bogenvil bisop.

• ANTAP LEPHAN: Pinis long lotu bilong odinesen bilong nupela Bogenvil Bisop Henk Kronenberg. Ol Katolik bisop bilong PNG na Solomon Ailan i wokabaut i go daun long lusim patapata na proseso i go long sapol. Foto: Veronica Hatutasi.

• LEPHAN: Nupele Bisop Henk Kronenberg i tok tok wantaim wanpela bikman nasios memba Simon Kerebe. Foto: Barbara Masike.



# WANTOK

NIUSPEPA BILONG YUMI OL PAPUA NIUGINI STRET

P. O. Box 1982, Boroko  
Telepon namba: 325 2500  
Feks namba: 325 2579  
email: word@global.net.pg

## PE BILONG WANPELA YIA 52 NIUSPEPA

PLES	AIR
PNG	K 68.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00

## Biabia

BIABIA GO MEKIM BIKPELA SOPIM LONG SUPAMAKET..



EM JEST LODIM OL KAIKAI LONG TROLI NA PAINIM SAMPELA MOA ISTAP..



EM INO SAVE OLSEM V.A.T NA PRAIS I GO ANTAP PINIS..



TAIM OL I SKELIM PINIS, BAGA I LUKIM TOTAL PRAIS NA EM AIRAUN..



## Suprim kot rausim salen bilong Momis

SUPRIM Kot long dispela wik i bin rausim salens bilong Bogenvil Rijinel memba John Momis long Nesenel Gavman.

Long mun Januari yet long dispela yia, Mista Momis i wok long salensim Skate/Lasaro Gavman long saspending Bogenvil Provinsal Gavman na kirapim ol arapela atoriti long provins bihain long Bogenvil Tremsisenel Gavman i pinis.

Mista Momis i tok Nesenel gavman i no bin bihainim lo long rausim BPG we taim BTG i pinis long Desemba 31,1998, Bogenvil i mas kam aninit long nupela Provinsal Gavman rifom olsem ol arapela 19-pela provins long kantri. Na Mista Momis olsem rijinel memba bai kamap gavana long Bogenvil taim provins i kamap aninit long nupela rifom.

Long mun Epril, Nesenel Kot i bin harim dispela keis na salim i go long Suprim Kot bikos em i tok em nogat pawa long lukluk long en. Mista Momis i bin askim Nesenel Kot long glasim na skelim disisen we Skate/Lasaro gavman i bin mekim long saspending BPG. Na Suprim Kot i bin harim keis na tok bihainim kain situesen we Bogenvil i stap long en na bihainim ol toktok, tingting na laik bilong ol pipel, Nesenel Gavman i bin

mekim rait disisen long rausim BPG na larim kea teka atoriti i lukautim provins taim em i wetim ligel gavman we bai ol pipel i ilektim.

Long dispela wik, Sief Jastis Sir Arnold Amet, Sir Kubulan Los na Jas Salamo Injiai rausim kot salens bilong Mista Momis long wanem long teknikol sait, samting i no stret. Bihainim dispela, ol i tok apil bilong Momis i no kwalifai na i no bin gat kliapela na gutpela luksave long ol samting we i karamapim dispela saspensen we em i laik salensim long gavman i bihainim lo long go hetim disisen bilong em.

Kot i tok tu olsem Mista Momis i no bihainim raitpela rot long putim dispelas keis i go long kot, maski ol loya bilong tupela sait wantaim i bin wanbel long luksave na pait long apil long kot.

Suprim Kot i tok rot we Mista Momis inap long bihainim em long aplai long notis bilong mosen olsem i stap aninit long Suprim Kot lo na i no long putim apil notis, rot we em i bihainim nau.

Loya bilong Mista Momis, Alois Jerewai i tok tru kot i rausim keis, dispela i bihainim tasol rot we ol i kism apil tasol long luksave long ol bikpela samting i stap insait long apil, luksave i stap yet. Long nem bilong proses o rot tasol ol samting i no stret.



# Sandaun pipel i tok tenkyu

FELIX RAMRAM i raitim

SAPOS ol helpim i no kam, bai planti moa pipel i lusim laip bilong ol. Gutpela sindaun wantaim ol gutpela wok na bisnis bilong ol, olgeta i bagarap. Makim Sandaun Provinsel Gavman, Siaman lukautim Intenel Afeas insait long Sandaun na Presiden bilong Telefomin LLG, YENGI DINIP i mekim dispela toktok long taim em i makim pipel na tenkim "olgeta lain na kantri wantaim gavman" bilong ol. Husat i bin givim traipela helpim long PNG, bikpela tru ol kain helpim i go long ol pipel bilong Aitape nambis husait long ol i bin kisim bagarap long Tsunami Solwara long Julai 17las yia. Seremoni bilong tingim gen ol bagarap ol i holim long Terry Tainor Park i wanpela samting bilong sem tru insait long Vanimo. Bikos ol bikman bilong Gavman, ol senia pablik sevans wantaim planti komyniti lida i no kamap. Long stap namel wantaim liklik lain samting olsem 20 manmeri husat i bin bung i stap. Taim moa long tausen pipel i wok long muv i go kam long ai bilong ol tred stua na benk. Wantaim ol PMV operata i

tingim tasol long mekim mani taim ol i ronim ol ka na trak bilong ol i go kam. Wantaim nogat rispek long wanem samting dispela liklik lain i bung na mekim i stap.

Mista Dinip i tokim ol lain i bung olsem, wanem samting i bin kamap long Aitape las yia wanpela hevi na samting nogut we pipel i nogat save long bagarap ya bai i kamap. Tasol wonem samting i kamap pinis i mas wanpela piksa yumi olgeta i mas kisim na redi olgeta taim long wanem ol narapela hevi na bagarap bai i kam.

"Wanem samting i kamap long Aitape, yumi lukim na save pinis. Nau bai mipela i mas redi olgeta de. Planti laip i bin lus, gutpela sindaun bilong pipel long ol ples i bagarap, na bisnis bilong ol tu i bagarap olgeta. Tasol, sapos ol klostu pren bilong yumi olsem Australia, Nu Silan, Amerika wantaim planti narapela husait i bin helpim i no kam hariap, ol pipel bilong Sissano, Warapu, Arop, Nalol na sampela narapela ples long Aitape bai moa laip i lus". Mista Dinip i tokaut.

Siaman bilong Sandaun Intenel Afeas i tok tenkyu i mas go tu long Riablik ov Indonesia husat tu i bin givim helpim long taim kantri

bilong yumi i wok long laikim helpim. Maski Indonesia yet i gat planti hevi na trabel insait long kantri bilong em yet. Dispela mari-mari Indonesia, na ol narapela kantri i gat long PNG i wanpela gutpela samting tru. Pipel bilong Papua Nuigini, bikpela tru Aitape i mas kisim wantaim amamas na tok tenkyu.

"Olsem na yumi olgeta i ken tenkim na askim Papa God long blesim ol bikman wantaim Gavman bilong ol dispela kantri husat i bin kam long helpim PNG.

Em i go het na i tokaut tu olsem i gat ol hevi i stap yet long pasin bilong sindaunim gut ol pipel bilong Sissano, Warapu, Arop na Malol ples. I gat ol tok pait bilong graun na ol sevis bilong gavman i wok long go insait isi isi. Em i tok as bilong dispela em i nogat mani i stap long karim aut ol infrastrak-sa wok olsem long wokim ol rot na bris. Wanwan hap i gat rot i go insait long hap pipel i sindaun long en, tasol ol wok i ron isi isi tru bikos i nogat mani".

Yengi Dinip, Makim Sandaun Provinsel Gavman i toksave tu olsem Gavman i no bin nap givim helpim bikos long ol hevi bilong nogat mani.

## Sandaun pipel bilip long Morauta

SANDAUN pipel i gat bilip long mama lo bilong Papua Nuigini na ol lo bilong demokrasi em PNG i wok aninit long en. Kaikai bilong dispela kantri i kamapim senis bilong Gavman we i lukim Sir Mekere Morauta i winim sia na kamap Praim Minista wantaim 99 vot.

Sandaun na PNG olgeta i gat bilip olsem Sir Mekere i saveman bilong mani na wok edministresen, em bai i kamap gutpela lida long holim wok bilong Praim Minista.

Ol pipel bilong dispela las ples provins bilong kantri i kisim sans long tenkim ol memba husat i bin sapotim olpela Praim Minista, Mista. Skate Long gat luksave long Sir Mekere na givim sapot bilong ol long makim em.

"Mipela i amamas na tenkim tu olpela Spika John Pundari husait long luksave bilong mipela i trupela lida na i daunim em yet long i no laik holim wok olsem Praim Minista bilong Papua Nuigini na i givim wok ya i go long Sir Mekere. Na ol lida bilong nau na bihain i mas luksave long mak bilong gutpela lida i stap long John Pundari".

Samuel Tasig bilong Aitape i tokim Wantok olsem Sir Mekere Morauta i gat bikpela wok i stap. Na olsem saveman long wok bilong mani, nambawan wok bilong em, em long stretim hevi bilong mani kantri i gat nau. Na

lukim olsem prais bilong ol samting long ol tred stua i go daun, strongim ken tingting na laik bilong ol bisnis long PNG. Daunim bilong (lo na oda) na rausim VAT Takis.

"Bihain long dispela, gavman i mas rausim Pirouz Hamadian Rad na senisim em wantaim wanpela PNG saveman yet", Samuel Tasig i tokim Wantok.

Ol narapela i wanbel olsem planti promis olpela Praim Minista Mista Skate i mekim long holim pasim ol paul pasin lain na larim lo i mekim save long ol i no kamap. Dispela i as bilong planti paul pasin wantaim kisim na givim bilong braiberi i bikpela tru namel long ol bikman na sinia gavman opisel.

"Ol dispela enkwairi na investigasen em olpela gavman i bin rausim, gavman bilong Sir Mekere i mas opim gen. Mipela pipel i bilip planti samting wantaim planti bikman politisen na ol sinia gavman opisel i hait we lo i no mekim save long ol yet. na wanpela bikpela samting em gavman bilong Sir Mekere i mas lukim olsem i gat lo i karamapim ol politikel pati.

"Yumi lukim pinis wanpela lida i yusim namba na posisen em i holim long brukim ol politikel pati insait long 3-4pela wik long senis bilong gavman. Sapos gavman bilong tede i no kamap wanpela lo long tambuim ol memba long

kalap i go kam long ol pati. Olsem tu long kamapim na senisim nem bilon pati klostu klostu long as tingting bilon kisim namba na biknem, em i tok.

Minista Assin i singautim tu Sir Mekere long lukim olsem husait provins i kamapim mani long wanem ol risos ol i gat. Em i gutpela olsem dispela ol provins i mas holim bek 50-60 pesen mani i stap bek long provins long bringim moa developmen i go insait long ol liklik ples na distrik.

"Sandaun i wanpela piksa long toktok long en. Moa long 25 kris-mas Nesenel Sandaun i kisim win mani bilong timba-risos provins i gat. Skelim mani gavman i kisim na hamas mani Nesenel Gavman i givim long Sandaun, developmen bilong Sandaun i stap yet long jiro. Nau ol narapela risos olsem Frieda Main, Oil long Oksapmin wantaim-painim bilong ol nupela risos. Provins i mas holim bek bikpela hap bilong mani i kam long ol dispela risos long gutpela bilong pipel, Mista Assin i tok.

"Nau yet mipela i gat hevi bilong nogat rot i joinim 4pela distrik, olsem na dispela i wanpela bikpela hevi dispela provins i bungim. Na gavman bilong Sir Mekere i mas luksave long Sandaun long nogat developmen na nogat gutpela rot", Mista Assin i tokim Wantok.



• Provinsel Fores Advaisa bilong Sandaun Kevin Pilo i soim wanpela diwai ton long fektori bilong Vanimo Fores Prodak. Wanwok bilong em Braun Kiki i wok long glasim gut diwai. Vanimo Fores Prodak i kamapim wanpela plai-wut fektori pinis. Foto: Joe Kanekane.

## Morauta gavman i mas gavman bilong pipel

PAPUA Nuigini pipel i laik lukim Sir Mekere Gavman i kamap gavman bilong pipel tru, na i no bilong ol liklik lain insait long Nesenel Palaman wantaim ol politikel pren, ol waitman na ol hap-kas nabaut. PNG i wet long lukim gavman long kamapim ol senis long sevim mani hevi dispela kantri i gat nau. Singaut i sut tu long Sir Mekere long "rausim olgeta" wok bilong ol Vais Minista na yusim dispela mani long ol narapela eria bilong helpim kantri.

Ol pablik sevans insait long Vanimo i tokaut olsem, planti mani tru i lus nating long baim ol Vais Minista. Taim ol dispela mani gavman bilong pastaim i nap sevim long kilim dai ol hevi bilong mani PNG i gat long en. Ol i tok, i no Vais Minista wok tasol, i gat ol narapela rot tu i stap olsem long katim pe bilong ol Minista na memba bilong Nesenel Palaman.

"Long sevim planti milien Kina, mipela i laik lukim tu Sir Mekere i rausim hariap tru dispela milien

Kina gavman edvaisa Pirouz Hamadian Rad. Kantri i bungim hevi bikos long edvais dispela ovasis saveman. PNG i gat planti saveman bilong em yet i stap, na bilong wanem PNG mas go painim na haiarim ol saveman bilong ovasis.

We planti long ol i save giaman-im PNG long gutpela bilong ol tasol, taim kos bilong ol i traipela tru. Na kik bek bilong ol samting, Papua Nuigini i karim hevi bilong gat traipela dinau na ol narapela hevi bilong mani", Vanimo pablik sevans.

Ol i tok i gat planti narapela posisen na wok tu insait long ol narapela sekta insait long gavman yet. I gat planti man i mekim wankain wok, ol dispela wokman i mas pinis sapos gavman i laik sevis mani, ol i tok.

Wanpela mama tu Lucille Tala i tokim Wantok olsem Sir Mekere i mas skelim ol wok Minista tu na katim namba bilong ol minista i go daun.

# BIG HIGHWAY BEER

Paradise





# Odinesen bilong Bisop Henk olsem hetman long Bogenvil Sios

VERONICA HATUTASI  
i raitim

LONG BIPO yet, Katolik Sios long Bogenvil i save gat strongpela na gutpela wok poroman wantaimol pipel long ailan.

Na dispela i no nupela samting bikos sios em bin go sindaun pas-tasim long ailan na kamapim ol wok developmen na tu kirapim ol sevis olsem helt, edukesen na lotu long ol pipel. Dispela em long laspela hap bilong 19 na namba hap bilong 20 senseri.

Ol Maris Misinari em ol namba wan lain long go sua long Bogenvil. Ol bin kam long kanu na bot olsem long Solonion Ailan. Long dispela taim, kolonial gavman we i lukautim Papau Niugini i no save lukluk tru long Bogenvil na olsem nogat wanpela gutpela samting i kamap long ailan.

Tasol taim ol Misinari i kam, ol karim lotu na ol sevis na developmen i kam. Na ol pipel i lainim ol samting long sait bilong lotu na tu kisim skul long rit, rait, skruim ol tingting long gutpela na stretpela pasin na gutpela sindaun long ples na ol arapela moa.

Olsem na long laspela 10-pela krismas long taim bilong bikpela hevi long Bogenvil na taim i nogat narapela rot long kisim helpim, planti pipel i holim strong long kristen bilip bilong ol.

Planti pipel long Bogenvil, samting olsem 90 pe sen long 156,000 mak bilong populesen bilong ailan i memba bilong Katolik Sios. Ol narapela em ol Yunaitet Sios, Seven De Edventis memba. I no long taim i go pinis na ol arapela Pentekostel Sios na Kristen Rivaivel Sios i go insait long Bogenvil.

Ol Katolik Misinari i bin bringim lotu, skul, ol haus sik na helt sevis i go long Bogenvil. Na ol bin sindaun gut na strong pinis wantaim ol pipel bipo gavman i go long ailan. Olsem na Sios long Bogenvil i save gat strongpela nek na pawa long makim nek bilong ol pipel long ailan.

Ol pipel bilong Bogenvil i save gat bikpela luksave long ol samting bilong Sios na dispela Episkopal Odinesen bilong Bisop long Trinde las wik Julai 14 long ailan i bin wanpela bikpela samting tru na i soim stret dispela luksave.

Bogenvil i nidim nupela hetman bilong sios bikos olpela bisop bilong ol Gregory Singkai i bin dai long Septemba 1996 na insait long tripela krismas, ol no bin gat man long kisim ples bilong em inap nau.

Planti tausén bilip manmeri na pikinini i bin pulim lain i go long Tsiroge Katolik Misin stesen we i stap long not Bogenvil long witnessim dispela odinesen o blesing bilong makim nupela het bilong Katolik Sios long Bogenvil.

Long Buka Ailan na taun, ol pipel i bin kisim moto i go long Pasis na bihain, kisim ka long Kokopau na bihainim rot i go long Tsiroge. Ol arapela i bin kisim moto long Buka maket na go olgeta long Tsiroge. Sampela pipel tu bilong Kunua/ Keriaka i na Tinputz i bin wokim wantaim tu taim ol planti arapela bilong bikailan i bin kisim balus o bihainim rot i kam long Tsiroge long sampela de bipo long bikde i kamap.

Asbisop Karl Hesse husat i hetman bilong Katolik Sios long Rabaul Asdaiosis na man husat i stap olsem wasman bilong sios long ailan taim Bogenvil i nogat bisop i bin go pas long lotu bilong odinesen bilong Bisop Henk.

Seremoni i bin kamap long Tsiroge bikos em i isi long ol pipel long bikailan long kam long en.

Bipo long ol yia long 1960's, Tsiroge i bin stap olsem hetkota bilong Katolik Sios long ailan. Em i ples tu we Bisop i save stap long en na operet moa long em. Bihain nau long 1970's sios i surukim hetkota i go long Tubiana long Sentrel Bogenvil.

Ol wok redi long odinesen bilong Bisop Henk i bin stat long tripela mun i go pinis, bihain tasol tok-save i kam long Rom. Ol peris long Buka, Tinputz na Kunua/Keriaka i bin redim ol samting we i sut long

pasin kastam ol i kamapim long taim bilong Misa lotu bilong odinesen na tu ol singsing na liteji long Misa.

Olsem na liteji na odinesen Misa i bin go gut stret na luknais bihainim miks bilong pasin kastam na ol sios seremoni long nupela bisop i kisim blesing.

Bihainim rot, moto, kanu na long lek, moa long 5,000 Kristen manmeri na pikinini i bin kam long Tsiroge long stap insait long selebrenen na lotu bilong makim nupela Bisop bilong Bogenvil. Ol bin kam long olgeta hap bilong ailan. Tu 15-pela Bisop bilong PNG na Solomon Ailan i bin stap insait long lotu wantaim tu ol arapela Pater, Bruder na Sister. De i bin gutpela stret wantaim bikpela san tasol ol pipel i no wari bikos dispela em bikpela samting long ol long wanem nau ol i gat nupela sios lida bilong ol.

Asbisop Karl Hesse bilong Rabaul Katolik Asdaiosis husat i bin was papa bilong sios long Bogenvil long taim bilong hevi na tu taim Bisop Gregory i bin dai klostu long tripela krismas i go pinis i bin go pas long ol lotu bilong makim nupela bisop na givim blesing long en. Seremoni i bin stat long 11 kilok moning na pinis long 3.30 apinun.

Olgeta samting i bin go gut tru na ol pipel i amamas na sekanim nupela bisop bilong ol.

Bisop Henk i no nupela man long Bogenvil. Em bin kam long ailan long 1965 olsem wanpela yangpela misinari pater na karimaut wok long saut na sentrel Bogenvil.

Em bin go pas long Katekis trening skul long Mabiri na tu long givim ritrit long ol rilijes na ol sios woka. Olsem na em i gat gutpela save long ol samting i kamap long Bogenvil na ol pipel tu i gat luksave long en.

Long taim bilong bikpela hevi em long 1990, Bisop Henk i bin lusim Bogenvil na kam long Mosbi tasol em i save was long ol samting long Bogenvil, wetim taim bilong orait na em bai go bek. Na



• Bishop William Kurtz of Simbu diocese i putim han antap long nupela bisop Henk Kromenburg long givim blesing bilong em long ordiesen serimoni long Buka. Foto: Veronica Hatutasi.

sans bilong em i bin kamap tru taim nius i kamap olsem hetman bilong Katolik Sios, Popo John Paul 2 i makim em olsem Bisop bilong Bogenvil.

Bisop Henk husat i gat 65 krismas i bilong Enschede insait long daiosis bilong Utrecht long Holan. Insait long nainpela krismas bilong em long Mosbi, em bin wok olsem rekta o bos bilong ol Maris sumatin long Holi Spirit Seminari long Bomana, na long 1995, em bin kisim wok olsem Jenerel seketeri bilong Katolik Bisops Konpres inap long dispela mun taim em i kisim wok olsem Bisop bilong Bogenvil.

Olsem Sefed bilong ol pipel long Bogenvil, bikpela tingting bilong Bisop Henk i bilong wok wantaim komyniti i no long helpim ol long Spirituel sait tasol, nogat em lai wok long strongim gutpela sindaun na bel isi pasin long Bogenvil.

"Mi save olsem bai wok i hat tasol wantaim helpim bilong God na yupela ol piple bilong mi long Bogenvil, mi gat bilip olsem bai mi karimaut ol wok long autim Gutnius.

"Bai mi wok tu long strongim wok bilong painim gutpela sindaun na bel isi pasin long Bogenvil. Nau em i taim bilong yunait na wok bung wantaim long pis long ailan," Bisop Henk i bin tok.

Em bin givim tok tenkyu na amamas bilong em long Asbisop Hesse long lukautim Sios long Bogenvil long taim bilong hevi na taim ailan i nogat bisop na tu, ol pater, sister, Bruder na ol sios woka long holim pas sios wantaim.

Pater Michael Bora husat i bin kamap olsem Masta bilong

Seremoni i bin tok dispela seremoni em i wanpela rot we i pulim ol pipel bilong Bogenvil wantaim na strongim ol long kamapim bel isi pasin na sekanim wanpela araepela na tu lusim tingting long ol rong we ol bin kamapim long wanpela araepela.

Em i tok dispela em wanpela step fowod indait long wok bilong kamapim gutpela sindaun long ailan. Na em bin strongim ol pipel long putim lewa na tingting wantaim long wok bilong strongim bel isi na pasin bilong pogivim wanpela araepela.

Asbisop hesse i bin wokim wankain toktok tu na em bin askim ol pipel bilong Bogenvil long givim wankain luksave na sapot olsem ol bin givim long en taim em i wasman bilong ol.

Siaman bilong ogenaisng komiti long Bogenvil, Tom Viore i bin tok ol bin tromoim K20,000 long redim dispela seremoni. Na daiosis, ol peris long ailan, ol komyniti na pipel, ol bisnius haus i bin givim helpim na sapot wantaim mani na ol arapela samting bilong kamapim dispela seremoni.


Em i tok bikpela samting em ol pipel i amaams long gat nupela bisop husat bai i lidim ol long sprituel said na tu long edministresen na ol arapela wok bilong sios long Bogenvil daiosis.

Tru long dispela taim, i nogat planti asples lain i holim posisen olsem bisop, Bisop Hesse i tok Sios i wok long isi si muv long dispela na redim ol asples pater long dispela wok.

Em bin tok dispela em, ol i mekim long Fomesen program we nau ol asples rilijes na pater i holim dispela wok.

## Tu Minit Tingting

### Wantaim



FRANK MIHALIC

WANPELA bisnisman, i stori olsem: "Tude long belo, Misis Maria i kam insait long bikpela stua bilong mi. Man bilong em Jon em i wanpela nupela wokman bilong mi. Nau tasol Jon i bisi long helpim wanpela kastoma; olsem na Maria i mas sambai wetim em. "Mi lukim Maria na mi givim gutde long em na mi toktok moa

## Kas Bilong Yu

long em olsem, 'Man bilong yu Jon em i wanpela nambawan wokman tru. Mi amamas long gutpela wok bilong em. Em i save mekim gut tasol long ol manmeri i kam insait long stua; olsem na planti i save kam bek gen. Em i win tru.'

"Maria i harim dispela tok amamas i go long Jon, tasol em i nogat tok; em i pasim maus i stap. I iuk olsem em i no belgut long harim dispela tok.

"Bihain Maria i go pinis, Jon i stori long mi olsem: "Mi na Maria, mitupela i no sindaun wantaim. Em i lusim mi 6-pela mun bipo; na em i kisim liklik bai bilong mitupela i go wantaim. Em i save kam bek na painim mi tasol long taim em i sot long mani.

"Sampela wik bihain mi harim Jon i toktok olsem long telipon: "Oke, Maria. Bihain long wok bai yumi tupela i ken i go lukim dis-

pela nupela haus.' Bihain em i pinisim toktok, Jon i kam na i sekan wantaim mi, olsem wanpela mani bin winim wanpela samting bikos mi bin helpim em.

"Nau em i tok save long mi olsem: "Mi na Maria mitupela i sindaun wantaim gen. Stat long dispela taim we yu bin tok amamas long wok bilong mi, em i stat long mekim narakain long mi. Nau em i save iukim wan wan gutpela samting i stap long mi. Bipo em i bin painim ol samting nogut tasol."

Nau bisnisman i skulim wokman bilong em, Jon, na i tok: "Em i lo bilong mi, sapos mi lukim wanpela pasin na mi laikim, mi no ken pasim maus. Nogat. Mi mas autim na tok amamas long dispela gutpela samting long ai bilong olgeta manmeri i sanap nabaut long mi. Na olsem yu bin lukim long laip bilong yu yet, dispela kain pasin i save karim gutpela kaikai."





# Hailans Nius

## Pundari karim nem bilong Enga

**PETER MAIME i raitim**

MEMBA bilong Kompam Ambum na Lida bilong PNG Edvens Pati, John Pundari i nambawan man long Enga long kamap Deputi Praim Minista, wanpela mak sot long Praim Minista.

Em tu i bin nambawan Enga man long kamap Spika bilong Nesenel Palamen.

Dispela tupela wok, em bikpela opis bilong kantri na i apim nem bilong Enga.

Bipo planti lain ausait i save lukim ol pipel bilong Enga olsem ol

trabel lain. Dispela tingting em ol pipel bilong Enga i laik senisim.

Gavana Peter Ipatas i go pas long kamapim gut nem bilong Enga. Mista Ipatas long sampela taim i go pinis i tok, Enga mas senis na kamap gutpela pies. Em i laikim gavman sevis i mas go long ol pipel.

Enga Provinsal Gavman i wokim pinis tri-stori haus bilong Provinsal Gavman na Dipatmen bilong Enga insait long Wabag taun. Narapela hap bilong dispela haus bai ol i surikim long liklik taim tasol.

Dispela nupela haus bai ol i opim long neks mun na bai kamap

long taim bilong Enga Kalsarel So.

Provinsal Gavman tu i wokim ol opis bilong distrik hetkwata long wan wan distrik. Dispela em bilong helpim ol gavman sevis i go long haus dua bilong ol pipel.

Enga Kalsarel So em wanpela bikpela samting i save kamap long olgeta ya long soim sampela ol gutpela singsing, bilas na pasin tumbuna bilong provins.

Narapela bikpela samting i winim lewa bilong Enga, em SP Kap tim, Enga Mioks. Olgeta hap bilong Enga i stap baksait long dispela ragbi lig tim bilong provins. Maski ol pipel i kam long kainkain

haus lain na distrik, olgeta i save bung wantaim na givim sapot long tim. Kamap bilong Mista Pundari olsem Deputi Praim Minista em wanpela bilong ol gutpela samting i kamap long Enga na putim nem bilong Enga long PNG mep. Tu em wanpela lida bilong nupela politikel pati, PNG Edvens Pati.

Mama i karim Mista Pundari long Januari 7, 1967 long Meriamanda viles.

Em i pinisim gret 10 long Wabag hai skul na go mekim gret 11 long Passam Nesenel Hai Skul, Is Sepik long 1985.

Bihain em i lusim skul na wok

wantaim Beng ov Saut Pasifik.

Em i risain long beng na resis long 1992 nesenel ileksen na win.

Long 1997, ol pipel bilong Kompam Ambum i makim em gen i go long Nesenel Palamen.

Mista Pundari i bin kamap Spika bilong Palamen bihain long 1997 ileksen. Em i bin holim dispela wok inap em i risain long las wik.

Em i bin joinim grup bilong Praim Minista, Sir Mekere Morauta long rausim olpela Praim Minista, Bill Skate na kamapim nupela gavman long las wik, na gavman i makim em (Pundari) namba tu Praim Minista bilong kantri.

## Westen Hailans redi long kaunim pipel

**PIUS MON i raitim**

WESTEN Hailans i redim em yet long kaunim ol pipel (populesen sensas) long ya 2000.

Long las wik, Mandé i go inap long Fraide, olgeta distrik edministrea long provins i bin bung long Hagen long wanpela woksop wantaim ol opisal bilong Nesenel Steristik Opis long Mosbi.

Kondineta bilong Hailans rijin, Peter Siopun i tok dispela wanpela wik woksop em bilong helpim ol Distrik Edministreta long save long wanem samting ol bai mekim long taim bilong kaunim ol pipel o pop-

ulesen sensas.

Mista Siopun i tok woksop ya i opim ai bilong planti lain husat i no klia long mekim wok sensas long distrik bilong ol.

Wok bilong redim sensas tu i kamap long ol narapela provins olsem Milne Bay, Is Sepik na Wes Nu Briten.

Mista Siopun i tok olsem ol lain husat i kam long woksop i klia long planti samting na em i gat strongpela bilip olsem, ol bai mekim gut wok long taim bilong sensas.

Deputi Edministreta bilong Polisi na Plening, Michael Wandil i pasim woksop long Fraide na tok kain wok bilong kisim namba bilong ol

manmeri long provins bai helpim long mekim wok plen bilong provins.

Em i tok dispela kain woksop mas ron gut wantaim gutpela risosis bai i sapotim developmen plen bilong provins.

"Taim yumi gat sans, yumi mas mekim samting gut bai nogat hevi i bungim yumi bihain," Mista Wandil i tok.

Em i tok sapos ol infomesin bilong populesen i no stap gut, ol hevi i save kamap olsem long taim bilong ileksen. Em i givim eksampel long kainkain nem i save stap long komon rol buk we i no sapos long stap.

## Basua em nupela memba bilong Kagua Erave

NESENEL Kot long Waigani i luk-save olsem David Basua em nupela memba bilong Kagua Erave.

Kot i bin mekim dispela disisen long las wik Fraide.

Jas Robert Wood husat i harim dispela kot i tok, bihain long ol i kaunim tripela balot bokis ol i no bin kaunim long taim bilong ileksen, i soim olsem Mista Basua em wina bilong ileksen.

Bihain long ol i kaunim ol vot long Yalapala bokis namba 55, Ronga bokis namba 23 na Karanda bokis namba 21, Mista

Basua i kisim 8,540 vot na Mista Charles Miru Luta i kisim 6,831.

I bin gat 79 balot bokis taim ol i bin kaunim ol vot long Mendi Kaunsil Semba. Tasol ol ileksen opisal i bin kaunim 76 bokis tasol. Tripela bokis ya i bin gat komplem na ol i no bin kaunim.

Tasol Nesenel Kot long tupela wik i go pinis i painim aut olsem i nogat wanpela asua long dispela tripela balot bokis na odaim Ilektorel Komisin long kaunim vot long ol dispela bokis.

Mista Basua i bin win long 1997 nesenel ileksen, tasol bihain

Suprim Kot i rausim em long sia, I bin gat bai-ileksen long dispela ya na Mista Luta i win.

Tasol Mista Basua i no amamas long win bilong Mista Luta na kisim em i go long kot. Em i askim kot long kaunim: ol vot long dispela tripela balot bokis.

Kot i orait long kaunim ol vot long ol dispela tripela balot bokis. Na taim Ilektorel Komisin i kisim ol risals i go bek long kot bihain long ol i kaunim vot long dispela tripela balot bokis, Jas Woods i tok, Mista Basua i winim tru dispela bai ileksen.

## Wabag go long bai ileksen

OL pipel bilong Wabag Ilektoret, Enga Provins, bihain long longpela taim bai nau go long bai ileksen. Wabag i nogat wanpela memba long Nesenel Palamen klostu wanpela ya.

Ilektorel Komisina, Ruben Kaiulo i bin tokaut long Tunde long dispela wik olsem Suprim Kot i orait long ronim bai ileksen bilong Wabag.

Nominesin i bin op aste Trinde

na bai pas tumora, Fraide long foa kilok.

Nominesin fi em K1,000 na ol kendidet husat i laik resis long ileksen mas peim bipo long ol i givim nem bilong ol.

Ol kendidet bai kisim wanpela mun long kempen. Vot bai stat long Septemba 18, 1999 na pinis long Oktoba 2, 1999.

Bihain bai i gat kaunim bilong ol vot na painim husat i win long dis-

pela bai ileksen. Ilektorel Komisin bai kisim ol pepa bilong ileksen i go long palamen bipo o long de bilong em stret Oktoba 12, 1999.

Wanpela sinia opisa bilong Enga Provinsal Edministresin, Edward Konu bai lukautim dispela ileksen.

Wabag i go long bai ileksen bihain long memba bilong bipo, Takai Kapi i lusim sia bilong em long Suprim Kot.



Kain stail bilas na singing bilong Isten Hailans. Poro ya i mekim save wantaim ol lain bilong em, long openin bilong Goroka haus sik. Foto: Sape Metta.



**BOROKO MOTORS**  
*Heading for the future!*

Waigani drive & Cameron road Gordons Phone: 325 5255


Namba wan yus kar dila insait long Papua Niugini taim yu laik baim nupela yus kar bilong yu, noken abrusim namba wan yus kar dila bilong yu. Boroko Motors long Pot Mosbi i go pas long salim ol yus kar long 6-pela mun olgeta. 100 lain i baim ol yus kar i no inap mekim asua. Joinim ol arapela na baim gutpela kar.



SEDANS - WAGONS - UTILITIES - DUAL CABS - COMMERCIAL TRUCKS - 4X2 AND 4X4'S



# Madang Nius



## Madang gat nupela wof long Vidar Poin

MADANG Holding kampani i winim kontrak long bilding nupela wof long Vidar Poin long not kos Madang.

Fiseris Minista long olupela Skate/Lasaro gavman Chris Haiveta taim em i longsing dispela projek tupela wik i go pinis i tok gavman i bin makim Madang olsem wanpela nambis provins long kantri long

divelopim fising indastri. Wof ya em ol fising bot bilong RD Tuna fis fektri kampani grup bai yusim long anlodim ol pis long en.

Mista Haiveta i bin tok gavman bai go het long sapotim fising indastri long kantri bikos em i wanpela gutpela rot we kantri i pulim mani long en.

Em i tok Madang em i wanpela gutpela nambis provins na gavman i bin wokim gutpela disisen long bildim tuna kening fektri long provins.

Ekting Madang edministreta Galun Kassas i bin mekim gutpela toktok long gavman bilong strongim fising bisnis long provins na tu long larim Madang

Holdings bilong divelopim Vidar long sanapim wof.

Mista Kassas i tok ol no makim nating Madang long dispela fising projek, nogat. Ol i bilip olsem planti moa gutpela samting i kamap bihainim operesen bilong tuna kening we RD Grup em kirapim long 1997. Dispela em namba wan tinpis kening fektri insait long kantri tu.

## I tambu long lainim Tok Pisin long elementri skul

### MADELEINE AREK i raitim

OI TISA i brukim lo bilong Edukesen Dipatmen taim ol i skulim ol sumatin long Tok Pisin long ol elementri skul.

Ol sumatin long elementri skul mas lainim ol samting long tok ples bilong ol na i no long Tok Pisin.

Chris Bulu, Provinsal Elementri Kodeineta bilong Madang, i komplem olsem em i rong long yusim Tok Pisin long ol elementri skul.

Em i ting dispela hevi i stap bikos, ol tisa long elementri skul i no kismut toksave long wanem kain tok ol i ken yusim long skul.

"Mi bin lukim dispela hevi long planti skul mi bin go long en. Ol tisa i sapos long skulim ol sumatin long elementri skul long tok ples, tasol ol i lusim na yusim Tok Pisin. Dispela em i rong, Mista Bulu i tok.

Em i tok i nogat wanpela samting i pasim ol tisa long skulim ol pikinini long tok ples bilong ol yet na ol i inap long yusim tok ples bilong komyuniti.

Mista Bulu i tok, ol tisa bilong ol elementri skul long provins tu i kam long ples we skul i stap long en.

Aninit long Edukesen Rifom, ol pikinini mas statim skul long prep, elementri wan na tu. Ol sumatin mas pastaim lainim ol samting long tok ples, bihain long Tok Pisin na las em long tok Inglis.

Long Madang nau, i gat 5,000 pikinini i skul long 230 tok ples skul long provins. Planti bilong ol dispela skul em ol sios na ol non gavman ogenesisen i kirapim long ol komyuniti.

Tasol Mark Emavi, Elementari Trena na supavaisa long Midel Ramu Distrik i tok, ol tisa i no inap long skulim ol pikinini long tok ples bikos, ol dispela tok ples ol i no inap long raitim i go daun long buk.

Em tok i tru sapos rifom long edukesen i mas go gut, ol elementri skul mas skulim ol sumatin long tokples, tasol i nogat samting olsem ABC long tok ples.

"Ol elementri skul mi lukautim, tripela long Josephstaal na tripela long Anaaberg, i no gat samting olsem ABC long helpim ol tisa. Olsem na ol tisa long elementri skul i skulim ol pikinini long Tok pisin," Mista Emavi i tok.

Em i tok i hat tu long yusim tok ples long elementri skul i stap klostu long taun. Em i tok planti lain i stap long taun i kam long kainkain hap long kantri na i gat kainkain tok ples bilong ol yet.



• Ol skul manki long Makerup komyuniti skul long Bogia distrik long Madang provins i amamas long kismut poto ausait long klasrum bilong ol.

## 5-pela Madang memba stap long Gavman

... *Pasto Jacob Wama tasol i abrus*

### YAKAM KELO i raitim

MEMBA bilong Madang Open Jacob Wama i abrus long stap insait long Gavman. Ol 5-pela memba bilong Madang i stap long nupela Gavman bilong Morauta na Pundari long las wik Trinde taim Gavman i senis.

Pasto Jacob Wama husat i bin Minista bilong Jastis na Intenal Revenu Afeas long olupela

Gavman bilong Bill Skate na lairo Lasaro i painim em yet istap long Oposisen taim Gavman bilong Morauta na Pundari i kamap.

Memba bilong Raikos Stahl Musa i bin stap wantaim Oposisen, memba bilong Midel Ramu Tommy Tomscoll i bin stap wantaim PDM, memba bilong Usino Bundi George Wan i bin stap wantaim PPP, memba bilong Sumkar Mathew Gubag i bin stap wantaim olupela Gavman na em i kalap na Gavana bilong Madang Jim Kas i bin stap wantaim Edvens PNG Pati. Ol dispela grup i bin fomim Gavman long las wik.

Pasto Jacob Wama em memba bilong Pipels Nesene Kongres (PNC) pati we Bill Skate em lida


bilong ol. Olsem na ol i painim ol yet long Oposisen taim Gavman i senis long las wik.

Taim vot bilong makim Prais Minista i kamap, olgeta memba bilong palamen i wokabout i go long sait bilong Sir Mekere Morauta. Foapela memba tasol i stap bek long hap sait em memba bilong Madang Pasto Jacob Wama, memba bilong Manyamya Thomas Pelika, memba bilong Bulolo Samson Napo na memba bilong Maprik Sir Pita Lus. Ol foapela tasol ino bin vot long nupela Prais Minista na ol i sindaun tasol taim olgeta memba bilong palamen i muv i go long sanap wantaim Sir Mekere Morauta.

Pati bilong olgeta Madang memba i bin bung wantaim long senisim Gavman na long dispela as, ol i kamapim nupela Gavman. Memba bilong Sumkar Mathew Gubag tasol i bin kalap lusim pati bilong em wantaim Bill Skate na go joinim lain bilong ol arapela Madang memba.

Ol dispela grup ol Madang lida i stap long en we i senisim Gavman em Pipels Demokretik Muvmen (PDM), Edvens PNG Pati, Pipels Progres Pati (PPP) na Oposisen grup. Sampela lain i bin bruk lusim grup bilong Bill Skate long olupela Gavman na i kam soim sapot wantaim dispela lain grup we ol i senisim Gavman long las wik Trinde.


## INGERSOLL-RAND® CONSTRUCTION & MINING




AIR COMPRESSORS



LIGHT COMPACTORS



HEAVY COMPACTORS



ROCK DRILLS





Niugini Limited

• LAE Aircorps Road Ph: 472 2444 • PORT MORESBY Morea Tobo Road Ph: 325 5766  
• RABAUL Malaguna Road Ph: 982 1488 • VANIMO Ph: 857 1437



# Lae Nius



## Soldia wokabaut kamap long Lae

WANPELA tim (grup) bilong Papua Niugini Difens Fos ol kolim ol yet olsem "flash back" tim husat i wokabaut long Pot Mosbi go long Lae i kamap pinis long Lae long Sande.

Dispela tim bilong Charlie Company (IRPIK) bes long Taurama Bareks long Mosbi i wokabaut long Mosbi go long Lae na bai go long Madang na Wewak.

Oi i bin lusim Pot Mosbi long las Tunde i go pinis we ol i wokabaut inap long 12-pela de olgeta bipo kamap long Wau Bulolo na ka i pikim ol i go long bareks.

Platoon Komenda bilong dispela grup George Towellie i tok as bilong dispela wokabaut o patrol em long visitim ol remote populesen i stap long rurel eria na tu long lukim ol soldia i eksperiensim wokabaut long bikipela maunten na bus na weda bilong kantri.

Komenda Towellie i tok ol i bin 25 i wokabaut tasol tupela i bin kisim sik malaria na ol i flaim ol i go bek long

het kwata Mosbi wantaim dokta bilong ol.

Em i tok 23 tasol i mekim na kamap long Wau long Sande na ka i kisim ol i go long Bulolo we ol arapela lain bilong ol long Lae i bungim ol.

Towellie i tok, "nogat hevi i kisim mipela tasol mipela i kisim taim long kol long antap long maunten na liklik hevi tasol long redio (komunikesen) long toktok wantaim ol lain long Lae na Mosbi."

Oi bai malolo na dokta i sekim ol long dispela wik bipo ol i go long Bogia long Madang na wokabaut i go long Wewak.

Towellie i tok sapos dokta sekim ol na i lukim olsem ol i fit bai ol bai wokabaut gen i go long Madang na bhain Wewak sapos nogat bai ka kisim ol i go long Bogia na wokabaut i go long Wewak.

Towellie i bilip olsem dispela wokabaut bilong ol bai pinis long pinis bilong dispela mun long Wewak na ol bai flai go bek long Mosbi.

## Wenge lalk stapim VAT na poka masin

FRANKO NEBAS i raitim

GAVANA bilong Morobe Provins Songang Luther Wenge i tok olsem kot bilong VAT lo bai go het yet.

Mista Wenge i mekim dispela toktok long Tunde bihain long wanpela nius konferens wantaim ol niusman long Lae.

Gavana Wenge i tok em i bin wanpela bilong ol lain husat i go pas long senisim gavman tasol em i tok kot bai go het yet.

Em i tok, "kot mas go het na givim tingting bilong ol long dispela VAT lo we ol pipel na gavman ken luksave long gutpela na nogut bilong lo".

Mista Wenge i tok long neks Palamen bung em bai presentim bil long dispela VAT lo long rausim.

Em i tok wanpela lo kampani Pato loyas husat i makim Morobe Provins Gavman, i kisim pinis toksave long raitim dispela bil.

"Mi bin stap long olupela (Skate) gavman na mi mekim

toktok long senis. Planti ol pipel i bin kirap nogut long ol dispela toktok bilong mi.

Oi i ting olsem mi bin giaman long senisim gavman tasol long las wik yupela lukim mi senisim gavman pinis em i tok.

Mista Wenge tok tu olsem em bai presentim tupela arapela bil long rausim poka (poker) masin ekt na (political party act) o stap long wanpela politik pati tasol.

Em i tok poka masin i bringim mani i kam insait long provinsel gavman tasol i mekim hevi long ol pipel.

"Ol famili i kisim taim long wanem papa mama i westim olgeta mani long poka masin." Em i tok.

Long Haus o stap wantaim wanpela pati tasol, Mista Wenge i tok long ol samting i bin kamap pinis i kam inap long senis bilong gavman i lukim i mas gat lo long stapim ol memba kalap long wanpela pati igo long arapela na tu stapim ol long kisim mani (bribery) we em i tok i bin kamap pinis.

Em i tok, "i mas gat lo olsem yu husat memba yu resis long tiket

bilong wanem pati na kam long Palamen yu mas stap long dispela pati.

"Sapos yu laik lusim pati, yu mas resain long dispela pati na Palamen na bai-elekten mas kamap we yu ken resis ananit long tiket bilong pati yu laikim long en." Wenge i tok.

Em i tok "ol memba husat i kam long Palamen olsem independent na i laik jonim narapela politikol pati, mas tu resain long Palamen na bai-elekten ken kamap.

Long wankain taim gavana Wenge i tok em i no inap long kisim wanpela minista wok long wanem em i tok em sainim pinis kontrek wantaim pipel bilong Morobe long 5-pela yia we bai em stap gavana.

Long wanpela askim kam long ol niusman olsem sapos em i ken kisim wanpela minista wok long gavman bilong Sir Mekere na Pundari.

Em i tok em lukim em i gat sans long kisim minista wok tasol em i tok bai em i brukim kontrek bilong em wantim ol pipel bilong en long Morobe

## Mileng Daimei i ritai long Wok

Wanpela longtaim wokman bilong Balop Tisa Koles long Lae, Mista Mileng Daimei i ritai pinis long dispela yia, 1999

Mileng em i wanpela bilong ol namba wan lain man husat i bin go pas long klaim bus, stretim ples na bildim haus tisa, domitori bilong ol man na meri sumatin na ol klasrum.

Planti ol tisa ibin greduet nambawan taim kam inap long nau long dispela koles na i stap about long PNG na mekim wok

tisa i save gut tru long displea bikman. Em i bin wok olsem draiva, kamunmda na plama bilong koles inap tripela ten sikis (36) yia. Em i bin wanpela sapota bilong ol kainkain sumatin i bin kam kisim trening na i go tasol em i stap yet olsem pap treu bilong dispela koles inap nau em ritai.

Em i gat 63 krismas bilong em nau. Em i bilong ples Kurum long Urit seket insait long Karkar Distrik long hap bilong Madang.

Mama bilong em i karim em long yia 1936. Em i kisim liklik skul bilong en long asples bilong em yet long yia 1950 inap 1956. Em i lusim skul bilong en namel tasol na i go wok long Nagada plentesin long Madang yt inap olsem 4-pela yia olgeta. Na namel long yia 1961, Lutheran misin i bin holim em na salim em wantaim wanpela nupela trakta i go long Goroka long balus long klaim na stretim ples bilong kirapim wanpela nupela hausik long Okapa long ples Awande.



Swinging bris (lape) long Finsafen Distrik, Morobe provins. Dispela bris em ol Australian armi i wokim bipo we i stap yet na ol pipel save yusim tude.

## PNC Morobe brens tok amamas long Sir Mekere, Skate na 7-pela Morobe lida

PIPELS Nesanel Kongres (PNC) brens long Morobe provins i mekim bikipela tok amamas i go long Sir Mekere Morauta long kamap Prais Minista bilong Papua Niugini long las wik Trinde.

Morobe brens presiden na olupela Primia bilong Morobe provins long bipo, Titi Christian i tok, taim em i mekim tok amamas long kamap bilong Sir Mekere olsem Prais Minista bilong kantri, em i amamas, tu olsem 7-pela Morobe memba i stap long Gavman bilong em (Mekere). Dispela i gutpela sain long ol Morobe pipel we planti lida bilong ol i stap long Gavman na ol i inap wok bung wantaim Gavman na bringim gutpela helpim na developmen long Morobe provins. Na tu Gavman bilong Sir Mekere i ken luksave long bikipela namba bilong ol Morobe lida husat i stap wantaim em na hariap stretim ol hevi na wok bilong Morobe provins.

Taim Titi Christian i tok amamas long nupela Prais Minista Sir Mekere, em i tok amamas tu long olupela Prais Minista Bill Skate husat i stap nau long Oposisen.

Mista Christian i tok Bill Skate i bin lida bilong kantri na em i bin mekim bikipela wok long lukautim kantri inap las wik we em i lus long vot i nogat bilip. Olsem na tok amamas i go long dispela bikipela wok Mista Skate i bin mekim olsem lida bilong kantri long Gavman bilong em insait long tupela krismas i go pinis.

Bill Skate em lida bilong Pipels Nesanel Kongres (PNC).

Olpela Morobe primia i askim Bill Skate long i noken risain olsem em i bin tokaut long las wik Trinde long haus palamen. Em i mas stap na go pas long Oposisen inap yia 2002 nesanel ileksen.

Em i tok mipela i luksave olsem tru yu em Prais Minista bilong ol gras rut pipel we yu bin sindaun na raun na toktok wantaim ol gras rut pipel long olgeta provins we yu raun long en.

Mista Christian i tok ol i luksave tu olsem Bill Skate i bin mekim planti samting long ol grasrut pipel insait long klostu 60 ilektoret olgeta insait long tupela krismas em i go long en.

## Luteran sios amamasim 113 yia

SAMTING olsem moa long 2,000 Luteran sios kristen manmeri long Lae i kamap long witnessim 113 yia bilong Luteran sios long kantri.

Yut grup sios lida mama Giamsau na ol arapela sio memba long wanwan peris i kamap long Sir Ignatius Kilage Stadium long witnessim dispela bikipela de long Sande.

Morobe Gavana Songang Luther Wenge na Lod Meya bilong Lae siti Mista Tofamo Mionzing tu i bin kamap long dispela bung.

Oi yut grup long 21 peris long Lae i bin kamapim ol pilai long kam bilong pes misineri long Simbang, Finsafen Distrik na karim gut nius wok i go long ples olsem, Boana, Malolo, Zaka Gapmanzung na tu i go antap long hailens.

Pasta Luke Noah i bin go pas long dispela sevis bihain long welkam toktok kam long sios lida Boyamo Sali.

Bethel Peris yut grup long

Taraka yet i go pas long ol singsing na pilai drama.

Het bisop bilong Evanjilikol Luteran Sios long Papua Niugini Dokta Wesley Kigasung long dispela taim signaut strong long ol kristen bilong sios long sensim feit long God na helpim long wok bilong sios long karim gutnius wok.

Em i tok, nau taim olgeta Luteran mas stap na lukluk go bek long ol samting sios i mekim long dispela 113 yia na yusim save, feit na bilip long go long bihain taim.

Long wankain taim gavana bilong Morobe provins Luther Wenge i singaut long sios long kamap independens.

Mista Wenge i salensim bishop Wesley Kigasung long go pas na daunim ol helpim i kam long mama sios long ovasis.

Long dispela taim yet Wenge i singaut long olgeta memba bilong sios lon givim sapot long olgeta rot long sait bilong mani long karim wok bilong sios.

Yumi mas amamas olsem yumi Luteran long wanem sios bilong yumi i mekim ol gutpela wok long helpim developim kantri long spiritual, ekonomik na sosel developmen em i tok.

Long wankain taim yet Mista Wenge i tok tenkyu long ELC PNG long givim sapot long developmen bilong Morobe provins.

"Morobe em tru Luteran sios provins. Long wanem Luteran sios i go pas long developmen bilong Morobe," em i tok.

Mista Wenge i tok sios i noken go kisim moa helpim ovasis long ronim ol wok bilong en, nogat em taim nau sios yet i yusim ol sios bilong ol yet long mekim wok.

"Yumi mas yusim blesing bilong God long mekim sios independen," em i tok.

Bisop Kigasung long dispela taim i sapotim singaut bilong gavana Wenge we em i brukim piksa bilong wanpela mama karim pikinini long beksait na i tok sios bai i no inap moa olsem bebi.



# Ol piksa bilong Odinesen bilong Bisop bilong Bogenvil, Henk Kronenberg long Tsiroge, Not Solomon



• Prosesio long kisim nupela bisop i go long patapata na luto bai stat.



• Tripela sista ya em ol wantok bilong Bisop Henk husat i bilong kantri Holan. Ol sista ya i wok i stat long Rabaul Katolik Daiosos long Nu Briten.



• Ol sista bilong Nasaret ODA husat i save stap na wok long Bogenvil Daiosos wantaim ol pipel i amamas long stap insait long selebresen.




• Bihainim yet kastom bilong Katolik sios we nupela bisop i mas silip long graun o pua long wanpela hap bilong luto.



• AsBisop karl Hesse (namel) i bin go pas long Odinesen. Long lephan em Bisop Bernard To Barpin bilong Madang na long rait em Bisop Smith bilong Honiara, Solomon Ailan.



• Soim amamas long nupela bisop, ol pipel bilong Tinput2 i winim Kaur na wokim tum-buna danis.



• Sampela long ol yangpela husat i bin stap long odenesen seremoni.



# Taim Gavman bilong Sir Mekere i kamap

LONG Tunde moning Julai 13, olupela Spika John Pundari i sanap klia olsem em bai kamap Praim Minista bihain long olupela Praim Minista Bill Skate i givim sapot bilong em wantaim ol arapela hailans lida. Namba bilong ol i bin kamap olsem 57.

Insait long bung bilong ol, pati bilong John Pundari, Edvens PNG Pati wantaim PNG First Pati, Pangu Pati na Hailans Risos Pati wantaim ol arapela independen memba i bin bung na pasim tingting long makim John Pundari olsem Praim Minista bilong Papua Niugini.

Olpela Praim Minista Bill Skate i tok em i no lukluk moa long kisim wanpela bikpela wok olsem Minista, tasol em i laik sindaun tasol long beksait olsem memba nating long Gavman. Bikpela laik bilong em long larim Gavman we em i fomim i mas stap yet tasol sait bilong lida i go pas long Gavman i mas senis we em yet bai lusim sia bilong em na givim long narapela lida long go pas.

Namba bilong ol i bin strong na ol i makim lairo Lasaro olsem Spika bilong Palamen long Tunde moning. Lasaro em memba bilong Alotau na em i bin namba tu Praim Minista na Minista bilong Fainens. Ol i ken holim Gavman yet bikos namba bilong ol i bin 57 na Oposisen i gat tasol 47.

Namba bilong ol memba long haus palamen em 104 bikos sampela ilektoret i bin nogat memba bikos ol i bin lus long kot. Ol dispela ilektoret em Kainantu, Wabeg, Yangoru Sausia, Isten Hailans rijinol na Kandep.


Bihain long lairo Lasaro i kisim sia bilong Spika long Tunde moning, em i stapim palamen long ol memba i ken go aut na kam bek long Trinde long makim Praim Minista bilong kantri.

Long Trinde moning, bikpela kirap nogut i bin kamap long lukim olsem sait bilong Oposisen i gat planti namba moa long ol lain bilong Gavman. Long Tunde, planti sia long sait bilong Oposisen i bin stap nating. Tasol long Trinde moning, olgeta sia i pulap na sampela Oposisen memba i nogat spes bilong sindaun na ol i go sindaun nambaut klostu long sait bilong Gavman.

Namba wan man Wantok i bin luksave em Gavana bilong Enga Peter Ipatas we em i sindaun long sait bilong Oposisen. Mista Ipatas i oltaim pas wantaim Bill Skate na ol lain bilong em. Em i memba bilong Hailans Risos Grup husat i stap long Gavman bilong Bill Skate long 1997 yet i kam inap long Tunde aste. Narapela lida Wantok i luksave tu em Sir Rabbie Namaliu, memba bilong Kokopo. Em i bin stap wantaim Gavman bilong Bill Skate i kam inap long Tunde aste. Lukluk i go klostu long sait bilong Oposisen lida Bernard Narokobi na PDM lida Sir Mekere Morauta, John Pundari tu i sindaun klostu wantaim tupela. Long Tunde aste, em wantaim ol memba bilong em long Edvens PNG i bin stap wantaim Bill Skate na ol i laik makim em kamap Praim Minista. Tasol long Trinde moning, em i lusim ol na kalap i go sindaun wantaim Oposisen lain.

Taim Spika lairo Lasaro i kam kisim sia, em i askim long ileksen bilong Praim Minista i mas kamap. Rijinol memba na lida bilong Pangu Pati Chris Haiveta, long sait bilong Gavman i kirap sanap na makim John Pundari husat i sindaun long Oposisen sait long kamap Praim Minista. Tasol John Pundari i tok em i no laik. Oraiti

**Wantok ripota, YAKAM KELO i ripot long senis i bin kamap long las wik Tunde na Trinde moning taim Gavman bilong Sir Mekere i kamap**



• Nupela Praim Minista Sir Mekere Morauta, namba tu bilong em John Pundari na Olpela praime minista Bill Skate i toktok wantaim ol nius manmeri.

John Pundari yet i sanap gen na makim Sir Mekere Morauta olsem Praim Minista na Sir Mekere i tok yesa. Memba bilong Menyamy Thomas Pelika i makim Gavana bilong Is Nu Briten Francis Koimanrea olsem Praim Minista na Mista Koimanrea i tok yesa. Taim tupela man i gat nem pinis long resis bilong Praim Minista, Spika i askim olgeta memba sapos husat i laikim Sir Mekere Morauta long kamap Praim Minista, ol i mas kirap na wokabaut i go sanap long sait bilong em (Mekere). Long luksave bilong Wantok, olgeta memba bilong palamen yet i wokabaut i go na sanap wantaim Sir Mekere. Olgeta lain bilong Gavman tu i wokabaut i go sanap wantaim Sir Mekere na foapela memba tasol i sindaun long Gavman sait na ol i sindaun i stap. Ol dispela memba em, memba bilong Bulolo Samson Napo, memba bilong Madang Jacob Wama, memba bilong Menyamy Thomas Pelika na memba bilong Maprik Sir Pita Lus.

Bihain long ol kustus bilong palamen i kaunim namba bilong ol memba husat i sanap wantaim Sir Mekere, namba i kamap olsem 99 olgeta. Na dispela em bikpela namba bilong vot wanpela lida bilong Papua Niugini i kisim long kamap Praim Minista bilong kantri.

John Pundari wantaim ol lain bilong em i bin statim nupela pati ol i kolim Edvens PNG Pati na long dispela taim ol i tingting long mekim senis long Gavman. Olsem na ol i bin bung wantaim lain bilong Sir Mekere na Oposisen na ol i bin go hait na kem long Madang klostu tupela wik. Long dispela kem long Madang ol i bin laik makim Sir Mekere olsem Praim Minista na John Pundari olsem namba tu Praim Minista. Tasol kirap nogut long lukim John Pundari wantaim grup bilong em i go bek long Mosbi na stap wantaim lain bilong Bill Skate na Chris Haiveta. Tasol long Trinde moning bilong votim Praim Minista, Pundari wantaim grup bilong em i go bek na joinim Sir Mekere na Oposisen gen.

Bikpela askim i stap em, olsem wanem tru na John Pundari wantaim lain bilong em i kalap long Trinde moning na stap wantaim grup bilong Sir Mekere na Bernard Narokobi?.



• Nupela Spika Bernard Narokobi i kisim amamas long sapota bilong em.

Wantok i bin painim aut olsem long Tunde nait, taim tupela grup (Oposisen na Gavman) i stap long kem bilong ol, pasin bilong traim pulim namba i bin kamap long dispela nait. Ol lain bilong PDM i bin go long haus bilong Chris Haiveta (Pangu) na traim askim long kisim Pangu i go joinim ol na apim namba bilong ol igo antap long fomim Gavman. Oposisen i gat 47 na sapos Pangu i go joinim ol wantaim 7-pela memba bilong em, bai ol i gat 54 long fomim Gavman bikos Gavman sait bai i gat 50 memba tasol.

Bikpela asua i kamap em lain bilong Chris Haiveta (Pangu) i bin

Dispela toktok i sutim bel bilong ol lain bilong John Pundari na ol i no bin slip gut long dispela nait (Tunde nait) inap tulait.

Wanwan memba i gat liklik telefon bilong ol olsem na long dispela nait, ol lain bilong John Pundari i ringim pinis lain bilong Sir Mekere na tokim ol olsem ol bai joinim ol long moning.

Long Trinde moning, ol lain bilong John Pundari i kalap long namba wan bas na go long palamen na ol lain bilong Sir Mekere na Oposisen i sanap pinis long dua na welkamim ol na ol i wokabaut i go long palamen rum na votim Sir Mekere olsem Praim Minista bilong Papua Niugini.

Dispela muv bilong lain bilong Pundari tu i laki sans tru bilong ol we ol i bihainim gut na nau ol i stap long Gavman. Sapos nogat, bai Pangu i joinim Oposisen lain na ol bai fomim Gavman. Pundari i gat 22 memba tasol long dispela taim, Oposisen lain i no laikim bikpela namba olsem. Ol i laikim tasol 7-pela o 10-pela we Pangu i gat.

Narapela tu em, sapos lida bilong Pangu Pati i no tokaut long wanem samting PDM na Oposisen lain i laik mekim long Pangu, ating ol inap muv i go isi tasol long Trinde moning na joinim PDM na Oposisen na ol inap fomim Gavman. Tasol abrus na lain bilong Pundari i muv hariap na Gavman i senis long sait bilong ol wantaim PDM na Oposisen.

Bihain tasol long Sir Mekere Morauta i kamap Praim Minista, Spika lairo Lasaro i risain bikos ol lain bilong em i lus long fomim Gavman. Mista Lasaro i bin winim sia bilong Spika long Tunde na long Trinde 2 kilok apun, em i risain. Na Gavman bilong Sir Mekere Morauta i makim lida bilong Oposisen, Bernard Narokobi olsem nupela Spika bilong palamen.

Taim Sir Mekere i kisim Praim Minista, em i makim ol kea teka o was papa Minista bilong em long lukautim ol wok inap ol i makim gut ol lida long wanwan wok minista. Ol i makim John Pundari olsem namba tu Praim Minista na arapela Minista em, Doka Fabian Pok, Bart Philemon, Moi Avei, Michael Nali na Mao Zeming.

Gavman bai tokaut long ful nem bilong ol Minista long tupela wik bihain.

Sir Mekere i tokaut olsem nupela Gavman bilong em i sanap long wok bilong stretim ol bagarap we i kamap pinis na tu ol bai wok hat long bringim developmen long kantri.

Sir Mekere Morauta, nupela Praim Minista bilong Papua Niugini em memba bilong Mosbi West na em i wanpela olupela man long pablik sevis bipo yet i kam. Em i bin seketeri bilong Fainens Dipatmen, Menesing Dairekta bilong PNGBC beng na Gavana bilong bikpela beng bilong Papua Niugini ol i kolim Sentrel Beng. Na em i wanpela praivet bisnis man tu insait long kantri. Em i bin stap bipo tu long taim Papua Niugini i kisim independens na em i bin helpim long raitim sampela pepa bilong kantri long kisim independens.

Plantil ol saveman, ol ovasis Gavman, ol bikman na bisnis long Papua Niugini tok ol i gat bilip long Sir Mekere long kamap Praim Minista na ol i ting em bai lukautim na ronim gut kantri.

Gavman bilong Sir Mekere bai stap inap tupela krismas na 5-pela mun samting na bihain ol i go long nesenele ileksen long yia 2002.



# Hiri lokal level gavman ileksen redi long kamap

## KENNEDY EDENE i raitim

ILEKSENS long sampela hap bilong Sentrel provins, Koiari na Vanapa Braun Riva Lokol Level gavman kausil bai kamap.

Dispela saplimentri ileksen bai stat long dispela Sarere Julai 28 na pinis long Septemba 17.

Asisten opisa i go pas long Koiari eria Tony Abavu tokim ol ripota olsem K50,000 em ol base-tim long wokim dispela saplimentri ileksen.

Mista Abavu tok isu bilong rits na nominesen em i aps pinis las wik Fonde Julai 18.

Polin bai stat long Sarere Ogas 23 na pinis long Sarere Septemba olsem 2-pela wik. Riten ov rits long Fraide Septemba 17.

Olgeta intendim kendidet insait long Koiari na Vanapa lokol level gavman kausil ol mas dabol sekim rejistresen bilong ol bikos planti ol i bin peim rejistresen fi insait long 1996.

Koiari na Vanapa LLGC em ol stap insait long Hiri Lokol Levöl

Gavman Kausil eria insait long Sentrel provins.

Mista Abavu tok klostu long 100 kendidet bin nominet bilong Koiari LLGC ileksen tasol planti ol weit longpela taim na lus interes pinis.


Olsem 36 intendim kendidet nau yet sanap long dispela saplimentri ileksens bilong Koiari LLGC.

Koiari LLGC eria long 2-pela yia nau ol i no save kisim gutpela developmen projek. Em i tok husat kendidet em i holim planti bikpela wok o posisen mas tingting gut na sanap.

I gat moa long 6-pela olupela provinsal memba ol i sanap long dispela resis.

Ol membas em, Ivan Odua (Ogotana), Dumo Victor Tom (Kailaki), David Asi (Depo) Kemogo Kange (Itiki), Bagua Wati (Depo/Bisiatabu) na Vovoi Selu (Mt Koiari eria).

Ileksen bilong dispela tupela eria Koiari na Vanapa LLGC bai stap moa long 2-pela yia bikos i gat sampela rong long eria bandris na sampela edministresen na fans problem.



• Ol poling opisal i redim poling but long Lese Oalai, Galp provins long ileksen taim.

## Ol Mosbi yut i no amamas long senis long plis

OL sampela yut memba bilong Morata, Tokarara na Jun Veli i no bin amamas long dispela wik taim nupela Gavman i rausim Plis Komisina Peter Aigilo na makim olupela NCD Plis Komanda John Wakon.

Ol yut bilong dispela tripela kompaun long Mosbi siti i autim belhevi bilong ol olsem Peter Aigilo em gutpela Plis Komisina bikos long wok bilong em wantaim komyuniti we em

i kamapim ol gutpela wok bilong komyuniti polising insait long siti.

Ol yut i autim dispela wari bilong ol tasol NCD Plis Komanda Jeffery Vaki i tokim olsem dispela polisi bilong komyuniti polising bai i stap yet. Tasol em i stap aninit long pawa na kontrol bilong nupela Plis Komisina John Wakon long i laik go strongim na go het yet wantaim o senisim.

Long Tunde apinun, olupela Praim Minista Bill Skate i tokaut olsem em i

amamas long ol pipel bilong em insait long Mosbi long gutpela pasin ol i mekim long bihainim lo na i no mekim trabel o nois long las wik taim Gavman i senis.

Mista Skate i tok dispela i soim olsem ol pipel bilong em long Nesenel Kapitel Distrik (NCD) i gat gutpela na klia tingting long mekim samting. Na dispela i soim tu olsem em yet i wok long groa wantaim gutpela na klia tingting.

Bill Skate em rijinol memba

bilong Nesenel Kapitel Distrik we Mosbi siti em i stap insait long en olsem wanpela provins bilong em yet.

Ol yangpela bilong Morata, Jun Veli na Tokarara i soim dispela bel hevi bilong ol bikos planti bilong ol i bin stap insait long ol komyuniti polising ekksesais we Plis Komisina i bin kamapim.

Ol i bin go kisim trening wantaim ol plisman long Bomana Trening Koles na kisim setifiket


long plis trening bilong wok wantaim komyuniti.

Long Tunde moning nius tu, nupela Plis Komisina John Wakon i tok wok bilong komyuniti polising em ino nupela samting.

Em i olupela polisi na ekksesais we olgeta plis insait long wanwan provins i mas kamapim.


Mista Wakon i tok dispela komyuniti polising ekksesais i mas go aut tu long ol arapela provins insait long kantri.

## PRAIS INO NAP SENIS TAIM VAT I STAT



20¢

VAT WANTAIM



# TOK NO LONG PEIM MOA SAPOTIM STUA I SAPOTIM YU NOKEN PEIM MOA!

VISADD 5100



• Wanpela mama i toktok sapatim ol yut bilong Morata, Jun Veli na Tokarara olsem ol i wari, nogut nupela Plis Komisina bai stapim Komyuniti plis long Mosbi. Foto: Nicky Bernard.

## NCDC tekova long haus sik mog

NESENEL Kapitel Distrik Komisn (NCDC) i tekova nau long lukautim bokis ais (mog) long bikpela 3 Mail Jenerel Haus Sik long Mosbi.

Gavana bilong NCD Philip Taku taim em i mekim dispela toksave long siaman bilong 3 Mail haus sik Sir Brian Bell, em i tokaut olsem NCDC bai mekim gutpela wok long lukautim dispela mog na mekim em i klin we i ken gutpela long olgeta manmeri bilong Mosbi siti.

Mista Taku i tok bikpela tingting na sanap bilong NCDC em long lukautim gut helt bilong ol manmeri long Mosbi siti. Olsem

na ol wok bilong helt long haus sik o klinim ples em bikpela samting we NCDC i wok strong long stretim na lukautim.

Mista Taku i tok nau olsem NCDC i go pas long lukautim mog long 3 Mail haus sik, bai ol i klinim gut na olgeta bodi bilong ol daiman i go long en bai i stap gut inap ol wantok na famili bilong ol i kam na kisim i go planim.

Ol liklik lain manmeri husat i kam bung long witness dispela tekova bilong NCDC long haus sik mog i harim tu siaman bilong Pot Mosbi Jenerel Haus Sik Sir Brian Bell i tok em i amamas

long lukim NCDC i laik go pas na lukautim dispela mog bilong haus sik.

Sir Brian Bell i tok em i amamas long NCDC i sanap long lukautim ol pipel na i wok hat long kamapim gutpela helt bilong ol manmeri.

Olsem na em bilip bai NCDC i mekim gutpela wok long lukautim gut dispela bokis ais (mog) bilong 3 Mail haus sik.

Sir Brian Bell i mekim bikpela tok amamas i go long NCDC na Gavana Philip Taku long kamap wantaim dispela gutpela tingting na plen bilong ol.



# Sampela pasin ol bikpela manmeri inap bihanim long kamapim gutpela sindaun

Yu mas mekim sampela ekseais God i wokim yu long yu wokabaut. Yu mas wokabaut bilong ekseaisim bodi na tingting bilong yu.

Yu mas ekseaisim bodi bilong yu gut. Taim yu mekim olsem, dispela bai helpim bodi wantaim tingting long malolo gut. Yu i no ken kisim wanpela skul long wokabaut.

Sapos yu wok long opis na draivim ka, yu mas ekseais na wokabaut. Ol yangpela na bikpela man na meri mas ekseais gut. Taim yu stap liklik pikinini yet na yu statim mekim ol ekseais, dispela bai helpim yu long stap gut na longpela taim.

• Traim wokabaut inap long 30 minit samting long olgeta de. Wokabaut long moning taim na taim san i go daun. Wokabaut arere long gaden. Wokabaut i go long stua tu.

• Sapos yu save wok, wokabaut i go long wok. Taim yu laik go long maket na go lotu, wokabaut i go

Noken go long ka. Wokabaut isi i go na bihain ron i go.

• Traim mekim ol ekseais bilong pulim win. Dispela bai inap helpim yu long mekim yu kamap fit olgeta. Yusim ol ples bilong pilai stap klostu.

Traim long wokabaut i go long wok

## Bihainim gut sampela pasin bilong kisim malolo

Skelim gut wanem samting yu mekim bai amamasim yu. Yu yet skelim na bihainim wanem pasin i moa gutpela long yu.

Yu mas traime long helpim yu yet. Traime long wok isi isi. Noken wok hat stret long wanem dispela bai ino inap helpim yu long wanpela samting. Yu mas i gat wanpela program bilong kisim malolo.

• Sapos yu wok, yu mas kisim holide na malolo. Go wanaim famili bilong yu long holide. Toktok wantaim ol pikinini bilong yu.

• Joinim wanpela klap olsem wanpela baibel stadi grup sapos yu save lotu. Sapos yu pilai, joinim wanpela spots klab. Yu mas i gat taim bilong lotu long God.

• Sapos yu gat sampela hevi, lusim i stap na mekim sampela wok. Traime long mekim ol samting isi isi. Noken mekim olgeta samting long wanpela de tasol.

• Waswas gut wantaim hat wara taim yu ekseais pinis. Yu mas slip gut. Skelim gut wanem kain ol ekseais i gutpela long yu na yu mekim wanpela.

Yu mas i gat sampela taim long kisim malolo.

## Noken wari tumas long sampela samting

Traime long mekim sampela samting bilong helpim yu. Stres i save kamap olgeta taim na em bai inap long stopim laip bilong yu.

Mekim sampela tok pilai na pani. Yu bai i gat planti wok moa na planti wok i min olsem yu bai i gat

moa stres. Noken wari tumas. Taim yu lap na yu gat ol gutpela tingting, dispela bai inap helpim bodi banisim yu long ol kain kain sik we i save kamap. Bodi bilong yu bai stap gut na yu bai i no inap kisim sik olsem hai blut presa na hat atek. Tingting long ol gutpela samting. Sapos yu i gat sampela hevi, lus tingting long ol pastaim.

## Bai yu helpim yu yet olsem wanem taim yu i gat stres?

• Blut presa bilong yu i mas noken go antap. Blut presa bai i go antap taim yu wari tumas, bel hat klostu, na pret olgeta taim. Ol kain kain wari i save mekim lewa i kisim hai blut presa.

• Toktok gut wantaim ol pren bilong yu. Toktok wantaim wanpela gutpela pren husat i ken helpim na sapatim yu. Noken lus tingting long prea long God Papa long helpim yu long ol samting.

Sapos yu lap bai yu stap longpela taim long graun.

## Lukaut long birua bilong sik TB

Yumi inap daunim sik TiBi (TB) o nogat?

Sik TB i ken go daun sapos mipela i kisim marasin, ol sut, klinpela na gutpela hap bilong stap na wok long en.

Ol liklik pikinini husat i kisim sik TB long ol arapela lain husat i gat sik TB i mas hariap long kisim TB marasin long stapim dispela sik i no ken kamap bikpela na strong we i ken bagarapim dispela pikinini.

Ol lain i kisim sik TB i mas hariap na stat kisim marasin bai ol i no ken givim sik ya long ol arapela manmeri.


Wanpela marasin tasol long stapim sik TB em ol i kolim BCG veksin. Tasol dispela marasin i no inap helpim yu olgeta long stapim TB. Tasol ol liklik pikinini tasol i mas kisim dispela marasin long stapim ol bagarap TB inap kamapim olsem TB long het, TB we i save bagarapim ol arapela hap bilong ol bodi. Ol dokta i save givim BCG long ol pikinini taim mama i karim ol nupela, taim ol i go long skul na taim ol i pinis long skul.

Sans bilong yu long kisim sik TB em bikpela moa sapos yu save serim haus o rum wantaim wanpela pren bilong yu husat i gat sik TB. Sapos haus i gat liklik spes na planti manmeri i slip klostu klostu, bai i gat bikpela sans long kisim dispela sik. Olsem long haus bilong yu, i mas gat inap spes long win i ron insait long haus na planti lait bilong san i mas kam insait tu. Noken laitim paia insait long ol liklik rum haus bikos smok bilong paia i ken bagarapim win paip na lang bilong yu na kamapim pen long brok bilong yu.

## Nogat inap kaikai i ken kamapim TB tu o nogat?

Yes. Ol pikinini husat i no save kisim gut kaikai bikos ol igat arapela sik long bodi, o ol i no save kisim gut kaikai bikos ol i save sot long kaikai, ol i gat bikpela sans long kisim sik TB. Dispela em bikos strong bilong bodi we i save pait na banisim bodi egensim ol sik i no moa strong long pait na rausim ol sik i laik kamap. Olsem na bodi tu i no inap strong long pait egensim sik bilong TB we i laik birua long bodi.

Olsem na kisim gut kaikai em bikpela samting long banisim bodi egensim ol sik na tu egensim sik TB long bodi.



## Pasin bilong bihainim na kamapim gutpela sindaun

Yu mas bihainim ol gutpela pasin bilong slip wantaim narapela

Wanpela bikpela tingting yu bai kisim en, em long slip wantaim wanpela man o meri taim yu kamap bikpela. Em i orait long yu prenim wanpela gutpela man o meri yu laikim long en. Taim yu stap yangpela yet, planti senis bai kamap long yu.

Yu bai laikim tumas long slip wantaim wanpela man o meri. Em i gutpela sapos yu tingting gut pastaim long wanem samting bai i kamap bihain. Sapos yu meri, yu bai kisim bel. Yu bai kisim sik olsem sik AIDS sapos pren bilong yu i gat dispela sik. Olsem na tingim.

• Yu mas lukautim gut bodi bilong yu. Noken mekim nambaut nambaut na stap.

• Noken hariapim pren bilong yu long slip wantaim yu. Dipsela

kain pasin em ino gutpela tumas.

• Noken slip wantaim man o meri yu no save long em. Yu mas yusim kondom taim yu slip wantaim meri nogut em i kisim bel na tu yu bai i no nap kisim sik nogut. Slip wantaim man o meri bilong yu tasol taim yupela i marit pinis.

Skelim gut tingting bilong yu taim yu laik slip wantaim wanpela man o meri. Nogut yu yet go popaia.

## Yu mas kliia gut long ol samting yu laik mekim.

Taim ol pren bilong yu i askim yu long mekim wanpela samting, yu yet yu mas skelim gut sapos yu mekim dispela samting bai i helpim yu o nogat. Ol bai lusim yu sapos yu no bihainim toktok bilong ol, tasol i gutpela long yu tingting gut pastaim na mekim. Ol pren bai givim sampela gut-

pela samting long yu. Bihain ol bai askim yu long traime smokim smok nogut olsem spak brus. Dispela i no gutpela pasin long wanem yu no inap lusim dispela pasin bilong smokim spak brus.

Noken kisim spak brus na dringim bia, long wanem tupela inap long bagarapim bodi na tingting bilong yu. Gutpela sindaun bilong famili bai bagarap.

Komyuniti bilong yu bai i no amamas long yu. I gutpela sapos yu no bihainim ol dispela kain pasin.

Sapos yu laik amamas long mekim wanpela samting.

• Tingting gut pastaim na yu mekim dispela samting. Noken bihainim toktok bilong ol poroman bilong yu. Traime long skelim tingting bilong yu wantaim ol brata susa bilong yu.

• Yu mas papa tru long ol disisen yu mekim. Sapos yu no

kliia gut long mekim wanpela samting, askim papamama long helpim yu.

Yu mas bihainim tingting bilong yu long mekim wanpela samting.

## Skelim gut wanem ol samting bodi i gat

Yu bai nidim planti gutpela samting long kamap bikpela. Traime mekim ol samting inap long helpim yu. Ekseais na pilai long skelim bilong bodi. Traime lng kisim planti malolo pastaim na yu ekseais.

• Kisim planti kaikai olsem rais, kon na bret, mit, pis, ol prut na kumu olgeta de long strongim yu taim yu pilai na ekseais. Malolo gut taim yu pilai.

• Yu mas slip gut long kisim inap strong long neks de. Bodi bilong yu bai stap gutpela na yu inap mekim planti samting olsem pilai na ekseais.

**FRI BAIBEL  
KOS  
LONG PAS**

I kam long wanpela pren long America sapos yu laikim fri kos salim nem na adres igo long:

**WOL BAIBEL SKUL  
WBS - PNG 12, P.O. Box 9346,  
Austin, TX 78766 USA.**



# Ripot bilong ol komoditi prais

# Prais bilong Kutubu wel go antap

PRAIS bilong kakau long wol long dispela mun i stap isi tasol i go daun liklik bihainim nius olsem Ivory Kos (Cote d' Ivoire), kantri we i save kamap top o namba wan long kamapim moa kakau long wol i tokaut olsem em i gat moa seplas (kakau) yet bilong laspela haves bilong em.

Ol ripot i tok kantri i gat yet namel long 80,000 na 160,000 ton kakau bin long salim long 1998/1999 haves i bin kam taim ol dila i wetim toksave long nius bilong narapela haves. kakau prais long London i bin pondaun long nainpela paun mak i go long 698 paunds (K2,848) long wanpela ton.

Prais bilong kofi i no strong na i gat pret olsem em bai go daun,

bihainim bagarap long ol kofi plantesen long Brazil, kantri we i save kamapim moa kofi long wol.

Ol ripot i tok i gat pret olsem bikipela kol o fros i nap long bagaapim ol ol kofi sit long ol kofi plantesen insait long Brazil.

Long Nu Yok maket, prais bilong Arebica i bin pondaun long 2.30 paun mak. Pastaim prais i bin stap long 96.45 sens long wanpela paun hevi na long dispela mun, em i pondaun i go long 94.15 sens. Dispela prais bai i karamapim ol kofi we bai ol i salim long mun Septemba.

Long London, prais bilong Robusta kofi i bin go daun long US\$10 mak na i stap long US\$1,310 long wanpela ton. Tasol maski ol pret long bikipela kol long

Brazil inap bagarapim kofi na kamapim prais senis long wol kofi, i luk olsem Brazil bai i kamapim moa kofi long neks yia wantaim rekot mak i abrusim 40 milien bek.

Prais bilong sugaken long wol maket i bin go daun long dispela mun bihainim bikipela haves long Brazil, kantri we i gat nem long kamapim moa suga long wol.

Prais bilong krud wel long wol maket i sut i go antap, stat yet long las mun. Dispela i bihainim sampela tambu na mak we ol kantri i save kamapim wel i mas inapim na i no ovarim. Tu Nigeria we i save kamapim planti wel i wok long bungim sampela hevi na olsem Kutubu wel kampani long PNG i laki long kamapim moa mani long krud wel bilong em.

BIKOS strong bilong Kina i go daun na tu OPEC i katim saplai bilong wel, Kutubu krud wel i bin pulim moa long K126 milien long las mun.

Dispela em K10 milien moa long mani we kampani i bin mekim long mun Me, ol ripot i tok. OPEC em Ogenaisen bilong Petroleum Ekspoting Kantri na ol kantri we i save salim wel i stap insait long en.

Taim em i tokaut long prais bilong wel bilong mun Jun, Seketeri Joseph Gabut i tok bikos long go antap, takis mani we gavman i pulim na tu winmani we kampani i mekim bai i go antap.

Mista Gabut i tok prais bilong wanpela barel bilong wel i bin go antap long US\$17.42 abrusim K15.30 we

i bin stap long en pastaim. Mista Gabut i tok go antap long Kutubu prais i bihainim maket prais bilong wel we i stap antap long mun Jun na i wok long go antap moa yet long dispela mun.


Em i tok OPEC i bin putim oda long katim daun seil bilong wel bihainim mak bilong wel we ol memba kantri i kamapim, olsem mak we OPEC i putim, ol ripot i tok.

Ol kantri long Galf insait long Midel Is na Venezuela insait long Saut Amerika i save kamapim moa wel long wol.

Na ol i klostu inap long mak OPEC i putim long kamapim inap tasol na i noken abrusim dispela mak.

Dispela i mekim na wel maket nau i gutpela, ol ripot i tok.

• Dispela em wanpela mak we i tambuim ol sip long noken go kisim fiul o rausim fiul long depo bilong Mobil Oil kampani long Wewak. Ol asples i putim dispela mak.



## Pasifik rijen lukim planti kwik mani skim

PLANTI rot bilong mekim mani hariap ol i kolim ol long Piramid o Kwik mani skim i wok long kamap insait long Pasifik rijen long dispela taim, ol ripot i tok.

Mekim na ol gavman insait long ol wan wan kantri long rijen i wok hat tu long traim stapim ol dispela mani skim, manesa bilong Ikonmik Dipatmen wantaim Beng ov PNG Loi Bakani i tok bihain long em i kam bek long wanpela wokabaut bilong em i go long Australia.

Mista Bakani i tok long dispela wokabaut bilong em, em i lainim olsem ol kwik mani skim i wok long go bikipela insait long ol Pasifik kantri na sampela ol gavman i painim rot pinis long stapim opere- sen na gro bilong ol.

Mista Bakani i tok ol i stapim ol dispela skim long Esia tasol long PNG, i nogat long i stap yet long stapim ol mani skim long karimaut ol wok bilong ol.

Mista Bakani i bin toktok wantaim ol rijinel bodi olsem saut Pasifik fasiiliti na Fainensel Eksen task Fos long ol kwik mani skim.

PNG long dispela taim i lukim planti kain kwik mani skim i kam insait na operet. Na Planti grasrut lain na ol bikman tu i wok long

autim mani bilong ol long ol komesel beng na putim i go insait long ol mani skim ya. Ol skim ya i promisim ol bikipela o 100 pesen intres reit insait long wanpela mun we ol komesel beng i no save givim. Dispela kain profit mani i wok long helpim tru planti ol grasrut pipel insait long kantri. mekim na planti beng kastoma i wok long rausim ol seavings bilong ol na inves long ol mani skim.

Nem bilong sampela ol mani skim we i operet nau long PNG em long U Vistract Finance Corporation, Money Rain, Millenium, WindFall, Pentagono, Money Link na sampela arapela moa.

Beng bilong PNG na ol Komesel beng i wok long putim ol tok lukaut long pablik long noken putim mani bilong ol wantaim ol dispela skim bikos ol i tok pablik bai lusim mani bilong ol. a.

Ol beng i wok long pasim ol beng akaun bilong ol dispela mani skim long traim stapim ol long operet. Maski ol tok lukaut i kamap, planti pipel i no wari. Sampela bikman, ol bisnis man, ol politisen na ol sios lain tu i wok long putim mani bilong ol insait long ol dispela mani skim ya.



• Ol manki long Wewak i katim, polisim na somapim ol su long pulim liklik mani long em.



# spot WANTOK wilken

## Minj gat nupela junia lig eksekyutiv

### PETER MAIME i raitim

MINJ ragbi lig i gat nupela eksekyutiv bilong ronim junia kompetisen.

Dispela eksekyutiv bai lukautim ol gems, wok edministresen, lukautim mani, peim ol refri na ol narapela samting bilong junia lig.

Anda 17 na 19 i kam aninit long junia kompetisen.

Ol man husat i stap long dispela eksekyutiv em Arnold Kondil (Presiden), Robin Kapak (Sekreteri) na Erwin Wus (Tresera).

Long prima kompetisen, las wik West i wilwilim Eastern Cowboys 34-0, Bulldogs i nekim Spiders 16-14 na Brothers i bagarapim sindaun bilong Kubor United 16-14.

Long dispela wiken, Eastern Cowboys bai traim rausim sem bilong ol long las wik taim ol i ron long fil engensim Bulldogs.

Gem planti pipel bai laik long go na lukim em namel long Spiders na Brothers. Belhat bilong Spiders engenism Bulldogs long las wik bai ol i putim antap long Brothers. Tasol Brothers bai tingting long kalap isi isi i go antap long poin leda na bai i no inap long givim sans long Spiders.

Kubor United em wanpela eksen pek tim bilong gut taim bipo na bai traim long mekim West i wari long dispela wik, maski West i go pas long poin leda. Tasol West i no inap givim dispela gem nating i go long Kubor United.

Bihain long ol gems long las wiken, poin leda i stap olsem:

\*West (22), Bulldogs (19), Brothers (14), Spiders (9), Kubor United (8) na Eastern Cowboys (6).

# PMSA makim anda 23 skwat

### YAKAM KELO i raitim

POT Mosbi Soka Asosiesen (PMSA) i makim pinis trening skwat bilong anda 23 tim husat bai i go pilai long Lae

long Julai 30 inap Ogas 1 insait long nesenel anda 23 sempionsip.

Insait long dispela 42 nem PMSA i kisim, bai ol i daunim namba bilong fainel skwat igo daun long fainel 20 pilaia husat bai makim PMSA long dispela nesenel tonamen bilong anda 23 long Lae.

PMSA opisel i askim ol dispela pilaia long soim ol haus sik kat o arapela setifiket we i soim de mama i karim ol long en. Dispela bai i ken soim sapos krismas bilong ol i orait long stap insait long dispela anda 23 skwat bilong PMSA.

PMSA opisel i tok bai ol i no inap oraitim arapela pepa o buk nabaut we i soim de na krismas bilong ol. Ol pilaia i mas soim stret haus sik buk o baptais buk.

PMSA i makim tu kosa bilong dispela anda 23 skwat em biknem PNG kosa John Davani long go pas long ol boi long trening. Namba tu kosa o asisten kosa bilong Davani em narapela biknem PNG pilaia na kepten bilong PNG soka tim, Geoffrey Emang. Tupela bai wok bung wantaim long redim Mosbi tim long go kik engensim ol arapela senta olsem Lae Futbol Asosiesen (LFA), Lahi, ol hailans rijon tim na arapela moa.

Nem bilong ol dispela trening skwa em:

Kika Kila (Babaka), Samson Tokiala (Dela Sale H/Sch), Paul Linina, Mike Charlie (Adau), Andrew Lepani, Rodney Pulu, Desmon Sow (Cosmos), Joe Kautu (Telikom), David Kaepapa, Joe Sevai, Benard Kanasa, Timothy Yapukaman, William Matane, Selan Elizah, Julius Chalapan (Defence), Kwegu Luluaki, Peter Kareva, Eric Willie, Trevor Ire, Alex Davani,

John Paonua, Jonah Malus (University), John Lesley, Keith Norrie, Francis Pomoso, Kolohi Kaluwin, Keres Chatau (Rapatona), Jimmy Kore, Newton Thomas (PS United), Bradley Bakuau, Nathan Vincent, Jeffery Sawa (PS United), Junior Heai (Guria), Nasa Andiki, Brian Tani, Kelvin Jimmy, Kilo Jimmy, Paul Ryan, Fidelis Gabe (Blue Kumuls), Pitiwin Salaiu (PS United), Richard Anisen (Kurti Andra) na Eddie Kaliolova (Cosmos).

Dispela 42 trening skwat bai stap long trening inap long ol kosa na opisel i daunim skwat i go daun long fainel 20 pilaia.


Training i stap pinis long dispela wik Mande na bai go pinis long taim tim i redi long go long Lae. Training i save kamap long olgeta Mande, Trinde na Fraide long Bisini soka graun.

Ol opisel i laikim tu olsem 11-pela anda 17 pilaia ol i makim insait long Orogen skul soka resis i mas kamap long Bisini soka graun wantaim ol dispela anda 23 skwat long Mande, Trinde na Fraide.

Ol dispela anda 17 pilaia bilong Mosbi em;

Brian Tohian (Kila Sec), Shaun Katap (Gerehu), Koto Guina (Kila Sec), Kutan Saleau (Kila Sec), Abraham Enoch (kila Sec), Adolf Kaian (Ted Diro), Tomi Niebo (Cosmos), Guena Babona (Cosmos), Paul Kanuisi (Tokarara) na Garry Moka (St Peters).

Dispela anda 17 skwat bilong Mosbi tu bai i gat wanpela pilai bilong ol long Lae insait long nesenel anda 23 soka sempionsip. Bai ol i bung wantaim arapela anda 17 tim bilong Lae long pilai na redim skwat bilong ol long ol ovasis gem inap kamap bihain.



Noken pait, pilai gut gem • Wanpela ragbi lig eksen long Madang long wiken. Tupela tim wantaim i taitim bun tru long dispela gem inap klostu hevi i kam.

# Stail bilong ol manki i moa yet long Orogen skul soka

STORI bilong Orogen skul soka salens long wik igo pinis i no pinis yet long maus bilong ol liklik skul pikinini husat i kam long ol provins na pilai long Mosbi. Ol liklik pikinini husat i bin pilai long anda 7 i go inap long anda 17 i tingim yet dispela bikpela soka resis ol i bin stap long en. Bikos long dispela amamas, ol papamama na famili long Tabubil long Westen provins i bin sanap long bikpela ren long welkamim ol manki bilong ol taim ol i lusim Mosbi na i go bek.

Kodineta bilong dispela Orogen skul soka salens Joe Turia i tok interes bilong ol liklik pikinini long kik soka i bikpela tru na ol i amamas tru long pilaim olgeta gem bilong ol. Olgeta divisen stat long anda 7 i go antap long anda 17 i gat tropi na prais bilong ol long winim. Na dispela tu i kirapim interes bilong ol manki i go moa.

Tasol bikpela samting tru we ol dispela pikinini i soim em, pilai long amamas, Turia i tok.

Turia i tok 1999 Orogen skul soka salens i bin bikpela moa long las yia bikos ol tim i kam long Vanimo, Tabubil, Lae na Star Maunten i soim bikpela stail tru engensim narapela narapela na tim bilong bik siti Mosbi. Ol manki bilong Star Maunten i nogat wanpela samting i stapim kik bilong ol maski ol i kam long maunten ples. Star Maunten i bin autim taitel bilong

anda 10 divisen engensim St Joseph tim bilong Mosbi.

Turia i tok Igam tim bilong Lae i bin narapela tim husat i mekim kamap bikpela kirap nogut long dispela tonamen. Igam i autim tupela taitel olgeta long anda 11 na anda 16. Mi bin amamas tru bikos ol pikinini i pilaim naispela soka tru na soim ol kain kain naispela stail we i soim olsem Orogen skul soka resis i mas go moa yet long bihain, Turia i tok.

Turia i tok ol tim i kam long narapela provins i tokaut pinis olsem ol i laik kam bek gen long neks yia long holim yet taitel bilong ol o winim arapela moa taitel. Olsem na dispela i soim olsem ol ogenaising komiti, lain bilong John Mogi bai i mas wok hat nau long lukautim narapela bikpela na strongpela tonamen gen long neks yia.

Turia i tok sapot bilong ol papamama i bin gutpela tru. Wanwan liklik bel hevi tasol em taim ol papamama na famili i bikmaus long referi long wantaim disisen o pilaia i no sais bilong dispela divisen o ol i engensim referi long pinisim gem hariap na taim ino yet na arapela liklik kros nabaut olsem.

Tasol Turia i tok ol papamama i mas yusim gut het na tingting bilong ol na mekim gutpela toktok long ol pikinini husat i pilai na dispela i ken

strongim ol pikinini long kamapim gutpela gem bilong ol.

Turia i tok em i no amamas long sampela papamama i save tromoi rong toktok long ol pikinini taim ol i ron wantaim bal. Sampela i singaut, kikim em, yu rabis, na arapela moa. Dispela i no gutpela bikos kain toktok olsem i go long het bilong pikinini na em i kisim save long en, Turia i tok.


Em i tok developmen bilong pikinini long pilai spot i stap long han bilong papamama olsem na ol yet i mas was gut long wanem eksen na toktok ol i mekim long ol pikinini bilong ol.

Turia i tok em i kirap nogut tu long luksave olsem planti lain husat i lukautim na go pas long ol tim bilong ol em ol skul tisa. Planti skul tisa i lukautim wanwan divisen bilong ol na dispela i soim olsem ol tisa i wok long holim ol pikinini yet wantaim gutpela sapot na bung wantaim pasin bilong skul long mekim wok na pilai spot.

Turia i tok dispela em gutpela tru long lukim sapot na wok bung wantaim bilong ol skul tisa long dispela Orogen skul soka salens.


Orogen Mineral Kampani i bin bikpela sponsa bilong dispela skul soka resis na i lukautim pilai ya i kamap insait long wanpela wik olgeta we ol skul i kam long ol senta olsem Lae, Vanimo, Tabubil na Star Maunten.





**Inta Siti  
ragbi lig  
eksen  
long  
Mosbi**





**POT MOSBI  
WIKEN  
SPOT EKSEN**



NRL LIG TIM-RAUN 21

FRIDAY

BRISBANE V ST GEORGE ILLAWARRA at ANZ Stadium (7.30pm)

**BRONCOS:** Darren Lockyer, Michael Hancock, Steve Renouf, Tonie Carroll, Wendell Sailor, Ben Walker, Shane Walker, Kevin Campion, Brad Thorn, Gorden Tallis, Andrew Gee, Luke Priddis, Shane Webcke. Res: Shaun Berrigan, Lote Tuqiri, Peter Ryan, John Plath, Michael Devere, Phillip Lee (two to be omitted).

**DRAGONS:** Luke Patten, Nathan Blacklock, Mark Coyne (c), Shaun Timmins, Jamie Ainscough, Anthony Mundine, Trent Barrett, Wayne Bartrim, Lance Thompson, Darren Treacy, Colin Ward, Nathan Brown, Chris Leikvoll. Res: Corey Pearson, Paul McGregor, Andrew Hart, Brad McKay, Craig Fitzgibbon (one to be omitted).

Referee: Steve Clark

SATURDAY

WESTERN SUBURBS V CANTERBURY at Campbelltown Stadium (2.30pm)

**MAGPIES:** Brett Hodgson, David Buko, Kevin McGuinness, Justin Booker, Adam Donovan, Ken McGuinness, Steve Georgallis (c), Scott Coxon, Michael Brabek, Tate Moseley, Matthew Spence, Trent Brown, Harvey Howard. Res: Matthew Fuller, Dayle Bonner, Dane Dorahy, Adam Bristow, Paul Jeffries, Ray Cashmere.

**BULLDOGS:** Rod Silva, Hazem El Masri, Darren Smith, Willie Talau, Daryl Halligan, Glen Hughes, Ricky Stuart, Travis Norton, Bradley Clyde, Steve Price, Troy Stone, Adam Perry, Darren Britt (c). Res: Dennis Scott, Steve Reardon, Robert Reif, Brent Sherwin.

Referee: Moghseen Jadwat

BALMAIN V NEWCASTLE at Leichhardt Oval (7.30pm)

**TIGERS:** Joel Caine, Laloa Milford, John Carlaw, Michael Gillett, Mark Lyland, James Webster, Craig Field, Darren Senter (c), Mark O'Neill, Ben Duckworth, Jason Lowrie, Adam Nable, Shane Walker. Res: Brad Smith, Kyle Leuluai, Craig Hancock, Mark Stimson.

**KNIGHTS:** Robbie O'Davis, Jason Moodie, Matthew Gidley, Mark Hughes, Adam McDougall, Matthew Johns, Andrew Johns, Bill Peden, Sean Rudder, Steve Simpson, Clinton O'Brien, Danny Buderus, Paul Rauhihi. Res: Glenn Grief, Brock Mueller, Chris Mandalidis, Andrew Hinchcliffe.

Referee: Matt Hewitt

CANBERRA V NORTH QUEENSLAND at Bruce Stadium (7.30pm)

**RAIDERS:** Brett Mullins, Rod Maybon, Ken Nagas, Luke Williamson, Lesley Vainikolo, Mark McLinden, Andrew McFadden, Laurie Daley (c), David Furner, Jason Coker, Ruben Wiki, Simon Woolford, Luke Davico. Res: Brandon Pearson, Mark Corvo, Damian Kennedy, David Westley.

**COWBOYS:** Kris Tassell, Noa Nadruku, Damien Smith, Paul Bowman, Brian Jellick, Scott Prince, Noel Goldthorpe (c), Kyle Warren, Shaun Valentine, Peter Jones, John Buttigieg, John Doyle, Brett Hetherington. Res: Paul Green, Brett Boyd, Glen Murphy, Josh Hannay, John Lomax, Jody Gall (two to be omitted).

Referee: Mark Oaten

SUNDAY

CRONULLA V MELBOURNE at Shark Park (2.30pm)

**SHARKS:** David Peachey, Colin Best, Andrew Ettingshausen (c), Paul Mellor, Brett Howland, Adam Dykes, Mitch Healey, Nick Graham, Chris McKenna, Sean Ryan, Martin Lang, Dean Treister, Andrew Pierce. Res: Tim Maddison, Nathan Long, Sam Isemonger, Shannon Donato.

**STORM:** Robbie Ross, Matt Geyer, Aaron Moule, Paul Bell, Marcus Bai, Ben Anderson, Brett Kimmorley, Tawera Nikau, Stephen Kearney, Paul Marquet, Rodney Howe, Richard Swain, Glen Lazarus (c). Res: Matt Rua, Brad Watts, Ben Roarty, Robbie Kearns.

Referee: Bill Harrigan

SOUTH SYDNEY V AUCKLAND at Sydney Football Stadium (2.30pm)

**RABBITOHS:** Tim Brasher, Justin Loomans, Craig Wing, Brett Rodwell, Chris Caruana, Julian O'Neill, Darrell Trindall, Wayne Richards, James Smith, Jason Nicol, Mark Carroll, Sean Garlick (c), Matt Parsons. Res: Wes Patten, Jeremy Schloss, Lee Hookey, Ian Rubin, Tony Iro.

**WARRIORS:** Matthew Ridge, Odell Manuel, Peter Lewis, Nigel Vagana, Lee Oudenryn, John Simon (c), Stacey Jones, Jason Death, Logan Swann, Tony Tuimavave, Terry Hermansson, Robert Mears, Joe Vagana. Res: Shane Endacott, Ali Lauititi, Jerry Seu Seu, Tony Taputu, Francis Meli (one to be omitted).

Referee: Paul Simpkins

NORTH SYDNEY V PARRAMATTA at North Sydney Oval (2.30pm)

**BEARS:** Matt Seers, Brett Dallas, Nigel Roy, Michael Buettner, Scott Pethybridge, Ben Ikin, Jason Taylor (c), Billy Moore, Glenn Morrison, Gary Larson, Josh Stuart, Jamie Goddard, Steve Trindall. Res: Jamie Fitzgerald, Mark O'Meley, Beau Gallagher, David Hicks.

**EELS:** David Vaealiki, Clinton Schifcofske, David Kidwell, Daniel Wagon, Eric Grothe, Jim Dymock, Ben Kusto, Justin Morgan, Jarrod McCracken, Nathan Hindmarsh, Michael Vella, Dean Schifilliti, Dean Pay (c). Res: Nathan Cayless, Chris Quinn, Stuart Kelly, Mark Tookey, Michael Hodgson, Dennis Moran (two to be omitted).

Referee: Sean Hampstead

MONDAY

SYDNEY CITY V PENRITH at Sydney Football Stadium

**ROOSTERS:** Ryan Cross, Jack Elsegood, Ivan Cleary, Richie Barnett, Robert Miles, Brad Fittler, Adrian Lam, Luke Ricketson, David Barnhill, Bryan Fletcher, Peter Cusack, Simon Bonetti, Quentin Pongia. Res: Nat Wood, Scott Logan, Julian Bailey, Shane Rigon.

**PANTHERS:** Shane Eford, Robbie Beckett, Ryan Girdler, Sid Domic, Chris Hicks, Craig Gower, Steve Carter (c), John Cross, Matt Adamson, Scott Sattler, Carl MacNamara, Brad Drew, Craig Greenhill. Res: Mark Geyer, Ned Catic, Matt Rieck, Tony Puletua.

Referee: Tim Mander

BYE: MANLY

KOIARI LIG RIPOT

# Koiari lig hat long rejistresen fi

KENNEDY EDENE i raitim

KOIARI Ragbi Lig bai saspending ol kompetisen bilong em sapos ol klab i no peim ol pilaias rejistresen fi dispela wiken.

Long miting las wiken, lig presiden Ruben Ope em tokim ol klab presiden na opisel olsem em yupela ol klabs bin makim dispela dedlain olsem long Julai.

Na nau yet yupela wok long pulim dispela pilaias rejistresen na i no hariap long peim fi bai lig bai saspending ol gems dispela wiken.

Ol gems bai lig saspending inap olgeta klabs peim pilaias rejistresen K8 fi long wanwan pilaias.

Choice klab em i wanpela klab insait long kompetisen husat em peim ful klab afiliesin K300 wan-

taim 25 pilaias bilong ol olsem K200 we i total K500.

Lig tu edvaisim ol klab long hariap long givim nem bilong ol pilaias long A na B gret.

Dispela bai mekim isi long ol lig opisels long luksave long ol pilaias. Husat em junia gret na sinia gret pilaias, nau yet mipela i no save husat em i B gret pilaias tru na A gret pilaias.

Na tu i luk olsem i gat kankain pes ol wok long kisim fil long ol wiken. Nau yet bai mipela i no inap wokim wanpela samting o panisim ol klabs.

Em yupela ol klabs, yupela i no karimaut gut instraksin na em i mekim hat long mipela na yupela lig opisel i tok.

Koiari ragbi lig kaunsil siaman Kennedy Edene husat tu em i stap long miting tok, dispela kain

sem pasin bai kamap long junia lig kompetisen. Ol klabs i no sabmitim ol pilaias lis na kompetisen em ol bai stapim.

Mipela bai i no inap giamanin ol PNGRFL na wok long ol giaman ripot.

Dispela ripot na infomesin em i bikpela samting long mipela na PNGRFL, long save hamas pilaias em lig i gat.

Olgeta klabs tok bai ol i peim pilaias rejistresin na sabmitim ful A na B gret tim lis long dispela wiken.

Ol i tok lig tu, ol gat mani stap tasol mani stap long benk. Em no seip long mipela holim mani long haus bilong mipela, ol klab i tok.

Tasol bai mipela givim rejistresin fi dispela wiken, ol i tok.



• Wanpela eksen gem long Mosbi ragbi lig resis long las wiken.

## Pukpuk stap long lata bilong Koiari lig

PUKPUKS holim yet namba tu posisen bilong em long Koiari Ragbi Lig poin lata taim ol autim tiket bilong wantok bilong ol Owls 24-12 long Sande long Sogeri.

Owls tingting long rausim tiket bilong ol Pukpuk tasol popaia na ol Pukpuk i kaikaim ol.

Owls ol i stap yet long namba 8 posisen we ol nogat sans long pilai long fainel 5 long gret fainel.

Pukpuks win i bin kam bhain long sampela gutpela pilai long nupela faiv eit bilong ol Michel Hibo.

Hibo maski em pilai long faiv eit tasol em pilai olsem fowet long brukim difens na setim pilai.

Tupela tim bin stap klostu klostu long skoa insait long opening seken hap we skoa bin 12-12.

Tasol Owls slek daun liklik namel long seken hap na ol Pukpuks putim tupela trai na sut i go antap i go long 24-18.

Dispela em Philip Camillus na Moduba Tom bin skoarim na kepten Patrick Belesi kikim tupela gol.

Long ol narapela gem Warriors autim tiket bilong Choice tu popetim Bears 20-nil.

Bihain long namba 15 gem wantaim 3-pela Choice wok long lid yet long 28 poin, Pukpuks long 21, Warriors 19, Crystal Lakers 17, Tigers 15, Panthers 10, Kongos 6.

Tupela tim Bears na Panthers A gret em ol rausim ol long Koiari Ragbi Lig kompetisen.

Na nau yet i gat 7-pela tim long kompetisen, Bears B gret tu em lig rausim.

Ol tim ol rausim bikos ol i no peim klab rejistresim K300.

Presiden bilong lig tok, em nogat taim long ol klabs husat i no peim rejistresin fi. Deit em yupela klab bin putim na yupela mas bhainim.

Ol klabs husat em i no oganaisim em yet gut bai hat long kambek long neks yia we bai ol lig bai glasim ol gut bhain ol i kam insait.



# Amerika lusim wanpela feveret pikinini

## ...John F Kennedy Junia i dai

**Washington, Amerika:** Amerika na wol i wok long karim bikpela sori long lusim wanpela memba bilong biknem famili em long ol Kennedy's.

John F Kennedy Junia yangpela man wantaim 38 krismas na pikinini bilong leit Presiden John F Kennedy bilong Amerika we ol bin kilim em dai long 1963 i bin lus long las Fraide Julai 17 bihainim birua long praivet balus we em yet i pailat long en.

John Junia, meri bilong em Carolyn (susa bilong John tu em i gat wannem olsem meri bilong em ) Bessette na susa bilong em Lauren i bin wok long go long marit bilong kasen bilong em (John) Rory long Kennedy famili kompaun long Hyannisport, Massachussets long wiken taim praivet balus bilong em we em yet i pailatim i kres na lus klostu long nambis na solwara bilong Martha's Vineyard na tripela i dai. I kam inap nau, ol US Kosgad, ol nevi, plis, reskyu lain na pablik long Amerika i wok long painim bodi bilong tripela tasol i nogat yet. Ol i painim tasol ol hap hap bilong balus i bagarap na tu wanpela henbeg bilong susa Lauren, susa bilong meri bilong John F Junia.

John F Junia na meri bilong em i bin marit long 1994 tasol ol nogat pikinini yet. Nau i luk olsem long dispela famili bilong leit Presiden yet, wanpela pikinini i stap. Em long susa Caroline Kennedy Schlossberg husat nau i marit na i gat tripela pikinini. Tasol i gat ol arapela Kennedy famili hauslain i stap yet na ol i save stap pas olsem wanpela famili long Massachussets, Amerika.

Ol samting we i kamap na i sut long dai bilong John F Kennedy Junia em long :

Julai 16: Mista Kennedy wantaim meri na tambu meri i tekof long praivet balus, singel enjin Piper Saratoga long Essex Kaunti ples balus, Fairfax, Nu Jesi long 8.38 pm Fraide nait. Ol bin inap long kamap long Martha's Vineyard long 10 pm nait. John Junia yet i pailat long balus.

Julai 17: Long 2.00 am, Kennedy famili i putim tok save long ol atoriti olsem balus bilong John F Junia i no kamap. Nius long balus i lus i kamap long ol televisen, redio na ol niuspepa long moning.

• Bos bilong ol Kosgad, Rear Admiral Richard Larrabee i tok solwara long dispela hap i kol nogut tru na olsem sans i no gutpela tumas long tripela i stap laip yet. Tasol hop i stap na ol famili na pablik i holim dispela hop i stap. Wok i stat long balus na sip long painim tripela.

• Fifti memba bilong Kennedy famili i bung long Hyannisport kompaun long Kep Kot na stap insait long wanpela lotu Misa.

• Wok painim i painim sutkes bilong Lauren Bessette, susa bilong meri bilong John Junia. Meri ya i wanpela invesmen benka. Ol i apinim sutkes ya long nambis long Sarere apinun. Ol i painim narapela beg i gat ol mekap samting na ol marasin wantai nem bilong Carolyn Bessette Kennedy i stap long en. Ol i painim tu ol liklik hap bodi bilong balus. Nesenel Trempotesen Sefti i muv long karimaut ol wok painimaut long Marthas's Vineyard.

Julai 18: Kosgad i no painim tripela pipel ya na ol i tok i nogat sans long man i stap laip long dispela bikpela na aiskopela solwara bilong Atlantik Osen.

• Long Quart, Itali, Pop John Paul 2 i harim nius bilong birua ya na i autim tok sori bilong em na marimari bilong Bikpela God Papa long John Junia, meri na susa bilong em.



• I kam inap long Sande, ol Kosgad i no painim bodi bilong tripela.

Na ikam inap long tude, ol no painim ol yet. Wok painim long ol na balus i go het yet.

• Weding o marit bilong kasen we John F Junia i wok long go long en na em i painim birua na dai i no kamap na ol i surukim i go long narapela taim.

### Prins Saming bilong Amerika i dai. Histri bilong Kennedy famili hauslain

John F Kennedy Junia i groap long ai bilong pablik long Amerika na wol. Ol i lukim em olsem liklik bebi boi i pilai aninit long desk bilong papa bilong em, leit Presiden John F Kennedy. Na taim em i groap, pablik i lukim em olsem wanpela gutpela saveman we wanpela de, em bai kamap olsem wanpela politisen na presiden bilong Amerika olsem papa bilong em.

Mama bilong em tu Jacqueline Kennedy i bin wanpela biknem meri tu. Em bin dai long 1994 na lusim Junia John wantaim susa bilong em, Caroline husat nau i marit na i gat tripela pikinini. Caroline i les long nem na piksa bilong em i kamap long pablik na em i save stap isi na go hetim praivet laip wantaim famili bilong em.

John Junia em dispela Kennedy pikinini we pablik long Amerika na wol i save laikim na ol i glasim olgeta samting em i wokim tasim em i groap. Kennedy famili i gat nem na dispela famili i kamapim wanpela presiden, ol lain bilong ol i stap long Kongres o palamen bilong Amerika, wok olsem ol Ateni Jenerel bilong Amerika, ambasadana na Stet lejistreta. Na sapos Kennedy famili em i royel famili bilong Amerika, planti bai i tok John F Junia em i Prins Saming.

Em i gat naispela pes na long niuspepa, ol i kolim em wanpela naispela man tru husat i gat kik we ol meri i dai long en. Em bin go long bikpela skul long Yunivesiti na skulim lo na wantaim bikpela save na naispela lukluk bilong em wantaim pasin we em i save pulim pablik long en, planti i bin gat bilip olsem em bai kamap olsem wanpela bikman long politiks olsem papa, ol ankel, ol kasen na ol arapela hauslain bilong em long Kennedy famili.

Mama i bin karim John Junia long Novemba 25, 1960, tripela wik bihain papa bilong em i kamap namba 35 presiden bilong Amerika. Em bin namba wan yangpela presiden bilong Amerika tu. Amerika na wol i tingim John Junia olsem liklik bebi husat i bin gat tripela krismas tasol na long funeri wokabout bilong papa bilong em, em i werim blupela kot na sotpela trauses we i tromoim han taim ol i karim bokis bilong dai papa bilong em i kam. Bihain long dai bilong papa bilong ol, tuopela Caroline na John F K Junia i groap wantaim mama bilong ol long ol haus long Fifth Avenu long Nu York na bihain taim em (mama) i maritim wanpela bikpela risman bilong Gris na papa bilong siping kampani, Aristotle Onassis. mama bilong ol i save les long midia na ai bilong pablik i sut long ol na em i lukautim ol long isi laip, tasol pablik i save bihainim ol yet na ol i was long John F K Junia i groap. Na ol i putim nius na ol poto long em long ol samting em i mekim o, i kamap long en taim em i groap. Em bin gat laik long ekt long muvi na dispela samting em i wokim na tu kamap olsem produsa bilong sampela muvi long Brotwe, ples we ol i save kamapim ol muvi long Amerika. Olsem papa bilong em husat i gat naispela pes na ol meri i save hap dai long en, John Junia i bin poromanim sampela ol biknem muvi ekta olsem Madonna na Daryl Hannah.

Long 1994 em i bungim meri bilong em, Carolyn husat i bin wok olsem wanpela pablis long fasen disaina, Calvin Klein. Long 1993 em bin lusim wok long opis bilong Ateni Jenerel na ranim wanpela megesin we em bin kamap edita long en. Wol i bin sanap na lukluk gut long en taim em i groap olsem wanpela gutpela yangpela man wantaim ol hevi na gutpela sait wantaim. Long namel bilong ol dispela samting na atensen we Amerika na wol i givim, John FK Junia i save stap isi na i no surik o mekim bikpela nois

Sotpela, histri bilong Kennedy famili hauslain

Kennedy famili em i wanpela ris na gutpela famili. Tumbuna bilong ol, Joseph Patrick Kennedy i bilong Irelen na i bin go olsem long Amerika. Hatwok bilong em yet i bin kamapim biknem long Kennedy famili

• John F Kennedy Junia wantaim meri bilong em, Caroline Bessette bihain long wanpela pati long Oktoba, 1996 long Nu Yok, wanpela bik siti bilong Amerika. Ol atoriti i bilip olsem John wantaim meri bilong em i dai long plen kres las wik.

olsem wanpela ris tasol gutpela famili. Famili i bungim gutpela taim na hevi wantaim long laip bilong ol.

Histri long ol taim na samting nogut we wan wan famili memba i dai long en i stat wantaim bikpela pikinini bilong tumbuna long Kennedy famili, Joseph Junia husat i bin dai insait long Wol Wo Tu. Pikinini meri bilong em, Kathleen Agnes Kennedy i bin dai long balus birua long Frans long 1948.

Patrick Bovier Kennedy, bebi brata bilong John Junia i bin dai taim em i tripela mun tasol long 1963, bipo long dai bilong papa bilong ol.

Long 1963, hero bilong Amerika, leit Presiden John FKennedy em ol i sutim em i dai long Dallas, Texas.

Long 1997, Michael Kennedy wantaim 39 krismas na pikinini bilong leit Seneta Bobby Kennedy i bin dai long ski (pilai long ais) birua long Kolodado.

Michael Kennedy husat i bin bikpela long ol Kennedy famili i bin dai bihainim stori olsem em i prenim bebi sita bilong ol. Mekim na marit bilong em wantaim meri bilong em long 16 pela krismas i pinis. Long 1984, brata bilong Michael David Anthony i bin dai bihain em i kisim strongpela smok nogut. David i bin gat 13 krismas taim em i lukim papa bilong em ol i kilim dai. Long 1991 aninit long was bilong pablik long Amerika, William Kennedy Smit, pikinini bilong Jean, susa bilong John F K na Edward em i bin kisim sas long bagarapim meri tasol ol bin lusim dispela sas long em gen.

Ankel bilong em tu, Seneta Edward Kennedy i bin stap insait long hevi taim wanpela premeri bilong em, Mary Chppaquiddick bin dai long ka birua long 1969. Dispela i bin pinisim ol driman we Edward i bin gat long sanap long resis bilong presiden bilong Amerika.

Las em bubu bilong em, Rosemary Kennedy em i sikmeri na em i save stap long spesel haus sik bilong ol sik pipel long Wisconsin, Amerika.

Taim susa Caroline em i marit, John FK Junia i bin besman na long toktok bilong en, em bin tok, "Long laip bilong mi, mipela tripela tasol i stap, mama, Caroline na mi." Na nau, wanpela tasol (Caroline) i stap.



# Indonesien ami bai sapatim gavman bilong pipel

Ami bilong Indonesia bai sapatim husat kendidet i winim posisen bilong Presiden tasol em mas gat bikpela laik na tingting long helpim kantri na pipel long kamapim bek gutpela sindaun long kantri na gavman we i ron gut. Toktok ya i kam long maus bilong Jenerel Wiranto long dispela wik bihain em i kisim wanpela medol long gavman bilong Singapo.


Bekim askim bilong ol niusman, Jenerel Wiranto i tok ami i no sapatim wanpela paiti long kain politik we Indonesia i stap long en long dispela taim.

Em i tok ami laik sapatim kendidet husat bai sanap long presiden posisen na dispela man o meri bai mas tingim kantri na pipel.

Bung long makim presiden bai i kamap long mun Novemba na 700 lain bai stap long en. Long nau, Megawati Sukarnoputri, pikinini meri bilong namba wan Praim Minista bilong Indonesia, Presiden Sukarno i wok long go pas long kisim moa vot bihainim nesanel ileksen bilong Indonesia we i bin kamap long las mun. Megawati em i memba bilong Indonesien Demokretik

Pati for Struggle. Pati bilong em bai i gat 154 memba long nupela Palamen. Ruling Golkar Pati we Presiden BJHabibie i go pas long en i gat 120 deputi long en. Tupela pati i mas bung wantaim long fomim wanpela koalisen gavman.

Presiden Habibie i tok em bai amamas tu sapos Megawati i win long dispela ileksen. Tasol em i tok husat man o meri i winim posisen bilong Praim Minista i mas gat save long wok bilong en bikos em bai karim bikpela wok long lukautim 211 milien pipel, mak bilong populesen bilong Indonesia.



• Dispela stetju o mami em i gat 350 krismas na em i sanap long Jiwiki, wanpela ples long Kurulu distrik insait long Irian Jaya provins. Wanpela man Irian Jaya yet i sindaun klostu long stetju ya.



## Fes Ledi i no nupela long laip na politik bilong PNG ...

• Ledi Roslyn Morauta i serim kap wain na toktok wantaim ol Gavman MP bihain long ol i givim opisel luksave long man bilong em, Sir Mekere Morauta olsem Praim Minista bilong PNG. Ledi Morauta i bilong Toowoomba. Em bin wok olsem wanpela pablik sevan long Kenbera na politik tisa long Ghana, Afrika bipo em i kam long PNG. Nau em i save luakutim wok long bisnis bilong ol, Delta Seafoods long Mosbi. Tasol em i save sapatim na helpim gut man bilong em long sait bilong wok. *Piksa i kam long Weekend Australian..*

# Maski ol ami i pretim ol man, ol vota i sanap strong yet

**Is Timor, Indonesia:** Maski ol ami i pretim ol man, ol vota i sanap strong yet olsem dispela piksa i soim ol manmeri i sanap long lain bilong putim nem bilong ol long vot we bai kam long neks mun long Is Timor. Piksa i kam long Weekend Australian niuspepa

YLong las wik trinde, Jenerel Seketeri bilong Yunaitet Nesens Kofi Annan i tokaut olsem rejistresen long ol man i

putim nem long vot i ken stat. Long 10-pela de, ol atoriti na UN lain bilong em bai skelim na glasim sekyuriti situesen na sapos ol samting i go gut, ileksen bai i go het.

Nau ol ripot long Dili, hetkota bilong Is Timor i tok ami bilong Indonseai na ol sapota bilong ol husat i no laikim Is Timor long kisim independens i wok long redi long kamapim trabel long neks wik. Ol aid woka i tok

bihainim dispela, namba bilong ol refuji i wok long go antap. ol ripot i tok moa long 59,000 pipel long Is Timor i lusim ol asples bikos ol i ami na ol sapota i wok long bagarapim ol.

Ol ripot i tok long sampela distrik olsem long Liquica: na Maliana, ol trabel i kamap na dispela i stapim Yunaitet Nesens grup long go insait na karimaut rejistresen long vot.

## Ol Is Timor lida bai bung

Ol lida bilong ol birua grup long Is Timor i tok orait long bung bipo long pinis bilong dispela mun na kamapim ol agenda bilong lusim ol samting bilong pait, wanpela humen raits grup i tok long dispela wik. Long bung ya, Unamet em Yunaitet Nesens Asesmen Misin long Is Timor bai i stap long en long toktok long teknikel sait

we i sut long disamamen o pasin bilong lusim ol samting bilong pait, ol ripot i tok.

Long wankain taim tu, wanpela ripot i kamaut olsem wanpela strongpela lida bilong Is Timor i bin oda long ol sapota bilong ami bilong Indonesia long Is Timor long bagarapim na wokim nabaut long ol wokman

bilong Yunaitet Nesens husat i stap nau long Is Timor. Dispela grup i karimaut ol wok redi nau long ileksen we bai ol pipel bilong Is Timor bai holim long autim tingting bilong ol sapos ol i laik bruk lusim Indonesia na kamapim independen kantri bilong ol yet o ol i laik long stap yet wantaim Indonesia.



• Samting bilong daunim spet long en ya! Em stail bilong ol Taiwan ya! ..Noken ting em wanem samting, dispela em gutpela plet kaikai we ol kuk i redim ol i stap. Long kalsa bilong ileksen long Taiwan, planti pipel i ting olsem ol kendidet bai givim ol fri kaikai. Swit moa ya! *Piksa i kam long Free China Review megesin.*

# Taiwan bai papa long longpela bilding long wol

Kam mun Oktoba long yia 2002, Taiwan bai gat tolpela bilding tru long wol. Dispela i bihainim wanpela konsotium bilong Japan na Taiwan we i winim kontrak long bildim tolpela bilding long Taipei em Taipei Fainensel Senta. Bilding ya bai i gat 508 rum long en na em bai kos US\$605 milien long en (K1,6430). Taim haus ya i pinis long Septemba yia 2002 em bai kamp olsem namba wan bikpela na tolpela bilding, o skai skrepa, long wol. Tupela konstraksen kampani bilong Taiwan bai bung wantaim Kumakayagu kampani bilong Japan na Taiwan. Tasol i gat ol toktok i kamap long egensim dispela bilding

bikos em i stap klostu ong rot bilong guria long en.

Ol ripot i tok Taiwan i stap namel long namel hap we guria i save kamap long en ol i kolim long kros Pasifik belt we i joinim Alusen Ailan, japan, Filipins, Indonesia, Nu Silan, Chili na wes kos bilong Yunaitet Stetsd.

Wanpela opisel bilong kampani i tok ol i toktok pinis wantaim sampela lokol na ausait saveman long guria na ol lain ya i tok em i orait long sanapim bilding ya.

Kantri we i holim rekot long tolpela bilding long wol em Kula Lumpur we i gat 450 rum Petronas Tawa.



# LAI PSTAIL

## Sir Mereke em namba 6 Praim Minista bilong PNG

### PETER MAIME i raitim

WIN bilong yu sapos yu bin "ges paia" olsem Sir Mekere Morauta bai kamap Praim Minista bilong kantri.

Wantok long mun Me i bin raitim wanpela stori long husat bai kamap Praim Minista bilong PNG taim palamen i bung long las wik.

Wantok i bin askim ol ridas long dispela taim olsem wanem kendidet ol i gat long het bilong ol, bai no inap kamap tru bikos politiks bilong PNG i save senis long las minit.

Ripot long Wantok long dispela taim i tok, "long politiks bilong PNG, las minit senis i save kamap. Yu i no inap save husat bai fomin gavman o kismim sia bilong Praim Minista, inap ol kuskus bilong palamen i kaunim vot na givim risals i go long ol memba long floa bilong palamen."

Dispela ripot i bin kamautim as bilong wanem samting i bin kamap las wik taim palamen i bun na votim Sir Mekere olsem Praim Minista.

Long Tunde taim palamen i bung, lain bilong olpela Praim Minista, Bill Skate i bin gat bikpela namba long fomin gavman. Taim palamen i bin vot long Spika bilong Palamen, lain bilong Mista Skate i bin gat namba na votim Memba bilong Alotau na olpela Deputi Praim Minista, lairo Lasaro olsem Spika. Mista Lasaro i bin winim Lida bilong Oposisen bipo, Bernard Narakobi 57-47.

Neks de, Trinde em taim bilong votim Praim Minista bikos Mista Skate i bin risain na em i bin stap olsem Ekting Praim Minista.

Taim wanpela sait bilong palamen, Gavman o Oposisen i gat namba na winim sia bilong Spika, i gat bikpela sans long ol i kismim Praim Minista na fomin gavman.

Olgeta pipel long PNG i bin ting olsem grup bilong Mista Skate bai stap yet long gavman.


Tasol dispela samting i bin popaia long Trinde moning. Lida bilong PNG Edvens Pati na nau Deputi Praim Minista, John Pundari i bin kismim ol memba bilong em i go long Oposisen.

Planti pipel i bin kirap nogut taim Mista Pundari i sindaun wantaim ol lain long Oposisen long palamen.

Taim Spika long dispela taim, Mista Lasaro i kolim nominesin bilong Praim Minista, Pangu Pati Lida, Chris Haiveta husat i stap wantaim Mista Skate i kalap na makim Mista Pundari long kamap Praim Minista.

Tasol Mista Pundari i bin tok nogat long dispela nominesin bilong Mista Haiveta.

Mista Pundari i tanim bek na nominetim Sir Mekere long kamap Praim Minista. Liklik taim bihain, Memba bilong Menyamyama na Plis Minista bipo, Thomas Pelika husat tu i stap long grup bilong Mista Skate i kalap na nominetim



• Sir Michael Somare

Gavana bilong Is Nu Briten, Francis Koimanrea long kamap Praim Minista. Mista Koimanrea i bin tok orait long nominesin.

Taim vot i kamap long makim Praim Minista, Mista Skate, Mista Haiveta na ol narapela memba bilong olpela gavman i go votim Sir Mekere. Sir Mekere i win long 99 vot. Mista Koimanrea i kismim 5-pela vot tasol.

Ol memba husat i no sapatim Sir Mekere em Mista Pelika, Memba bilong Maprik, Sir Pita Lus, Memba bilong Madang, Jacob Wama, Memba bilong Bulolo, Samson Napo na Memba bilong Huon Gulf, Tukape Masani.

Em i orait long Mista Koimanrea long votim em yet tasol em i no mekim.

Bihain long ileksen bilong Praim Minista, Sir Mekere i bin go long ples bilong Gavana Jenerel, Sir Silas Atopare long kismim luksave bilong em.

Taim dispela samting i bin kamap long Gavman Haus long Konedobu, Mista Lasaro i bin risain olsem Spika bilong Palamen.


Taim Palamen i bung gen bihain long Gavana Jenerel i luksave long ileksen bilong Praim Minista, kuskus bilong palamen i bin tok aut olsem Mista Lasaro i bin risain olsem Spika.

I gat bilip olsem Mista Lasaro i risain bikos em i nogat sapat long gavman bilong Sir Mekere. Grup bilong Mista Skate husat i makim em olsem Spika i go sapatim Sir Mekere gen.

Lida bilong Pipels Progres Pati, Michael Nali i bin rominetim Mista Narakobi. I nogat wanpela man i laik resis wantaim Mista Narakobi olsem na em i wokabut i go na kismim sia bilong Spika.

Mista Skate na grup bilong em inap long holim yet pawa tasol, i gat sampela ripot i tok, Mista Haiveta tu i bin laik kamap Praim Minista. Long Mande, Mista Skate i tokim kantri olsem Mista Pundari bai kamap Praim Minista na Mista Lasaro bai kamap Spika long grup bilong em.

I gat strongpela bilip olsem taim Mista Haiveta i bin autim tingting bilong em long Tunde nait, Mista Pundari i no wanbel long dispela toktok na go joinim olpela grup bilong em long Oposisen na Pipels



• Sir Julius Chan

Demokratik Muvmen bilong Sir Mekere.

Mista Pundari i bin go kemp tu wiks long Madang wantaim Oposisen na PDM tasol em i bin lusim ol taim grup bilong Mista Skate i promisim em long givim wok bilong Praim Minista.

Tasol dispela plen bilong Mista Skate i no wok.

Sir Mekere nau em namba 6 man long kismim wok olsem Praim Minista, bihain long PNG i kismim independens long 1975.

Sir Mekere em wanpela save man bilong kantri. Em i bin holim ol bikpela wok olsem Fainens Sekretri, Menesing Dairekta bilong PNG Benging Kopresen na Gavana bilong Beng ov PNG.

Long 1997 nesenel ileksen, em i winim sia bilong Mosbi Not Wes. Em i bin Minista bilong Fiseries long sampela taim bipo long Mista Skate i bin rausim em wantaim PDM long las mun.

Tripela olpela Praim Minista, Mista Skate, Sir Michael Somare na Sir Rabbie Namaliu i nau stap yet olsem memba bilong palamen. Sir Julius Chan na Paias Wingti i bin lus long 1997 nesenel ileksen.

Sir Somare i bin kamap namba wan Praim Minista taim PNG i tokaut olsem em i wanpela independen kantri long 1975.

Long 1977, palamen gen i makim Sir Somare olsem Praim Minista bilong kantri bihain long em i bin winim sia bilong Is Sepik rijional. Long Mas 1980, em i kamap lida bilong Oposisen bikos em i lusim sia bilong em long wanpela vot i nogat bilip.

Bihain long 1982 nesenel ileksen, em i bin kamap Praim Minista gen. Long Novemba 1985, em i lusim sia bilong em olsem Praim Minista bikos em i lus gen long wanpela vot i nogat bilip.

Em i bin traim gen long kamap Praim Minista long 1997 tasol Mista Skate i winim em.

Sir Julius Chan i bin kamap Praim Minista namba wan taim long 1980. Em i bin autim Sir Somare long vot i nogat bilip. Em i bin stap Praim Minista long 1980 inap long 1982.

Sir J i bin kam bek gen long 1982 ileksen tasol em i kamap Deputi Praim Minista aninit long Mista Wingti.

Long Ogas 1994, em i bin



• Paias Wingti

kamap Praim Minista gen taim Mista Wingti i lusim sia bilong em long Suprim Kot.

Stat long 1968, Sir J i bin oltaim winim sia bilong Namatanai long Nu Ailan tasol em i lus long 1997 ileksen.

Mista Wingti i bin statim politikel laip bilong em long 1977 taim em i winim sia bilong Hagen. Em i bin holim dispela sia long 10 pela yia.

Long Novemba 1985, em i bin kamap namba tri man long kamap Praim Minista long PNG. Long 1987 ileksen, em i bin sanap na winim Westen Hailans rijional sia na bihain palamen i makim em gen olsem Praim Minista.

Long Julai 1988, em i bin kamap opisen lida taim ol i sensim gavman bilong em. Em i bin winim gen rijional sia long 1992 na kamap Praim Minista wanpela taim moa.

Long Septemba 1993, Mista Wingti i bin risain na palamen i votim em gen olsem Praim Minista tasol oposisen i kismim em i go long Suprim Kot long dispela pasin em i bin mekim na em i lusim sia bilong em.

Bihain em i bin kamap Gavana bilong Westen Hailans tasol em i lus long Pater Lak long 1997 ileksen.


Sir Rabbie Namaliu i bin kamap namba foa man long kamap Praim Minista long Julai 1988 taim palamen i putim wanpela vot i nogat bilip long gavman bilong Mista Wingti. Sir Rabbie i bin stap Praim Minista i go inap long 1992 ileksen. Em i traim gen long kamap Praim Minista bihain long ileksen tasol em i bin lus long Mista Wingti.

Sir Rabbie i bin holim sia bilong Kokopo long Is Nu Briten long 1982 i kam inap nau.


Em i bin Minista bilong Petroleum na Ges long gavman bilong Mista Skate.

Mista Skate i makim sia bilong Nesenel Kapitel Distrik long Nesenel Palamen. Em i bin kamap memba long 1992. Em i bin stap Spika bilong Palamen taim Mista Wingti i stap Praim Minista dispela taim.


Long Septemba 1994, Mista Skate i bin kamap Deputi Oposisen Lida taim Wingti i lusim gavman bilong em long kot. Taim nupela rifom lo bilong Provinsal na



• Sir Rabbie Namaliu



• Bill Skate



• Praim Minista Sir Mekere Morauta

Lokol Levul Gavman i bin kamap, em i risain long wok bilong oposisen na kamap Gavana bilong NCD.

Long 1997, Mista Skate i bin winim sia bilong NCD na taim palamen i bin bung, ol i makim em olsem namba faiv man long kismim sia bilong Praim Minista.

Bipo yet, Mista Skate i tok em bai winim vot i nogat bilip long gavman bilong em.

Tasol dispela samting i no kamap tru long las wik. Gavman bilong em i lus na mekim we long nupela gavman bilong Sir Mekere long tekova.

Nau yu yet i ken skelim, "ges paia" bilong yu i wok o nogat. Sapos kendidet bilong yu i win, gut lak. Sapos em i no mekim, traim gen.

Politiks bilong PNG, yu no inap long save inap long las minit na dispela samting i bin kamap ples klia long las wik Trinde.



# Lukautim Mama Graun

Yumi mas lukautim mama graun." em i wanpela stail singsing stret em wanpela man Japan i singim wantaim Patti "Potts" Doi long wanpla kaset bilong tupela em ol i kolim tu olsem 'Lukautim Mama Graun'.

Sapos yu putim yau gut bai yu i painim olgeta samting em dispela singsing i traim long tokim yumi long en.

Yumi i mas lukautim gut tru graun bilong yumi na ol bus em ol abus na pisin i save stap long en. Yumi i mas lukautim graun bilong yumi bikos dispela graun tasol i mekim na yumi i stap tete. Sapos i no gat dispela graun orait bai yumi i nogat kaikai, haus, klos, abus o ol arapela gupela samting.

Kaikai i save kamap long graun. Diwai bilong wokim haus i save groa long graun. Ol samting bilong mekim ol klos i save groa na kamap strong long graun. Ol abus i save raun na painim kaikai antap long graun. Ol gupela samting yumi i save lukim na laikim i save kisim kaikai o strong long graun.

Dispela i minim olsem olgeta laip bilong yumi olgeta manmeri long dispela wol i kisim strong long graun tasol. Olsem na yumi i mas lukautim graun gut tru.

Tasol, sapos yumi laik lukautim gut tru graun bilong yumi, yumi mas lukautim ol arapela samting tu olsem ol bus, diwai, flawa, frut, wel abus, pisin, bataiflai, wara, pis, na

ol kainkain ol liklik samting olsem ol binatang tu. Bikos ol dispela samting i save helpim ol graun bilong yumi long stap gut. Bus, diwai, flawa, wara, na ol arapela kain samting olsem i save helpim long givim gris i go bek long graun na tu mentenim balens long sistem bilong ol. Ol saintist bai i tok 'balance in the ecosystem'.

Dispela em i minim olsem wara i save helpim graun na graun tu i save helpim wara. O diwai i save helpim graun na graun i save helpim ol diwai. O ol wel abus i save helpim graun o bus na graun o bus i save helpim ol wel abus tu. O olgeta samting long graun i save helpim graun na graun i save helpim ol tu.

Taim dispela i kamap, tupela sait i wankain - wanpela i helpim narapela orait narapela i helpim gen wanpela - na sistem i save stap long balens.

Tasol taim yumi larim ol bikpela timba kampani igo insait long bus bilong yumi na katim diwai; o yumi larim ol bikpela fising kampani i go rikim olgeta pis long ol war bilong yumi; o yumi givim wapela hap graun long wanpela bikpela kampani long developim na kamapim ol bisnis long enn; o kampani i kisim graun bilong yumi long digim graun na painim ol minerel; o ol arapela kain wok olsem; orait yumi yet i helpim ol dispela lain long bagarapim graun bilong yumi.

Taim ol i bagarapim graun, ol i spoilim dispela balens i bin stap long en bipo na graun na bus bai i bagarap. Taim graun na bus i bagarap, olgeta samting i senis na i no olsem bipo.

Planti ol diwai, o flauwa, o bataiflai, o pisin, o ol wel-abus o ol arapela samting em yumi bin save lukim na kaikaim bai ino stap moa. Sampela gupela wara tu bai i drai o bai i nogat pis insait long en. Taim dispela i kamap yumi save olsem bus na graun bilong yumi i bagarap na bai i hat tru long bringim bek gen olgeta samting olsem em i bin stap long en bipo.

Taim dispela i kamap, yumi bai i save olsem ol dispela bikpela development ino helpim yumi tumas. Tasol ol i kam na yusim yumi na graun bilong yumi na bagarapim tru olgeta gupela samting na tu ol i bagarapim na senisim laipstail bilong yumi olgeta tu. Ol i senisim dispela we bilong laip em ol tumbuna bilong yumi save long en.

Sapos ol saintist i stori long yumi long wanem kain ol hevi i save kamap taim yumi yet o ol kampani i bagarapim ol bus na wara o graun bilong yumi bai ol i stat tokim yumi long ol liklik hevi we i save kamap i go inap long ol bikpela hevi olsem 'Green House Effect', o Global Warming.' Tasol planti taim ol dispela samting i save hat tru long ol trangu ol lapun

na ol grasrut manmeri bilong ples husat i no go yet long skul long kisim gut tru mining na save long en.

Tasol sapos yumi kisim ol bikman na ol papamama i go long dispela bus bilong ol we bagarap i bin kamap pinis na yumi askim ol long stori long ol samting i bin stap hia pastaim we nau yet i nogat, ating bai dispela i kikim het bilong ol na sutim stret tingting bilong ol. Kain olsem, sapos wanpela NGO grup i kism ol lain papagraun bilong Amele long Madang na bringim ol i go long hap we Jant Kampani i bin katim diwai long en, ol bai painim olsem planti ol gupela flauwa, diwai, okid, pisin, wel-abus na ol arapela samting em ol i save painim long en bipo i no i stap moa. Na tu bai ol i lukim olsem ples we bipo i bin gat ol bik bus na wel-abus; nau i gat kunai gras na nil gras tasol.

Na bihain bai yumi mekim wanem? I nogat wanpela isi rot bilong stretim dispela hevi, sapos yumi larim ol bikpela kampani o yumi yet tu i bagarapim pinis. Yumi i mas tingim olsem planti bilong ol dispela diwai na flauwa na klipela wara na wel-abus ino bin kammamp long dispel hap hariap tru olsem long 6pel; a muhn -igo inap long tupela yia.

Dispelela ol samtin i bin kamap isi isi inap moa long tausenpela yia. Na tu samting i kamap isi isi

long laik bilong em yet. Sapos yumi ting olsem yumi i ken katim olgeta diwai long graun bilong yumi na stretim gen bihain, em bulsi! Taim yumi bagarapim ol samting long graun bilong yumi, em bai hat tru long bringim bek gen olgeta samting i bin stap long dispela hap bipo.

I gat planti gupela we bilong abrusim olgeta dispela hevi, o long helpim yu yet we bai liklik hevi tasol i bungim yu. I gat ol planti ol non-gavman ogenisenesen i stap we i save go pas long helpim ol manmeri long dispela. O yu ken i go lukim Dipatmen Ov Envairomen na Konsevesin o rait long ol long painim aut long ol we bilong helpim graun bilong yu.

Yumi i mas stat nau long lukautim graun bilong yumi. Sapos yumi lukautim graun-gut bai graun tu i lukautim yumi gut. Sapos yumi lukautim gut bai bihain ol tumbuna bilong yumi bai i ken yusim olgeta gupela samting em yumi i yusim nau.

Ol samting bilong yumi long graun, bus, gaden, wara na solwara em i moa gupela long ol samting em ol waitman na autsait developim i traim long bringim. Yumi i mas lusim sampela i stap yet bai ol pikinini bilong yumi na pikinini bilong ol tu na pikinini bilong pikinini ol bai i ken kisim wankain blesing na amamas em ol dispela samting i givim long ol.

## Pipel makim lida long stretim hevi bilong ol

### MASTA WAI i raitim

TAIM bikpela haus palamen i bin op long olgeta 109 nesenelel memba bilong palamen i kam bung, ausait long palamen haus tu i pulap tru long ol manmeri bilong planti kain kain ples. Olgeta i kam tu long lukim memba bilong ol na toktok wantaim ol. Dua na bikpela geit bilong haus palamen i pulap tru long ol planti manmeri bilong ples na long taun tu.

Mi bin bungim sampela lain bilong ples i kam long lukim Gavana bilong ol. Ol i kam wantaim sampela bikpela hevi long sindaun bilong ol long ples. Olsem na ol i sanapim tingting olsem Gavana bilong ol inap painim sampela gupela rot long helpim ol wantaim hevi na wari bilong ol.

Dispela i soim tu olsem, ating long provins bilong ol yet, i save hat tumas long ol ples lain i gat sans long lukim lida bilong ol. Ating long provins yet, opis bilong gavana i save hat tumas long ol asples lain i go mekim apoinmen bikos ating planti lain tumas i save laik lukim Gavana o ol kain lida bilong provins. Olsem na planti apoinmen bilong planti lain i save stap longpela taim moa.

Tasol taim ol asples lain i lusim mani long kisim balus i go long Mosbi long lukim memba o Gavana, ol i save gat gupela sans tu long lukim lida o nogat?. Sapos memba i Minista, ating bai em i nogat inap taim long lukim ol pipel bilong em long ilektoret. Bikos em bai i gat planti wok na ol bung bilong dipatmen na ministri em i lukautim.

Bai em i mas sindaun long planti bung bilong wokim ol plen na polisi na ol ripot bilong kisim i go long palamen o long kabinet miting. Ating wanpela gupela taim tasol long memba o ministri i ken mekim long lukim ol pipel bilong en, em long wiken long haus bilong em stret. Bikos long opis, bai em i nogat taim.

Ating sapos memba i memba nating na i no kisim wanpela wok ministri, em bai i gat sampela taim long lukim ol pipel bilong em. Ating bai em i gat planti taim na em bai singautim ol pipel bilong em i go long opis bilong em long ol i ken sindaun na toktok wantaim. Na ol pipel i ken autim tru planti wari na hevi bilong ol we memba inap painim rot bilong helpim ol.

Sapos ol pipel bilong ples i go lukim memba long haus palamen, na long dispela taim, em bikpela bung bilong palamen i kamap, bai husat memba, ministri o Gavana i mas painim spes o taim insait long dispela taim long lukim ol pipel bilong em.

Sampela taim, ol lida i no laikim bai ol pipel bilong em i lukim em long dispela taim bilong palamen kibung. Olsem na sampela i save askim ol pipel long kam bek lukim em long wanpela o tupela wik bihain.

Long las yia mi bin lukim planti lain bilong ples i bin go lukim memba bilong ol. Tasol dispela i bin kamap long taim bilong palamen kibung stret long dispela wik. Mi bin bungim narapela tupela bikman long ausait dua bilong haus palamen.

Na mi askim tupela. Tupela i tok, sampela lain i go insait pinis long lukim memba na tupela i stap ausait bikos nogat man inap sainim tupela i go insait.

Tasol memba bilong ol ples lain ya em mi bin lukim em i sindaun long floa bilong haus palamen long taim bilong bung. Bihain tasol long bung i pinis, memba ya i bungim mi long rot insait long palamen na tok halo long mi na em i tekov i go long painim kaikai long belo. Taim mi kisim stori long tupela ples man olsem ol i kam long lukim memba, mi tingim tasol sapos memba bai i gat taim long sindaun na toktok wantaim ol long apinun o nogat. Bikos dispela em bisi de tru bilong olgeta memba bilong haus palamen.

Tasol ol pipel tu em bikpela



• Ol turangu lain i nogut haus bilong slip gut na laik kaikai bikos bikpela birua i kamap na bagarapim ol samting.

samting long olgeta memba i mas rispek na givim sampela taim long lukim ol na harim wari bilong ol.

Planti ples lain i save ting gupela taim bilong lukim memba em long taim palamen i bung. Bikos long dispela taim, bai memba i kamap na stap na ol i ken lukim em isi long opis bilong em. Tasol ol i mas klia tu olsem, sampela taim, memba bai i gat planti wok o bung long dispela taim bikos long sampela bikpela toktok we i sut long wokim lo o ol bikpela toktok bilong palamen i mas pasim. Olsem na i gat hap hap sans bilong ol pipel na memba long ol i ken bung wantaim. Taim mipela i makim lida i go long haus palamen, em i no moa lida bilong yumi dispela famili o dispela ilektoret tasol. Em i stap

pinis long bikpela haus bilong nesenelel palamen. Na em bai sanap olsem lida bilong olgeta pipel bilong Papua Niugini. Em bai mekim ol lo na disisen we olgeta manmeri bilong Papua Niugini bai kisim amamas o sevis na developmen long en.

Planti lain i go stap long Mosbi na i laik go bek. Na taim ol i bungim hevi long baim tiket bilong balus, ol i save ron i go long haus palamen long lukim memba long givim ol mani bilong baim balus tiket.


Arapela i save ting olsem ol i mas go lukim memba long givim ol sampela mani bilong statim ol liklik wok projek insait long ples o long taun. Dispela em planti kempen komiti bilong ol memba i save

kamap wantaim.

Tasol dispela samting i gat hevi bilong em. Taim memba i kisim ol toktok long komiti o ol lain famili o lain sapota bilong em long mani bilong wokim bisnis, sampela taim memba i save pundaun long dispela kain traim we em i save givim aut mani. Na bihain, ol lain bilong Odita Jenerel i save sekim rekot bilong mani ol memba i save kisim na askim long risit na pepa bilong ol wok mani i go long en. Na dispela i save kotim memba na memba i save lusim sit bilong em na go kalabus o risain long kamap memba.

Long palamen taim, planti manmeri i save go pulap. Na ol i gat planti kain kain stori na as bilong lukim memba long tokim em.





# Tupela brata tanim kamap ston



LONG bifo taim i go pinis tupela brata i stap. Ol i stap insait long bikipela bus na planti taim tupela i save painim abus insait long bus bilong tupela.

Wanpela taim tupela i painim abus i go na nogat. Tupela brata i save painim abus tumas olsem na tupela tasol mas kilim olgeta pinis.

Ol bin bihainim lek mak i go na lukim blut bilong pik i pun-daun long rot i go antap long maunten na nogat man long en. Tupela i putim pik pinis na bikipela brata tokim liklik brata olsem, yu sanap na spai i stap nogut papa bilong pik i kam kilim mi tupela.

Em i no spai gut na papa bilong pik i lukim liklik brata i sanap i stap na liklik brata i kirap nogut na i laik tokim bikipela brata, tasol tuleit papa bilong pik lukim tupela pinis.

Nau yu save wanem samting, tupela i kamap ston. Nem bilong dispela ston em Sunuvi.

Insait long dispela ston i gat bikipela hul i stap bipo tumbuna bin i save ronim ol birua i go insait long dispela hul na kilim na kaikaim ol.

Nau yet mipela i save lukim bun bilong ol man na askim ol bikipela man long viles na ol i tokim mipela dispela stori. Long sait bilong dispela tupela stori i gat viles i stap ol kolim Sunuviga na tu i gat wanpela man nem bilong em Sunuvifa nau i stap yet.

Taim yu go olsem long Henganofi long EHH, dispela ston i stap antap long bikiples Kefarabe bikipela brata ston sindaun na liklik brata ston sanap. Taim mama i karim pes

bon meri o man em bai i no inap smatpela man o meri.

Dispela ston tu i no ston nat-ing. Naau yet ol tupis i save

kisim rop wantaim na kalapim dispela ston na kisim bun bilong ol man i dai pinis bipo dispela stori i kamap long ol

man na meri pikinini bilong Sunuviga long bikiples Kefakade.

Sanake Hojao

## Mi wari long boipren na papamama bilong mi



**Dia Laiplain,**

Ol papamama na ol hauslain i no laikim boipren bilong mi bikos em i kam long ris famili na mi kam long puo famili.

Mipela i kam long sem eria na mi laik maritim em. Tasol papamama bilong mi i pret long wanem ol i tok ol bai nogat samting long senisim wantaim ol papamama na hauslain bilong man long taim bilong baim brait prais. Mi traim long tokim ol olsem em i orait na ol noken mas wari tumas, tasol ol no harim mi.

Mi askim boipren sapos i gat narapela rot we mipela i ken luk-luk long en na bihainim long daunim dispela hevi na em i askim mi

long go long ples we em i wok long en long narapela provins. Long dispela rot, bai mi abrusim dispela hevi mi bungim wantaim ol papamama bilong mi. Em i salim pinis wanpela balus tiket bilong mi tulong yusim na go long en.

Tasol mi laikim tumas papamama bilong mi na mi no laik givim hevi na wari i go long ol.

**TROUBLED**

**Dia Pren,**

Yu no bungim dispela kain hevi yu yet, nogat. Planti yangpela pipel long tude i bungim wankain hevi olsem. I gat planti samting long tingim taim yu stap long dispela kain sindaun tasol ol bikipela samting yu askim yu yet em: husat tru em yu givim bikipela luksave long en? Boipren o papamama na ol hauslain bilong yu?

Mipela i no inap long rausim wari bilong yu tasol mipela i ken tokim yu wanem samting yu ken wokim long helpim yu glasim na skelim tupela sait bilong hevi yu yet na kamap wantaim wanpela disisen.

Sapos yu givim bikipela luksave long ol papamama na hauslain

bilong yu, orait, bai yu lusim tingting long dispela boipren yu gat nau na painim narapela we ol i wanbel na amamas long en. Dispela man bai i stap long sem level long sait bilong sosel na ikonimik klas. Tru disisen ya bai i wanpela hatpela wan na bai i bnrukim lewa bilong yu tasol i moabeta long wokim dispela nau. bikos sapos yu lusim i go long bihain taim, em bai kamapim moa hevi. Boipren i stap long narapela provins na i gutpela long yu i rait long en na tokim em, salim bek tiket bilong em na tokim em olsem i moabeta long noken salim pas i kam long yu. Long dispela rot, bai em i isi long yu lus tingting long en.

Long wankain taim tu sapos yu pilim olsem laik bilong yu i strongpela moa na em bai lukautim yu gut long bihain taim na yu laik maritim em tru, ating em i gutpela long yu yusim dispela balus tiket em i salim long yu. Na yutupela i ken toktok gut long rilensensip bilong yutupela inap yu klia gut wanem samting yu laik wokim. Na yutupela i ken wokim ol plen gut long marit bilong yutupela.

Mipela i gat bilip olsem yu luksave long pilings bilong papamama bilong yu. Ating ol i painim hat long long luksave long nupela rot bilong ol yangpela bilong tuse we ol i fri long wokim samting long laik bilong ol. Tasol ol i laikim samting we bai gutpela long yu na i no bilong kamapim hevi na sindaun nogut long laip bilong yu. Inap yu painim wanpela pren o hauslain husat i bikipela moa long yu na i gat moa save na i luksave long hevi na wari bilong yu long toktok long papamama bilong yu?

Sapos yu wanpela Kristen, i moabeta long yu pre na tokim Bikman olsem tingting bilong yu i no klia long ol dispela samting. Na askim em long helpim yu na gaidim yu.

Mipela i hop olsem disisen yu wokim bai i no kamapim hevi namel long yu na boipren na famili bilong yu. Em bai no gutpela sapos disisen yu wokim i bagarapim gutpela sindaun namel long yupela. Em bai gutpela moa sapos yupela i kamap wantaim wanpela disisen we bai yupela i wanbel long en.

LAIPLAIN



Nem: Elaisa Noah

Krismas: 20 (man)

Adres: Kapiura Piantion, Bilomi Division One, P.O.Box 451, Kimbe, W.N.B.P

Laikim: Ritim Baibel na bihainim tok bilong God.

Nem: Stephen K Katako

Krismas: 23 (man)

Adres: P.O.Box 1694, Teshie / Nungua Estate, Accra - Ghana

Laikim: Harim musik, ritim buk, lukluk long pilai insait long haus, na sensim ol presen wantaim ol pren.

Nem: Janet S Mathew

Krismas: 16 (meri)

Adres: Tagulo Plantation, Division One, P.O. Kimbe, W.N.B.P

Laikim: Laikim olgeta pilai, go lotu, waswas long wara, na go raun wantaim ol poromeri.

Nem: Michael Johnson

Krismas: 19 (man)

Adres: C/ Angelina Bolton, F/ Planning Division, P.O. Box 29, Agona Swedru

Laikim: Sensim ol mani na ol presen na pilai hoki.

Nem: Prince Kwabena Gyan (kankam)

Krismas: 20 (man)

Adres: Happy home J.S.S, P.O. Box 503, Agona Swedru

Laikim: Sensim mani na ol presen

Nem: Gilbert Nanan Mbroh

Krismas: 18 (man)

Adres: P.O.Box 343, Agona Swedru

Laikim: Sensim presen, mani na poto, raun lukim kankam pies, kism poto/piksa

Nem: Tumu Pakani

Krismas: 23 (man)

Adres: Paspeta C.A.F Sios, P.O.Box 1138, Mt. Hagen

Laikim: harim musik long radio, go lotu, ritim Baibel, raun lukim wantok, pilai Volibal na amamas long bekim pas.

Nem: Susan Luke

Krismas: 20 (meri)

Adres: Amanuh village, P.O.Box 430, Maprik, E.S.P.

Laikim: pilai Volibal, go lotu, harim lotu singsing, laikim prensip, bai mi bekim olgeta pas mi kism.

Nem: Say kila

Krismas: 20 (meri)

Adres: Salu Hill Side, P.O.Box 430, Maprik, ESP

Laikim: harim lotu singsing, ritim Baibel, pilai volibal, go lotu, raun lukim prens, go lukluk ol long pilai na go long yut naif program.

Nem: Janet Kapis

Krismas: 20 (meri)

Adres: Amanuh Village, P.O.Box 430, Maprik, ESP

Laikim: Pilai volibal, go long kemp na konvesen, serim Tok bilong God wantaim arapela.

Nem: Cecilia Nakila

Krismas: 19 (meri)

Adres: P.O.Box 430, Maprik, ESP.

Laikim: Pilai Volibal, go long Yut Kemp na Konvesen, ritim buk, tok pilai, raitim pas long ol wantok na prens.

Nem: Ben Izo

Krismas: 14 (man)

Adres: -Tavtaval Comm/School, P.O.Box 78, Kokopo, Rabaul, ENBP.

Laikim: Long i stap long narapela ples na stap olsem bratasusa wantaim ol arapela.





**Rong Bilong Pasindia Sip**

**JULY 1999**

For Passenger Bookings or Information

Contact Titus or Ita Ph: 472 2066 Fax: 472 5806, P. O. Box 1459, Lae, Morobe Province.

Vessel	Voy No.	Sailing from Lae for:	Day	Date	Time
<b>*Gejamsao &gt;&gt;&gt;&gt;&gt; Offers Daily Passenger &amp; Parcel between Lae and Buki</b>					
<b>*Gejamsao &gt;&gt;&gt;&gt;&gt; Departs Lae @ 0900am and Arrives Buki at 11.30am</b>					
<b>*Gejamsao &gt;&gt;&gt;&gt;&gt; Departs Buki @ 12.30pm and Arrives at Lae at 3.00pm</b>					
Nagada	433 C	Lae to Alotau/Special/fully booked	Fri	02-07-99	12NN
<i>Return voyage, Alot/Doga/Wgela/Vogel/Tufi/Lae. open for Passengers</i>					
*Mamose Exp.616 B		Fin/Lab/Fin/Lae	Fri	02-07-99	5pm
*Mamose Exp.616 D		Oro Bay	Sat	03-07-99	8pm
*Mamose Exp.617 N		Fin/Wasu/Madang/Wewak	Mon	05-07-99	9am
*Rita	478 N	Kimbe/Rabaul/Kimbe/Lae	Mon	05-07-99	3pm
Manebe	516 N	Finsch/Wasu/ (Mag)	Tue	06-07-99	4pm
Nagada	433 D	Tufi/Vogel/WCoast/Dog/Alotau/Lae	Wed	07-07-99	9pm
Umboi	574 N	Lorengau (Lae)	Wed	07-07-99	4pm
*Rita	478 B	Fin/Lab/Fin/Lae	Fri	09-07-99	5pm
*Rita	478 D	Oro Bay/Lae	Sat	10-02-99	8pm
*Rita	479 N	Fin/Wasu/Madang/Wewak	Mon	12-07-99	9am
*Mamose Exp.818 N		Kimbe/Rabaul/Kimbe/Lae	Mon	12-07-99	3pm
Nagada	433 B	Fin/Lab/Lae	Wed	14-07-99	4pm
Manebe	517 N	Lorengau (Lae)	Wed	14-07-99	4pm
Nagada	433 N	Fin/Sio/Wasu/GAL/Bill/Madg	Fri	16-07-99	12nn
*Mamose Exp.616 B		Fin/Lab/Fin/Lae	Fri	16-07-99	5pm
*Mamose Exp.618 D		Oro Bay	Sat	17-07-99	8pm
*Mamose Exp.618 N		Fin/Wasu/Madang/Wewak	Mon	19-07-99	9am
*Rita	480 N	Kimbe/Rabaul/Kimbe/Lae	Mon	19-07-99	3pm
Manebe	518 N	Finsch/Wasu/ (Mag)	Tue	20-07-99	4pm
Umboi	576 N	Lorengau (Lae)	Wed	21-07-99	4pm
*Rita	480 B	Fin/Lab/Fin/Lae	Fri	28-07-99	5pm
*Rita	480 D	Oro Bay/Lae	Sat	24-07-99	8pm
*Rita	481 N	Fin/Wasu/Madang/Wewak	Mon	26-07-99	9am
*Mamose Exp.620 N		Kimbe/Rabaul/Kimbe/Lae	Mon	26-07-99	3pm
Umboi	571 N	Finsch/Wasu/ (Mag)	Tue	27-07-99	4pm
Nagada	435 A	Fin/Lab/Lae	Wed	28-07-99	4pm
Nagada	435 N	Fin/Sio/Wasu/GAL/Bill/Madang	Fri	30-07-99	12nn
*Mamose Exp.620 B		Fin/Lab/Fin/Lae	Fri	30-07-99	5pm
*Mamose Exp.620 D		Oro Bay	Sat	31-07-99	8pm

\*\*\*\*\*

**Ron Bilong Kago Sip**

**JULY 1999**

For Cargo Bookings Information:

Contact Philip or Yadi Ph: 472 2066 Fax: 472 5806, P.O. Box 1459, Lae, Morobe Province.

Vessel	Voy No.	Sailing from Lae for:-	Day	Date	Time
<b>MAIN PORTS:</b>					
Umboi	574 N	Lorengau	Wed	07-07-99	4pm
Wewak	354 N	Madang/Wewak/Vanimo	Fri	09-07-99	10pm
Kuder	224 A	Madang	Tue	13-07-99	6pm
Wewak	254 A	Madang	Tue	06-07-99	6pm
Manebe	517 N	Lorengau (Lae)	Wed	14-07-99	4pm
Kuder	224 N	Madang/Wewak/Vanimo	Fri	16-07-99	10pm
Wewak	355 A	Madang	Tue	20-07-99	6pm
Umboi	575 N	Lorengau (Lae)	Wed	21-07-99	4pm
Wewak	355 N	Madang/Wewak/Vanimo	Fri	25-07-99	10pm
Kuder	225 A	Madang	Tue	27-07-99	6pm
Manebe	519 N	Lorengau (WCoast, Lae) Dang	Wed	28-07-99	4pm
Kuder	225 N	Madang/Wewak/Vanimo	Fri	30-07-99	10pm
<b>Small Ports</b>					
Manebe	516 N	Finch/Wasu/ (Mag)	Tue	06-07-99	4pm
Nagada	433 D	Tufi/Vogel/WCoast/Dogura(Lae)	Wed	07-07-99	9pm
Umboi	575 N	Aitape	Mon	12-07-99	4pm
Nagada	433 B	Fin/Lab/Lae	Wed	14-07-99	4pm
<b><i>Finschatten-Cargo goes on this Voyage</i></b>					
Nagada	433 N	Fin/Sio/Wasu/GAL/Bill/Madang	Fri	16-07-99	12NN
<b><i>Wasu Cargo goes on this Voyage</i></b>					
Manebe	518 N	Pinsch/Wasu/ (Mag)	Tue	20-07-99	4pm
Nagada	434 N	Lab/Fin/Was. Dangerous	Thu	22-07-99	4pm
Umboi	577 N	Finsch/Wasu/ (Mag)	Tue	27-07-99	4pm
Nagada	435 A	Fin/Lab/Lae	Wed	28-07-99	4pm
Nagada	435 N	Fin/Sio/Wasu/GAL/Bill/Madang	Fri	30-07-99	12NN

\*\*\*\*\*

# Enimel i helpim trenspot

LAS wik yumi lukim stori bilong rot bilong lainim kau long helpim yu mekim wok bilong yu i isi. Hia nau em rot bilong stretim bikbel na bai em i helpim yu long mekim wok.

I gat rot i stap bilong abus i ken helpim trenspot. Hos i ken karim kago na ol pipel tu. Kau i ken pulim karis. Bikbel (Bafao) i ken pulim karis. Bikbel (Bafao) i ken pulim tu sles wantaim kago. Em i ken senisim trakta na pulim kris.

Ol manmeri i save wokim rot long stik na savol. Sampela manmeri i save holim graun long han na karim i go. Sampela i save putim long pangal o beg. Tasol dispela wok em i hatwok tumas na olgeta i laikim tumas long trakta buldosa i helpim ol. Ol i bungim hevi gen long wanem peo bilong trakta na buldosa em i bikpela. Tasol ol abus o enimel i ken helpim.

Kau na bikbel i ken helpim yu long brukim graun pastaim. Bihain ol pulim karis i pulap long

graun i go. Na bihain gen ol i pulim raunpela simen bilong krungutim graun i kamap strong.

Ol abus ya i no dia tumas long wanem yu no inap lusim mani long petrol na bensin, long stretim taim samting i rong. Ol i laikim tasol planti gutpela gras na bikbel em man bilong waswas stret.

Bikbel em i wanpela kain bulmakau. Tasol em i patpela na strong bilong em i winim kau.

Olgeta dispela ol abus i gat lo bilong ol. Sapos yu lukautim ol gut bai ol i lukautim yu. Sapos yu pren long ol bai ol i pren long yu. Sapos yu pret long ol bai ol i pret long yu.

## Tok bilong pasim kau long baklain

Yu noken pasim baklain nabaut. I gat tupela rot i stap. Yu ken pasin long nek na nus wantaim o pasim long nek tasol.

Kisim strongpela laplap o let na wokim banis bilong nus na mek.

Bihain pasim baklain long dispela. Dispela rot i gutpela sapos kau i nupela na sapos yu laik pulim em i go long nupela hap graun, na sapos yu laik mekim wok wantaim em long pulim plau o karim kago.

Pasim beklain long nek tasol sapos kau i save pinis long yu.

## Tok bilong pasim bikbel long baklain

Long pasim baklain long bikbel pastaim yu mas sutim nus bilong en na mekim hul. I gat rop long kom bilong en. Pasim tel bilong nupela rop nailon long dispela rop bilong kom. Larim i stap wan wik samting inap sua i drai gut pastaim.

Nau yu ken pasim baklain long dispela rop nation na yangela bikbel i redi nau long kisim skol. I nogat planti bikbel long Papua Niugini. Sapos yu laik traim na lukautim bikbel askim ol wokman long opis bilong didiman klostu long yu.

**Liklik Buk Infomesen Senta**



• Ol liklik kanu olsem em trenspot bilong ol manmeri bilong solwara o nambis.

# 9-pela sumatin pinis long lokol level gavman stadi

## MATHIAS MALE i raitim

NAINPELA sumatin i pinisim stadi ol i kolim LLG o Lokol Level Gavman woksop trening.

Dispela LLG woksop we wanpela praivet kolis em Komesel Trening Kolis i kamapim long Mosbi na Lae.

Menesing Dairekta Prinsepol Dairekta bilong Komesel Trening Kolis (CTC) Geoff Glaoway i tok, ogenaimesen bilong em i kamapim dispela LLG woksop bikos planti long ol publik sevis

na ol wokmanmeri long gavman opis ol i no klia tumas long dispela nupela rifom bilong gavman we ol i senisim i go long Lokol Level Gavman.

Mista Gloway i tok ol planti long ol wokmanmeri ol i save long nem LLG tasol ol i no klia tumas long wanem kain wok na we bilong LLG.

"Long dispela astingting tasol kolis bilong em i ogenaimesen long kamapim dispela LLG woksop.

Mista Gloway i tok tu olsem dispela LLG stadi em ol sumatin long Lae i save kisim olsem

nomol klas tasol nau em ogenaimesen bilong ol manmeri husat i wok pinis tasol ol i no save gut long dispela nupela rifom bilong LLG.

"Long dispela astingting tasol em i ogenaimesen LLG woksop long Mosbi na Lae," Mista Gloway i tok.

Long Mosbi 9-pela tasol i stap insait long dispela LLG woksop na insait long dispela ol sumatin em wanpela meri tasol i kisim dispela stadi em Misis Rose Gagani Lihir LLG Kaunsil.



# KANAGE



Lapun Kanage em bilong Sepik na em i save wok olsem haus boi long haus bilong wanpela waitman long Lae. Em i save wokhat tru na, wanpela taim waitman ya i laik amamasim em na em kism Kanage i go long lans wantaim em, tupela i go kamap long Eriku kai ba na go insait. Long kaunta, waitman kirap na askim Kanage: "Do you want hotdog?" Kanage harim na em ting olsem waitman ya tokim em long kaikai dok olsem na em bekim "bos o" Hot Dok is good meat for pukpuk tasol. Waitman ya tingting go nogat na askim Kanage gen. "What about hamburger?" Kanage harim na em ting waitman ya tok hambak man long em. Olsem na em kirap bikmaus na tokim waitman ya. "You know mi no hambak man, sapos you go to Sepik na pukpuk lukim yu waitskin. em bai kaikaim yu olsem dok. Man taim olgeta manmeri harim Kanage na ol i dai stret long lap.



na taim tupela pul i go, Kanage lukim net i mekim nois na em laik lukim wanem kain pis i stap insait long net, sem taim Junia Kanage tu laik lukim pis. Na tupela wantaim i saitim long wanpela sait, na saman i kirap na kanu kapsait, taim tupela stap insait long si laplap bilong Kanage i lus na karamapim pes bilong em na wansait lek i pas long net, wansait han i holim long saman, na em laik traim long rausim net, na insait long net wanpela mama dolfin i pas na stap, na bebi dolfin tu i wok long painim mama kam na lukim tupela kiau bilong Kanage tu i swim i stap, bebi dolfin ting susu bilong mama na putim maus na pulim tupela kiau bilong Kanage. Kanage pilim olsem kiau i pen na-em ting sak i katim tupela kiau bilong em na em singaut nogut tru na tok, sak i kaikai lek bilong mi, tasol samting tru em bebi dolfin ya pulim baga ya.

**Nick Saun Wewak**  
 Kanage i bilong Menyamya long Morobe provins. Em lusim ples na kam stap wantaim ol wantok long 5 Mail long Lae siti. Olgeta taim em i save kirap long bikmoning, waswas na dresap gut tru na bai go sanap long 5 Mail Rot Haus Sevis Stesen. Em save wokim olsem olgeta moning na ol manmeri lukim na save ting em wanpela wokman bilong Sevis Stesen. Tasol nogat, em wanpela konman bilong tromoi huk nabaut long ol meri. Narapela moning gen em go sanap long Sevis Stesen na i no long taim wanpela kum katim sap resa bilong Hagen i wokabaut i kam na i laik go lukim ol bikbos bilong 6 Mail fakori bilong NGTBA na askim long wok. Meri ya i mas wokabaut long go 6 Mail na em i wari, nogut em i go kamap na opis i no op yet long lukim bos. Olsem na em saitim i go klostu long Kanage na askim olsem, "Bara wanem taim bilong yu nau ya?" Kanage ya aste yet waia i lus na spet pundaun na nek i drai wantaim na sekim hanwas bilong en na tromoi bekim i

go bek long meri ya olsem. "Blari kus pundaun, gridi na selpis longpela ya, em slip antap long 2-pela sot han na het bilong en i abrus na hangamap long mak bilong zero-wan-dabol zero. Meri harim na save, em rong ansa long askim bilong en olsem na em painim tingting long bekim maus bilong Kanage na tok olsem. "Bara, em yu yet nau ya!" "Go bek long haus na slip na lukim long driman!" Kanage sem pipia stret na lus nating long 5 Mail.

**Nchiz Naron Lae**  
 Kanage em wok long (DPI) o dipatmen olsem wanpela didiman opisa. Wanpela taim, Kanage i go long Boroko Hotel long apim 6 pek. Em dring i stap na olpela dring pren bilong em i kam na tupela holim wanwan na stori i stap. Tupela dring i go na ai raun liklik, na pren bilong Kanage i askim em. "Hey bro, mi i no save yu wok long wanem depatmen nau?" Na Kanage i tok, "mi wok long DASF!" Tasol bro bilong Kanage i no klia long mining bilong, (DASF) olsem na em askim Kanage gen. "Hey bro, mi i no klia long DASF i min wanem." Em nau Kanage i tok, my tura, DASF, i min olsem. D-em makim dipatmen, A-em makim ples bilong white man Australia, na F-em i hat liklik tasol bai mi traim long tingim, i hat tasol bai mi traim." "Oh yes, mi save nau," em F i min olsem Fek Fek filong yu."

**Billy Wia Vanimo**  
 Junia Kanage save go long skul olgeta moning tasol olgeta taim em save tanim long rot na bringim liklik blek pela pusi bilong em go bek long haus pastaim, bikos olgeta taim pusi bilong em save laik bihainim em go long skul. Wanpela moning em kamap, klostu pinis long skul na em lukim olsem pusi bilong em wok long bihainim em yet, tasol sapos em kism pusi go bek long haus em bai leit long skul. Olsem na em

haitim pusi na karim i go haitim insait long desk bilong em. Rises na taim ol skul mangi laik kam ausait pilai nabaut, ol wokim planti nois na pusi em pret na em kalap ronawe, tisa meri bilong junia tu em pasim laplap na sanap long dua we stret i stap na pusi i ron i kam i go namel long lek bilong tisa meri. Junia kros wantaim tisa na tisa sem nogut tru.

**KPC Idiot Madang**  
 Kanage em i wanpela manki long ples long hap bilong Is Sepik provins. Na em i wokim gred 6 long komuniti skul, na tu Kanage i wanpela boi long toktok na kros o paitim ol arapela sumatin long klas. Long wanpela de bilong skul, long moning taim tisa i bungim olgeta sumatin long lain na tokim ol olsem, olgeta sumatin i mas bringim wanwan nil long skul tumora moning long wokim klasrum. Orait na tisa i askim ol gen, yupela harim pinis a"? Na olgeta i yesa bihain tisa i askim Kanage yu harim wanem samting? Na em i tok bringim sap nil tumora. Okey, taim tisa i tok long sapnil em i min long diwai long wokim haus. Na tu kanage i no ting long askim tisa long wanem samting tisa i tok. Kanage i ting tisa i tok long 6 ins nil bai sapim na bringim long skul, bilong wok klasrum. Orait taim skul i pinis Kanage i no moa weit em i putim siksti stret i go long ples, na ol arapela wan skul bilong Kanage ol i katim wan diwai bilong redim long bringim long skul tumora, tasol Kanage nogat, taim em i Kamap long haus, em i no kaikai nogat, em i mas painim 6 ins nil na pail long sapim nil, long 6 kilok stret baga ya i kism pail bilong en na 6 ins nil man em i no pilai em i mekim save long sapim dispela nil i go inap 7 kilok long nait em i pinis, na nil ya em i sapim man, man em i sap sap nogut, nogut tru. Orait neks moning em i kism dispela 6 ins nil em putim long poket trausis bilong en na go long skul taim em i wokabaut i go, long rot em i bungim sampela sumatin

i karim wanwan diwai i go, na ol i askim Kanage, we i stap sap nil bilong yu? Na em i tok i stap long poket, na em i askim ol na bilong yupela we? Na ol i tok yumi karim i go nau taim olgeta sumatin i kamap long skul wantaim wanwan sapnil o diwai ol i sanapim klostu long klasrum o long skul, bihain long 2 kilok apinun em taim bilong wok, na tisa i paitim belo na olgeta sumatin i bung long lain na tisa i askim long kism sap nil bilong yupela kam. Kanage nogat em i sindaun i stap lukluk long ol. na tisa i askim "Kanage we i stap sap nil bilong yu? Na Kanage tok i stap long poket, em i kism na soim long tisa, na tok hia tisa sap nil bilong mi, aste long apinun mi sapim, em i sap nogut tru ya - man taim tisa ya lukim Kanage wantaim nil bilong en i sapim, tisa ya i plet daun olgeta na em i no ting long krosim Kanage, taim em i lap olgeta sumatin tu i lap.

**Mi Kanage PS Kantri**  
 Kanage em man Simbu na i go lukluk raun long Hagen So. Tudak nau na em i tingting long go bek long Kundiawa na em i kukim long haiwe stret. Em i tingting long bihainim rot tasol ol haiwe mek i pulim longpela treila bilong ol i go i kam na distepim Kanage stret. Em nau Kanage i belhat stret na tingting long haitim ol dispela mek. Em i painim bek na bilum bilong haitim ol mek trak ya tasol i nogat bek na bilum. Em i tingim wanpela aidia pinis na i kukim long rot stret i go. Kanage i werim six poket trausis tu ya na ol mek i kam em i kism na pulumapim long poket tasol. Ol turangu mek ya i laik i go ausait na kalap kalap na karai insait long poket i mekim Kanage i wik olgeta. Kanage i kam klostu long Kundiawa na i harim ol Hagen i krai long kaikai rais na tin pis. Em nau Kanage i rausim ol mek long poket na larim ol i ron i go i kam long rot.

**Belty Wamsco Pot Mosbi**

Kanage i bin wok long PTC olsem draiva. Wanpela taim bos bilong em i tokim em long go kism wanpela bikbos i kam long Australia. Dispela bos nem bilong em 20man. Bos bilong em i gimiv ki bilong wanpela liklik Hilux taim em kism dispela ki em i tingting planti na tok, dispela Hilux i no inap long 20-pela man olsem na em i hait long bos na go kism ki bilong nupela kosta bas (30 sita) em i go kamap stret long Nadzab na pikim bos, bos i kamap pinis na tupela i weit yet stap olsem wanpela aua. Nau bos i askim em, yumi wetim husat moa. Na Kanage i tok. Yumi wetim 19-pela man moa long kam. Sem taim ol i winim em long PTC. Na Kanage i tokim ol olsem 20 i kam pinis tasol 19-pela i no yet. Na man ya ringim em i lap na tokim Kanage olsem. Nem bilong man ya em 20men

**Tico la Spin Lae**

Kanage bilong Buang na em save stap long 2 Mail long Lae. Wanpela apinun Kanage kukim kaikai, na sevim long tupela plet na wanpela em gimiv long Junia, na narapela em gimiv long Misis bilong em, na em yet em mekim save long as bilong sospen stret. Ol kaikai pinis stret na tambu meri bilong Kanage kam. Nau tambu meri singaut . . . tambu yu stap a? Mi angere na kam ya . . . Kanage kirap nogut na bekim . . . ayo . o . o . tambu soreee. Yu kam reit ya . . . rikrik rais na tinpis mi kukim ya. Em mi sutim Junia pinis na hap em mi sutim mama brong en pinis na rong . . . as bro pot em mi sutim mi yet pinis . . . sapos yu kam hariap a . . . em nongs bisi bai mi sutim yu tu.

**Decozii Kaizam Lae**

Kanage em bilong Wes Kos long Boiken, Wewak. Wanpela taim Kanage wantaim Junia tupela go sekim net long solwara,

**Billy Boi Kimbe**



# KANAGE



long gaden na kisim sampela banana mau i kam. Em putim arere long redo na lukluk i stap na ol i no kam kaikai. Em belhat nau na bikmaus long redio: "Olsem wanem! Yupela laikim wanem kain kaikai stret!" Em kilim pik na mekim mumu. Em putim pik arere long redio tasol ol manmeri i no kaikai pik. Em kisim tamiok tasol na tok: "A! Ating yupela laikim dispela ya!" Em bikmaus olsem na katim redio i go liklik. Taim pikinini kam bek, em tok wanem kain ol nambis pren bilong yu kisim ol i go bek long nambis na givim ol pis o dolfin."

### Philip Hill Kimbe

Kanage bilong Wabag i save i stap long Kindeng Blok klostu long Hagen siti. Kanage em wanpela strong baga na em i no save pret long man na long tewel bilong dai man tu. Em wanpela raskol man tu na ol man long blok na long ples save surik long em tu. Long Hagen stori raun olsem sampela man raun na kaikai ol dai mar nupela ol planim long matmat. Bilong painimaut husat tru raun na kaikai ol man mas was long matmat taim ol planim dai man long matmat. Olsem long blok wanpela gutpela yangpela man i dai na ol lain famili bilong man i dai na ol lain long blok i no laikim ol man bilong kaikai man i noken kaikai bodi bilong em. Ol i pasim tok long sampela ol strongpela yangpela man wantaim Kanage i was long mat mat bilong em, nogut ol i kaikai em. Orait ol makim 9-pela man na Kanage mekim 10-pela olgeta. Ol i pasim tok long was long narit na san ol i planim bodi long mat mat. Kanage pasim tok wantaim ol 9-pela man na tok yumi bai katim stik na ston bilong patim husat i kam na brukim bun na kisim em laik na luksave long em. Yumi i noken karim gen i go, nogut yumi kilim ol man bilong kaikai man. Sais kros pinis na ol i go was long matmat i stap. Taim i go 7 na 8 na go 9 na i nogat sain bilong

man i kam. Ol i stap na Kanage pekpek kilim em na em i go long bus klostu long mat mat long pekpek. Em pek pek i stap na lukim wanpela pik i kam stret long em na dok i bihanim pik. Kanage lusim trausis bilong em na ron as nating i go long matmat we ol man i stap long en. Ol man i lukim as nating man na ol tu kirap ron nabaut i go. Ol man i ting tewel bilong dai man i kam na ol i pret na i go nabaut. Kanage tu pret na bihanim ol na i go kamap long haus kra i ol man tasol i stap long en. Ol man askim ol, olsem wanem, yupela lukim ol i no kilim ol? Nogat wanpela as nating man ron i kam na mipeia ronawe nabaut na i kam. Na Kanage i tok, nogat ol i lukim mi na ronawe na mi lukim wanpela pik na wanpela dok na ronawe long ol. Ol man i askim, Kanage yu i stap we na ol i stap we? Mi go pekpek long bus na lukim pik na dok i kam stret long ples mi stap long en na mi lusim trausis bilong mi na ronawe i kam long ol man i stap long en. Na ol i tingting mi tewel bilong dai man na ol i ronawe long mi na mipela olgeta ronawe i kam long haus. Ol man i tok maski yumi lus tingting, yupela feil pinis long wok bilong yupela. Kanage yu tu na mipela i no bilip long yu, we i stap strong bilong yu. Kanage sem pipia tru long wanem em i kam as nating na tu em i no sanap strong holim wanpela samting.

### Misis Joy Peandui Mt Hagen

Kanage i bilong wanpela ples long Hailans, em i go wok long wanpela plantesen long Rabaul. Na masta i makim em long wok long haus bilong em. Orait wanpela taim Misis bilong waitman i bekim bret na putim long aven na kisim kilok na setim taim na tokim Kanage long was sapos belo i karai orait em bai rausim bret long aven. Na em bai go lukim masta bilong em. Orait Misis i lusim haus na go. Kanage i sindaun na planti tingting i kisim em nau bai dispela kilok i sindaun long teboi bai lukim bret insait long aven orait bai kirap kisim kilok na putim em insait long aven na tokim em yu sindaun klostu long bret na lukluk gut long em

sapos em kuk orait yu paitim belo na bai mi rausim bret yu harim? Tasol nogat kilok i go insait long aven na pasim maus na olgeta samting i kuk insait. Taim Misis i kam bek em singautim yu rausim bret pinis? No Misis wai yu idiot. Kanage i bekim kilok i no paitim belo Misis i ron i go insait na lukim kilok i no stap orait na opim aven na lukim kilok i stap insait na em kros nogut tru long Kanage tasol bihain em kaikai tit stret na kilim skin stret long lap.

### Willie Moui Wewak

Kanage em save skul long St Joseph Primari Skul na em wokim gret 7. Na wanpela taim tisa i kam insait na em laik lainim ol bois na gels long hau long samapim pilo kes, na Kanage i no save long hau long samapim pilo kes na em laik go antap na askim tisa long lainim em. Taim em go antap wanpela swit enjel biiong ap strim i kam antap na Kanage i kisim tingting long wokim pasin pekato. Hariap tru em putim han bilong em long veli bilong enjel ya. Hariap tru enjel ya lukim na em askim Kanage na em i kirap na tokim enjel olsem pes bon pikinini bilong balsabul em laik lukim ston ya.

### Edison Tiawan Ambunti

Kanage em hapkas Sepik na Tolai, na wanpela taim Misis bilong Kanage i tokim em bai tupela go soping. Tupela kisim bas long Rabaul na go daun long Kokopo maket, na Misis bilong Kanage i tokim em, mipela go baim sampela kolos. Tupela go insait long stua na Kanage i laik bajim pens bilong em. Kanage panim selp bilong pens i go na lukim selp bilong pens bilong ol liklik manki. Kanage kirap na kisim wanpela na tokim meri bilong em. Hei meri can yu bai this pens for two of us. Man meri kirap na tok, inap long yu o wanpela bebi. Kanage i opim na lukim liklik tru. Meri kirap na tok, lukim yu yet pastaim, putim what gras pinis na yu no save long 1-size. Man Kanage i sem pipia na isi tasol lus long meri bilong em

insait long stua na tekov i go long Wewak. Man ol wokboi i no isi long lap, ol i dai, dai kirap ya.

### Raphael Miamba Rabaul

Kanage bilong wanpela ples long doti wara long Ambunti. Long apinun taim Kanage lukim olsem nogat kaikai long haus kuk. Olsem na em tekov i go long stua na baim wanpela 500 grem Tru Kai rais. Kanage sikti go bek long haus na givim mama kuk hariap. Orait Kanage yet i sevim dispela rais bilong pikinini meri, mama na em yet. Taim ol stat long kaikai i stap wanpela poroman bilong Kanage i raun i kam lukim ol. Na Kanage i kirap nogut long lukim. Poroman na em tokim em. Yu no laik kam hariap inap mi sutim yu pas, bihain mi sutim pikinini meri na sutim bilong mama. Na mi yet, bai mi sutim long pot. Poro bilong Kanage harim olsem na em pret nogut tru, olsem nogut em kilim em. Na em tokim em gutpela mi no kam hariap nogat yu kilim mi pes. Kanage harim olsem na em lap nogut tru na na pinisim olgeta pipia rais long pot.

### Robin Juwan Ambunti

Kanage i kisim wanpela pasindia sip long Wewak na em i laik go long Madang. Sip i lusim Wewak long 6 kilok apinun. Bikpela win ken tru i pundaun na ol pasindia i kol na ol i sindaun paspas. Insait tu long dispela hapwe ol pasindia i save sindaun i nogat lait na asples i tudak. Kanage i pasim laplap. Wanpela man i kisim krangi tingting pinis na em putim han isi isi i go na tasim laplap bilong Kanage. Taim man ya holim laplap bilong Kanage em i ting olsem em wanpela meri. Man ya i putim han bihanim tek bilong Kanage isi isi i go long samting ya. Kanage i kisim bikpela taim stret. Yu save samting i stap long blut pinis orait em tu kirap putim han i go tasim lek bilong man ya na bihanim isi isi i go. Taim nan bilong Kanage i go na holim wankain samting, bikpela pait i bruk insait long sip.

### Dennis Mungu Angoram



AIYOO, LEWA.. BAIM DISPELA PANS BILONG YUMI TUPELA, PLUS!

YU OKEI O WANEM? YU SEKIM SAIS BILONG YU PASTAIM NA YU GO NA KISIM OL PANS BILONG OL LIKLIK BEBI!

RABUL VOLCAN TAIMIN

FOR Kids

FOR Kids

Sepik PARAP

JADA 99!

Wok Apinunai Mt Hagen

Kanage i bilong long Lae di... go... long... kisim... em... baim... wanpela... redio... na... kisim... i... go. Taim em kamap long haus... papamama... go wok gaden. Em... putim ol redio, na go tok narit long ol famili memba long narapela... i... aus. Taim go... papa na... masta... pinis long gaden na kam, tupela harim planti manmeri i toktok insait long haus. Lapun papa ting pikinini kisim sampela nambis manmeri i kam wantaim em. Kwik taim em tokim lapun mama na tupela sapim sampela kaukau na kukim long sospen. Bihain em kisim i go putim arere long redio, na wetim ol manmeri i toktok insait long redio long kam ausait na kaikai. Em lukluk i stap, ol i no kam ausait na kaikai. Orait em tag ol nambis save laikim suria. Em putim sampela suga arere long redio, ol manmeri i no kam ausait long redio na kaikai. Ol mekim save long toktok na singsing i stap. Em ting ating ol mas... kam... banga... mau. Em... na... go...



## Gavman i mas sapatim wok bilong plis fos

Mi wanpela sios lida bilong Mumeng distrik na mi laik sapatim pas bilong Inspekta, Simon Yipam husat pas bilong em i kamap long Wantok niuspepa 7 Jun 1999. Olsem gavman i putim mani long wok bilong Lo na Oda na ol plis i mas wok hat tru long ol siti na taun bilong mipela

Long ol komyuniti na long ples bilong mipela, ol yangpela manmeri i save groim ol spak brus na salim long ol narapela na i save bagarapaim laip bilong ol manmeri

long ples na ol taun bilong yumi. Olsem na dispela i save bringim ol hevi long mipela ol sios lida bilong ples na taun.

Sampela lida bilong sios long siti na taun i wok long helpim ol plis long stapim dispela kain pasin taun tasol long ples ol i wok long groim yet. Olsem mi askim Gavman long putim sampela mani i kam insait long sios distrik opis wanwan na ol wok manmeri bilong sios i ken wok wantaim ol psto na Evanjelis long wanwan ples na komyuniti na traime long stapim ol

dispela kain lain long i save growimspak brus na narapela ol hevi? Ol pasto na Evanjelis i stap na wok wantaim ol pipel na ol bai mekim bikpela wok helpim long bus ples na bai i stapim tu dispela kain hevi long taun na siti bilong yumi.

Em tasol na yu husat i laik sapatim o egensim em yu ken rait i go long Wantok niuspepa na bai mi lukim.

Yalamu Dange  
Bulolo

## Madang Gavman i no tingim ol bus ples

Mi wanpela manki Midel Ramu na mi laik autim liklik bel hevi bilong mi na luksave bilong mi long Wantok niuspepa na olgeta manmeri i ken lukim.

Mi manki long ples na olgeta taim mi wok ritim Wantok niuspepa, i no long ritim nating nogat. Mi laik tru long ritim na harim ol gutpela wok o nius bilong provins na kantri bilong yumi.

Long narapela provins, ol i wok long kisim ol gutpela sevis long gavman. Gavman na memba bilong ol i wok long givim sevis i go long taun na long bus ples wantaim.

Taim mi lukim ol dispela samting, wanpela kwesten save kamap long mi olgeta taim na nau mi laik autim long Wantok niuspepa. Olsem wanem na Madang gavman na memba i no lukluk long Madang provins na long sait bilong ol bus ples olsem mipela long Midel Ramu, Simbai na ol narapela ol distrik? Mipela long Simbai o Midal Ramu pipel i stap tudak long bipo yet i kam inap nau na mipela i no lukim wanpela ol kisim wanpela sevis. Klostu yia 2000 na mipela i no save bai wanem samting i kamap long Midel Ramu na Simbai eria. Wanem taim bai memba na gavman i tingim mipela na bai mipela tu i ken kisim sevis bilong gavman bilong mipela.

Em tasol na yu husat i laik sapatim o egensim, yu ken rait long Wantok niuspepa na bai mi lukim.

Daniel Unagem  
Middle Ramu

## Wewak taun Komisin i no mekim wok

Mi wanpela manki long ples Ularina klostu long Wewak taun. Luksave bilong mi i go olsem; planti taim mi lukluk i go na mi lukim olsem Wewak Taun Komisin i mas lukluk long kamapim sevis long taun lain. Na tu long mekim taun bilong yumi i ken luk nais long ol turis na ol arapela lain i kam raun long taun bilong mipela.

Yupela save mekim wanem samting long mani yupela save kisim bilong lukautim taun? Ating yupela save yusim dispela mani long baim kaikai na bia bilong yupela yet.

Traime na mekim gutpela wok kamap long senisim lukluk bilong taun bilong mipela long Wewak.

Planti taim ol taun komisin i save raun na kolektim ol mani bilong pipia, toilet na arapela takis na ol dispela man i stap we?

Wewak taun maket i stap 10pela yia na i nogat gutpela haus long putim ol kaikai, kumu, pis na ol arapela frut na samting bilong maket.

Taun komisin igat planti kuskus i save mekim wankain wok tasol na kisim nating

mani. Nogat wok o sevis i kamap bikos planti ol kontrak wok bilong klinim pipia o rausim ol baket pekpek, em ol i no bihainim tenda lo. Luk olsem i gat paul long opis bilong Wewak taun komisin.

Bilong wanem na Lot Meya Anton Wamueh i bamim ka bilong Komisin? Dispela em long drink pasin bilong em na raunraun bihain long opisal haua bilong wok. We em i no sapos long yusim ol, propeti bilong komisin o kampani long dispela taim.

Mi laik askim olgeta manmeri long Wewak taun long mekim wanpela protes mas na soim Taun Komisin long dispela bel hevi bilong mipela na askim ol long kamapim ol sevis long mekim taun bilong kamap gutpela ples long stap na pulim ol narapela lain olsem ol turis, na visita.

Yu husat laik sapatim o egensim, em yu ken rait i go long Wantok niuspepa na bai mi lukim.

John Kriosaki  
Wewak

## PNG manmeri i kamap olsem ol Saina long Lae

Mi wanpela manki Morobe, tasol nau mi i stap long Bialla. Mi gat wanpela komplek na mi laik autim long Wantok niuspepa.

Long Lae, mi save lukim wanpela pasin long maket na narapela ol kona ples na mi no amamas long en. Ol man save kisim ol siot, Truasis, tongs na su na sanap long taun maket na singaut i stap long salim ol. Ino long maket tasol nogat ating long olgeta kona bilong siti. Taim mi

lukim dispela, mi no amamas long lukim dispela kain pasin long Lae siti.

Mi askim ol memba na gavman bilong mipela long Lae long lukluk na traime long stapim dispela kain pasin. Yu husat i laik sapatim o egensim, yu ken rait i go long Wantok niuspepa na bai mi ken lukim.

Kundip Hingi  
Bialla

## Klinim Is Sepik pastaim

Plis givim mi liklik spes long pepa bilong yupela na bai mi autim liklik wari bilong mi i go long jeneral pablik long ol memba bilong mipela Is Sepik.

Wari bilong mi i go olsem, long stat bilong PNG i kisim Independens long 1975 i kam inap nau na em i olsem 25 yia olgeta i go pinis.

Na mi lukim het kwota bilong mipela long Wewak i no senis liklik. Mipela ol Sepik i save gut tru tasol long pilai politikis na mipela Sepik i mas sem long toktok egensim narapela politisen o memba long narapela provins. Bikos mipela yet i no klinim bek yad bilong mipela, ol kain samting olsem biktaun bilong mipela long Wewak i no senis, ol distrik het kwota olsem Angoram, Maprik, na Yangoru em bus i karamapim ol.

Olsem na mobeta yumi ol Sepik i no ken pilai politik tumas long narapela memba long narapela provins. Nogut ol

nesenol memba bilong narapela provins bai ol i tok baksait long mipela na bai ol i tok olsem, yupela kisim gavman na bai yupela mekim wanem?

Nogut yu toktok long kisim pablik mani tasol na pulapim long poket bilong yupela memba yet na i no mekim wok kamap long provins na distrik bilong yupela.

Na wantaim dispela ol komens, mi askim olgeta memba bilong mipela long Sepik long traime na tingim aspies bilong yumi yet na mekim samting.

Sapos yu husat bilong Sepik i lukim na laik sapatim long sampela gutpela tingting lopng kirapim tingting bilong memba yumi em mi bai amamas.

Na sapos yu laik egensim em yu ken rait i go long Wantok niuspepa na bai mi ken lukim.

John Wanpis  
Lae

Sapos yu laik salim  
ol pas bilong  
yu i kam long  
dispela niuspepa,  
Salim i kam long  
dispela adres:  
THE EDITOR  
WANTOK  
NEWSPAPER  
PO BOX 1982,  
BOROKO, NCD.

## Noken stapim lem fleps long Enga

Mi laik autim wari bilong mi na ating dispela em tingting bilong sampela lain husat i save laik long kaikai lem fleps o sipsip mit.

Mi i no amamas long tingting bilong gavana bilong Enga, Mista Peter Ipatas long pasim lo long stapim lem fleps o sipsip mit long kam insait long PNG o long Enga provins. Na Gavana bilong Westen Hailen tu i tok lem fleps em kaikai nogut.

Dispela tupela memba na gavana i no tingting long ol grasrut long ples. Em ol nogat planti mani long gutpela mit prais bilong ol i antap tumas. Mipela i nogat mani long baim kaikai long givim protin

long bodi bilong mipela. Na tu miplea ino inap kilim pik olgeta de na kaikai. Yutupela i mas tingting pastaim namekim ol kain toktok olsem. Lem fleps em i gutpela abus na prais bilong em i daunbilo we mipela ol grasrut i inap long baim.

Lem fleps em i no bringim sik Taipoid i kam. Sik Taipoid i save kamap long kankain rot na i no long lem fleps. Jem bilong Taipoid em i wanpela liklik binatang tru na ol i save kolim long virus (Virus) na em save kam long win, wara, doti han, ol flais na arapela kankain kaikai nogut.


Olsem na mi laik askim ol narapela memba long noken tru sapatim tingting

bilong tupela Gavana bilong Enga na Westen Hailens long stapim lem fleps long kam long kantri na long Enga provins.

Lem fleps em i gutpela abus kaikai bilong olgeta grasrut manmeri na pikinini bilong PNG husat i nogat planti mani long baim ol arapela mit prais bilong ol i antap tumas long mipela long baim.

Yu husat i laik sapatim o egensim, em yu ken rait tasol long i go long Wantok niuspepa.

Kop Yaku  
Wapenamanda



PNG HIT

Parade  
1999

SPONSOR -  
TRADEWINDS

WB	LW	TW	SONG	ARTIST
1	1	1(5)	Acting Papua	K-Dumen
2	2	2(4)	Luksave Pinis	Lista
7	7	3	Daddy	Escort Band
4	3	4	Longwei Long Mama	Itambu
15	9	5	Heartbreak	Tricm
4	3	6	Kandre Meri Waswas	Gembog Band
12	8	7	Longpela Rot	Lista
17	11	8	Souths Medley	K-Dumen
5	5	9	Martha	Yangiliis
6	6	10	16 x 4	Connections Band
0	18	11	Numbre	Gembog Band
0	19	12	Simati	Noel Asi
10	10	13	Size 28 Raggae	Midstreet
14	14	14(4)	Suspect	Connections Band
8	15	15	Brendy	Bluemates
0	0	16	Sore Tasol Long Mi	Junior Kopex
13	16	17	Blu Ais Blong Sentani	Kamezz Band
0	0	18	Long Taim Bifo	Itambu
16	17	19	Wanfela Girl	Demas Saul
19	20	20	Oh Tingting	Demas Saul

IN: Sore Tasol Long Mi  
Long Taim Bifo

Junior Kopex  
Itambu

OUT: Aunty Jane  
Wok Masin

Honai Rhythm  
Kanai Pineri

PNG FM PTY. LTD.  
Trading as  
NAU FM  
and  
YUMI FM

P.O. Box 774,  
Port Moresby  
Papua New Guinea  
Ph: (675) 320 1996  
Fax: (675) 320 1995



WANTOK

Askim long klasifaid ads: Miri Aiori Ext. 214, John Iagata Ext. 218

KLASIFAID

# PABLIK NOTIS

Dispela toksave i go aut long olgeta manmeri, olsem Nesenel Eksekutiv Kaunsil (gavman) i tok orait long kamapim wanpela Nesenel Sensas (kaunim pipel) long yia 2000 na bai kamap olsem wanpela bikpela samting tru bilong kantri.

Long redim dispela samting, ol wok manmeri bilong Nesenel Stetistikol Opis bai ronim woksop long olgeta provins long trenim ol opisa bilong Lokel Levul Gavman. Ol opisa bilong LLG bai gen go na trenim ol viles rekota long kisim ol infomesin na redi long 2000 sensas.

Dispela opresin bai kamap long taun na long ol ples long bus.

Ol bai yusim ol dispela samting long kisim ol infomesin;

- i. Sensas Yunit Rejista Apdet Fom na Mep Apdet.
- ii. Rurel Haushol Het Listin Fom
- iii. Urban Listin Fom
- iv. Sosel na Ekonomik Kondisin Stadi Fom
- v. Haushol Rekot Kad.

Taim ol i pinisim nambawan raun bilong trenim ol provinsal opisa, namba tu hap bilong trening bai stat we ol LLG opisa bai trenim ol lain ol bai wok wantaim ol. Taim namba tu hap bilong trening i pinis, opresin bilong stretim nem bilong ol pipel long ol rurel eria bai stat.

## Urban o taun listin:

Opresin long ol bikpela senta long kantri wantaim Urban Listin bai stat bihain long namba wan hap bilong trening bikos planti bilong ol taun senta em ol NSO opisa yet bai lukautim.

Nambawan raun bilong trening i stat pinis long ol dispela rijin na provins long 12-16 Julai 1999.

Sauten Rijin - Milne Be Provins  
Hailans Rijin - Westen Hailans Provins  
Momase Rijin - Is Sepik Provins  
Islands Rijin - Wes Nu Briten Provins


Namba tu raun bilong trening bai kamap long ol dispela rijin na provins long 19-23 Julai 1999.


Sauten Rijin - Oro Provins  
Hailans Rijin - Simbu Provins  
Momase Rijin - Wes Sepik Provins  
Islands Rijin - Is Nu Briten Provins

Ol narapela provins bai kam bihain.

Mipela i apil i go long pablik long olgeta provins long sapotim dispela wok bikos helpim bilong yupela bai mekim 2000 Nesenel Sensas long PNG i kamap gut.

  
Nick Suvulo  
National Statistician

  
John Kalamoroh  
2000 Census Director



WANTOK

N I U S P E P A

## New Advertising rates for Wantok Niuspepa effective 1st July, 1999

Display Advertising Space. (Casual) Cost. K2.95 per column cm.

Advert. Space	Size	Mono K	1 Colour K	2 colour K	Full colour. K
Full Page:	38x7	784.70	984.70	1,184.70	1,584.70
Half Page:	28x5	413.00	613.00	813.00	1,213.00
Half Page:	19x7	392.35	592.35	792.35	1,192.35
1/4 Page:	19x4	224.20	424.20	624.20	1,024.20

### Classified Rate K3.20 per column cm.

\* All prices quoted do not include 10% VAT.

Compare Wantok's costs, K2.95 per c/cm against the dailies K6.52 for the same size.

Discount rates for volume usage  
are available on request.

# PABLIK TOKSAVE

## Nesenel Stetistisen bilong Papua Niugini Mista Nick Suvulo na 2000 Sensis Dairekta John Kalamoroh i bung wantaim na mekim dispela toktok long wok bung wantaim bilong redim wok long karimaut Nesenel Sensis long yia 2000.

Nesenel Palamen i bin kamapim nupela senis long Provinsal na Lokol Level Gavmen long yia 1995. Long dispela taim i kam inap nau, ol provinsal dipatmen i wok long putim insait long kamap bilong dispela nupela Lo o Rifom. Na Nesenel Stetistik Opis i stap tu olsem wanpela hap bilong mekim dispela bikpela wok.

Wanpela hap insait dispela bikpela Lo bilong Provinsal Rifom i sut i go long Provinsal Data Sistem. Ol i askim Nesenel stetistik opis long kamap wantaim sampela we bilong kisim ol painimaut (Data). Dispela kain rot olsem ol Fom na Askim na bekim kwesten. Taim ol i bin kamap wantaim dispela ol we o rot pinis ol i bin traime aut long ol ples ol; Milen Be, Enga, Is Nu Briten, Westen Hailans, na Nu Ailen. Taim ol i bin yusim, ol i painimaut olsem dispela em i gutpela rot o we bilong kisim ol tok klia o data long wok painimaut insait long ol provinsal na lokol level gavman.

Nesenel Eksekutiv Kaunsil i bin bung long Epril 14 na kamap wantaim orait olsem bai i gat Nesenel Sensis long yia 2000. Dispela em i bikpela wok na long mekim gutpela wok kamap, ol i askim olgeta provinsal na Lokol level gavmen long olgeta hap bilong kantri long redim na givim i go long ol Nesenel Stetistik Opis long redi long Sensis bai kamap long yia 2000.

Ol wok manmeri bilong Nesenel Stetistik Opis bai raun long wanwan provins long holim 1 wik woksop na trenim wanwan LLG man o meri long kisim ol data o wok painimaut yusim ol dispela step:

### 1. Census Unit Register Update Form na Map Update;

Dispela pepa o fom ol bai yusim long kamapim nupela sensis ples o haus lain i bin kamap long yia 1990. Ol bai yusim dispela olpela sensis ples long kamap wantaim nupela sensis ples we i sut i go long lis bilong sensis ples.

### 2. Rural Household Head Listing Form;

Dispela pepa bai i gat nem bilong wanwan i stap insait long wanwan haus. Dispela bai helpim ol long save long namba bilong manmeri na pikinini i stap insait wanwan haus long ples.

### 3. Social Economic Condition Study;

Dispela pepa o Fom bai helpim ol long save long wanem ol sevis i stap klostu long ol pipel na tu ol sevis ol save kisim long ples o hauslain bilong ol yet. Dispela ripot em i gutpela bilong luksave bilong ol Provinsal Data Base Sistem.

### 4. Household Record Card;

Dispela Fom o kat pepa em bilong putim nem bilong wanwan manmeri na pikinini i stap insait long wanwan haus wantaim de mama i karim, Na tu rot o rilesinsip bilong wan wan wantaim papa bilong haus.

### Legality/ Secrecy;


Nesenel Stetistik opis em wanpela bodi o ejen long kamapim na karimaut ol wok painimaut insait long kantri. Displela pawa, em Nesenel Stetistik Opis i kisim long Stetiskal Sevis Lo long 1980 na stat mekim wok long 1981.

Ol lain husat i joinim dispela grup bai i sainim wanpela tok promis long stap aninit long dispela Lo bilong i no inap karimaut tok na wok painimaut bilong ol i go outsait long NSO na tu long outsait long ol provinsal opis.

Bik bos bilong Nesenel Stetistik Opis na man i go pas long 2000 Sensis i tok save long jenerel pablik long PNG long helpim ol Wok manmeri bilong em long helpim ol long ol wok painimaut bilong ol taim ol i kam na askim yupela long ples.

Dispela ol tok klia o toksave yupela bai givim ol i bikpela samting tru long helpim ol NSO long mekim ol plen bilong 2000 Sensis.

  
Nick Suvulo  
National Statistician

  
John Kalamoroh  
2000 Census Director



# AGWU AMALGAMATED GENERAL WORKERS UNION OF PAPUA NEW GUINEA

## PUBLIC NOTICE

Notice is hereby given to all financial members of AGWU of PNG and employers of New Britain Palm Oil Limited (NBPOL) that the long awaited appointment of returning officer is finally appointed now to conduct secret ballot.

The returning officer, Mr. Simon Sinai has schedule to conduct secret ballot on Monday 26th July, 1999.

You are advised to get yourself prepared for the secret ballot vote to be taken on Monday 26th July, 1999 commencing from 9:00am to 3:00pm. The result of the secret ballot will determine our next course of action to be taken against the Management to pursue our outstanding review of October 1995 Agreement.

Toksave i go long olgeta fainensol memba bilong AGWU blong PNG husait i wokman na wokmeri bilong New Britain Palm Oil Limited (NBPOL) olsem dispela returning officer Mipela i wetim longpela taim em ol makim pinis nau. Returning Officer, Mr. Simon Sinai i makim Mande 26th Julai, 1999 bai yupela vot long sikret balot pepa.

Toksave olsem yu redi nau long dispela sikret balot pepa long Mande 26th, Julai 1999, stat long 9 kilok long moning i go inap long 3 kilok long apinun.

Risalt bilong dispela sikret balot bai halivim mipela long tingting long wanem narapela samting bai mipela wokim long mekim ol menesa bilong kampani sindaun na toktok long riviium Octoba 1995 Agrimen.

  
**ANDREW T. W. KANDAKASI**  
National General Secretary

P.O. Box 5828, Boroko, N.C.D. Papua New Guinea  
Telephone: (675) 325 3758 - Facsimile: (675) 325 9611



## Opis bilong Anti - VAT

Anti - VAT opis i laik tok bikpela amamas long kamap bilong Rt. Hon. Sir Mekere Morauta olsem Praim Minista bilong Papua Niugini.

Bikpela amamas tru. Mipela i bin wok hat tru raun long olgeta hap bilong kantri long toktok egensim nupela takis lo we olpela gavman i bin pusim i kam daun long nek bilong mipela. Ol pipel bilong dispela kantri nau i pilim pen bilong VAT disisen.

Mipela i amamas long kamap bilong yu olsem Praim Minista bilong Papua Niugini na mipela i bilip olsem aninit long edministresen bilong yu, dispela disisen bilong VAT i mas stop pastaim na glasim gut. Mipela i bin painim aut long kempen raun bilong mipela long olgeta hap bilong provins olsem, ol gras rut bilong dispela kantri i bin kisim bikpela hat taim na hevi long kamap bilong dispela VAT (takis).

Dispela tu i bin kempen bilong mipela olsem ileksen bilong yu em laik tru bilong ol pipel long kisim sia bilong Praim Minista.

Bikpela tok amamas na gutpela God Papa bai was long edministresen bilong yu.

  
**ROY MIRINGKE**  
Siaman, Anti - VAT

### (PNG) INTERNAL ANTI-VAT FUND RAISING INCOME REPORTS MOROBE PROVINCE - LAE DISTRICTS DONATIONS/FUND RAISING

DATE	NAME	WARD COUNCIL AREA	AMOUNT	DATE	NAME	WARD COUNCIL AREA	AMOUNT	DATE	NAME	WARD COUNCIL AREA	AMOUNT
I	<b>PUBLIC DONATIONS LAE DISTRICT</b>				Satop Villagers		13.81		Aseki Lutheran Church	Aseki	100.00
23.04.99	Eriku Launching		467.75	26.05.99	Molon Lutheran Parish	Dejamos LLGC	10.00		Yha Hauka Coffee Mill	Aseki	110.00
10.05.99	Robert Singeni - Wheel Barrow Push	Ward (3) Three	148.00		Lawrence Silinga - Kamadu Village	Seko LLGC	55.45		Aseki Station Geamsao (Women)	Aseki	20.00
10.05.99	Jack Masenu - Wheel Barrow Push	Ward (2) Two	179.42		Wayang Yayanu - Sapmanga	Yus LLGC	104.41		Pulim Wheel Barrow	Aseki	67.40
10.05.99	Dope Sillong - Wheel Barrow Push	Ward (4) Four	60.92		Labisa Zainonge - Mangam Village	Seko LLGC	22.00		Koke Coffee Buyer	Aseki	15.00
10.05.99	James - Wheel Barrow Push	Ward (5) Five	45.64			<b>SUB TOTAL:</b>	<b>K651.48</b>		Yalaino Onange	Aseki	10.00
10.05.99	Keith Amos - Wheel Barrow Push	Ahi	50.20	VIII	<b>FINSCHHAFEN DISTRICT</b>				Aseki Local Level Government Council	Aseki	10,000.00
10.05.99	Douglas Marawa - Wheel Barrow Push	Ward (6) Six	80.75	25.05.99	G. Kinoma Garey/Tobou C/School	Pindiu	25.44			<b>SUB TOTAL:</b>	<b>K12,568.89</b>
05.07.99	Sali Nirza - Wheel Barrow Push	Ward (6) Six	80.75		Public Donations Finschhafen District Office	Finschhafen	39.39	12.05.99	<b>FUND RAISING - LAE</b>	Lae	880.00
	Unidentified Expat Female	Slakum Compound	58.87		Gurungko Villagers	Finschhafen	35.50	15.06.99	Planet Rock Dances		1,347.79
		Melo Hotel	100.00		Moruroo Villagers	Finschhafen	23.00	02.07.99	Huon Gulf Dances		1,015.00
		<b>SUB TOTAL:</b>	<b>K1,191.55</b>		Wareo Parish- Kaungko/Bozuroo /Birangko/Sahang T/Store/Wareo Com. sch	Finschhafen	68.00	02.07.99	Negiso 96 Dances		
II	<b>TEWAE-SIASSI</b>				Zamesa Parish/Meliko Ward 2			02.07.99	Corporate Dinner Lae International Hotel		
23.03.99	Zagehema Village	Slakum	140.00		- Qea Villagers	Kote LLGC	70.00		- J. Ruek		20.00
27.04.99	Wandokai Village	Slakum	143.00		- Wanda Villagers		62.10		- Rev. Talya		50.00
		<b>SUB TOTAL:</b>	<b>K283.00</b>		- Sarodi Villagers		27.00		- D. Haro		20.00
III	<b>KAIAPIT/MARKHAM DISTRICT</b>				- Kwimiliki Villagers		21.00		- P. Honale		100.00
10.05.99	Waterais Launching	Umi/Atzera	74.01		- Wizwongeng Villagers		9.00		- J. Goset		100.00
02.06.99	David Jacob - Umbar Village	Ward 22	63.10		- Twowoneng Villagers		27.80		- A. Gandi		200.00
	Mangot Bafinu - Mama/Bogena VIII	Wampar	32.01		- Meritiko Villagers		14.00		- Mrs L. Wenge		100.00
02.06.99	Yatu Awasa - Tsi Tali C/School		88.35		Yunzaing Villagers		44.00		- Chief of Staff H. Saviyu		150.00
	Dantap Villagers - Upper Yarus		16.50		Zewewaneng Villagers		42.00		- Sarowaget Investment Ltd		50.00
	Yampra Villagers - Upper Yarus		35.00			<b>SUB TOTAL:</b>	<b>K483.63</b>		- Total Interiors		100.00
	Samaran Villagers - Upper Yarus		40.00						- Lae City Authority		300.00
	Samaran C/School Teachers		40.00						- Office of the Administrator		1,000.00
		<b>SUB TOTAL:</b>	<b>K378.97</b>						- Clerk of Tutumang		300.00
IV	<b>HUON GULF DISTRICT</b>			IX	<b>WAUBULOLO DISTRICT</b>				- Boundary Road Business Community		102.00
24.05.99	Memos Kwembot & Dondo Kawi	Ward 9	67.28	14.06.99	Mun Kiramu - Zenag Village Mumeng		40.70		- President Wasu LLGC		50.00
18.06.99	Meo Kota Junhim Village	Yaru	61.06			<b>SUB TOTAL:</b>	<b>K40.70</b>		- President Sialum LLGC		50.00
05.07.99	Busama Community School	Salamaua LLGC	133.00						- Yumi PNG Fruits & Vegetables		100.00
05.07.99	Buma Ward 3	Salamaua LLGC	7.20						- Others		27.00
05.07.99	Salamaua Various Groups	Salamaua LLGC	23.20							<b>SUB TOTAL:</b>	<b>K3,222.79</b>
		<b>SUB TOTAL:</b>	<b>K378.97</b>	X	<b>MENYAMA DISTRICT</b>				OTHER PROVINCES		
VII	<b>KABWUM DISTRICT</b>				Ward 1	Aseki LLGC	202.05		Enga		2,000.00
10.05.99	Mr. Anji Gom - Sombore Village	Seko LLGC	10.00		Ward 2	Aseki LLGC	260.50		Simbu Public Donation	Simbu	1,104.89
10.05.99	Sombore Lutheran Congregation	Seko LLGC	17.00		Ward 3	Aseki LLGC	171.50		Gembogle District	Simbu	2,207.41
10.05.99	Sombore AOG Congregation	Seko LLGC	16.55		Ward 4	Aseki LLGC	108.00		Office of the Governor	Simbu	10,000.00
10.05.99	Puleng Lutheran Congregation	Seko LLGC	11.87		Ward 5				West New Britain Province		
10.05.99	Satwag Lutheran Congregation	Seko LLGC	4.00		Ward 6	Aseki LLGC	79.55		Kimbe Residents		1,307.99
18.05.99	Takhawec Villagers	Seko LLGC	12.00		Ward 7				Eastern Highlands		10,500.00
	Quenzo Villagers	Seko LLGC	13.00		Ward 8	Aseki LLGC	250.00			<b>SUB TOTAL:</b>	<b>K27,120.29</b>
	Maladung Villagers	Seko LLGC	100.00		Ward 9	Aseki LLGC	100.00				
	Jokoro Community School	Teptep	30.00		Ward 10					<b>GRAND TOTAL:</b>	<b>K65,941.30</b>
	Councillor David Luku - Kabwum Market	Kabwum	36.81		Ward 11				OTHERS NOT YET:		
	Indum One Villagers	Seko LLGC	41.00		Ward 12	Aseki LLGC	91.84		Enga		
	Yondu Ngonong Indum Two	Seko LLGC	16.80		Ward 13				Madang		
	Moko Sewang - Konimbo Village	Seko LLGC	22.50		Ward 14	Aseki LLGC	28.00		Oro		
	Sopu Oigiti - Nimbako Village	Seko LLGC	27.67		Ward 15	Aseki LLGC	45.00		Central		
	Asong Fuawe - Ombomon Village	Seko LLGC	15.99		Ward 16	Aseki LLGC	273.00		NCD		
	David Woku - Warpunga Village	Seko LLGC	20.00		Ward 17	Aseki LLGC	28.30		Rabaul		
	Kalo Pawa - Kondolop Village	Seko LLGC	20.82		Ward 18	Aseki LLGC	304.85		New Ireland		
	Sopi Kokong - Sorong Village	Seko LLGC	30.00		Ward 19	Aseki LLGC	85.80				
					Ward 20	Aseki LLGC	218.10				
					OTHER DONATIONS						



# Rabaul Guria smelim inta Siti fainel

## BUSTIN ANZU i raitim

SPIA Rabaul Gurias, i bin pilaim wanpela gutpela pilai bilong ol long dispela yia na i stap klostu tasol long pilaim gren fainels taim stail senta Pelis Turia i bin putim 2-pela stail trai, wanpela em long ful taim stret long daunim Spia Mendi Muruks 16-14 long SP Kap resis kwalifaing fainels long las wik Sande.

Ol Muruks i bin go pas wantaim 14-12 skolain na ting ol i win pinis tasol Turia i gat narapela tingting, Taim belo i kra long soim fultaim,

em i bin sait step long sampela pilaia bilong Muruks na pundaun antap long trailain na kisim tim bilong em i go long fainels. Gurias bai nau pilaim maina primias

Kusa Jeff Wade i wanpela stail man husat i pulap long amamas na tok amamas long ol bois bilong em long wanem ol i putim gutpela banis long stat i go inap pinis. Tasol em i bilip ol i ams mekim sampela wok painimaut long asua bilong lusim ol bal. Na dispela em ol bai lukluk long taim bilong trening namel long wik.

"Difens bilong mipela tasol i bin winim dispela pilai bilong mipela maski mipela i painim sampela

hevi blong lukautim bal. Tasol mipela i holim ol gut tru long banisim trai lain bilong mipela," kosa i tok. Wade tu i tok amamas long ol Muruks long putim kamap strongpela banis we ol mangi bilong em i painim hat long brukim.

Ol Muruks i pes lain long skoa long 25 minit taim riplenmen bek Michael Kiyo i bihainim wanpela kik i go insait long in gol eria bilong Gurias na putim wanpela trai long kona. Kik i no gutpela tumas tasol ol i go pas 4-0.

Tasol ol manki bilong ailan i no wari. Ol fowets bilong ol olsem prop na kepten Eremias Batki, Lukas Sabat, seken ro: Peter

Dunn na lok August Joseph i wok long pairapim banis bilong ol birua na kisim ol gutpela mitas.

Beklain i stap long lukaut bilong stail manki Normyle Eremas long faiv eit, Turia na James Dummie long sentas na Stanley Sukot long fulbek i wok long hatim skin long baksait.

Long wanpela kain ron bilong ol fowets, Solbat i abrusim foapela man bilong takol na karim narapela i go wantaim em long trailain na putim nambawan trai. Eremias i kik i go insait na ol i go aps 6-4.

Ol Muruks i no laik luk olem ol nupela man bilong pilai. Olsem na

ol i brukim banis bilong ol manki Tolai klostu. Kepten Samuel Pinpin i go pas, Billy Gau, Peter Goiye na Kenneth Kopaia i bihainim, Anton Mal i skelim bal i go i kam long ol.

Ol bikpela ron bilong ol i mekim banis bilong ol Guria i seksek na hap bek Timon Mosebuya, faiv eit Ware Sengiso na ol sentas David Ako na Bobby Mangobe i bungim han long pinisim olgeta beklain muv. Hanmak bilong ol foapela i kamap ples klia taim ol i mekim wanpela kik na winga Ware Molosie i putim trai long kona. Kik i no gutpela tasol ol i go paslain long haptaim.

## Wau bai i holim nesanel baisikol sempionsip

Wau taun long Morobe provins bai holim kamap Nesanel Baisikol resis sempionsip taim ol bin holim kamap wanpela bikpela bung long las wik Sarere long givim blesim na tokaut olsem Wau bai hostim dispela bikpela pilai resis long yia 2000.

Dispela bung i bin pulim 36 ol baisikol raidas long kamap na sapotim dispela tok orait na blesin we i bin bungim tu planti ol manmeri long kamap na lukim. Dispela 36 baisikol raidas i bin kam olsem long Finsafen, Bulolo na Wau yet long Sapotim na soim olsem ol i redi long resis insait long dispela bikpela resis long yia 2000.

Kodineta na man husait igo pas long dispela baisikol resis insait long Papua Niugini bin tokaut olsem dispela spot em i niupela kain spot insait long Papua Niugini tasol em i amamas olsem Coca Cola i bin stap baksait tru olsem spona bilong dispela spot, Baisikol resis asosiesen bilong Papua Niugini.

Mista Yali Asin itok bikpela as tingting bilong bringim na putim kamap dispela bikpela Nesanel Sempionsip long Wau bin bihainim win bilong wanpela mangi Wau, Derry Raorabu bilong liklik ples Biawen insait long Biangau long Wau, taim em bin winim Nesanel Baisikol Sempionsip resis long Finsafen long 1997.

Raorabu i rausim dispela taitol long han bilong ol boi Finsafen olsem na ol i tingting long putim kamap dispela resis long as ples bilong em long Wau. Em i bin tokaut olsem em igat bikpela amamas tru long lukim olsem ol yangpela bilong ples i soim bikpela laik tru long stap insait long ol kain resis olsem baisikol we em i wanpela bilong ol kainkain spot pilai tu. Long yia 2000, Wau bai i holim dispela resis wei ol bai i resis long baisikol i kam daun long maunten na em i hatpela resis tru tasol planti ol raidas i soim laik pinis long traim dispela resis. Insait long dispela bikpela tok orait na blesin, Mista Yali Asin i bin mekim bikpela tok amamas bilong em igo long Coca Cola olsem bikpela spona bilong baisikol resis na Wau lokol gavman kansel olsem supot spona bilong dispela tokaut na luksave bilong dispela resis long nek yia.

Long wankain taim tu em i mekim tok tenkyu long olgeta bisnis haus na ol wanwan manmeri husat i bin givim sapot bilong ol long kamapim dispela bikpela dei bilong ol baisikol resis lain i kam bung.

## Morobe mini gem muv go nek mun

PES Morobe Mini Gem we bai kamap long dispela wiken i muv gen i go long nek mun.

Ol opisa long Morobe provins spot, kalsa na lika divisen opis i tok de bilong dispela mini gem i muv i go long Ogas 2-5 na i no long dispela wiken Julai 23-27. Wanpela sios o wokman long opis bilong oganisesen komiti i tok gem i muv long wanem ol tim husat i soim laik long resis i no hariap long peim fi bilong ol. Taim bilong olgeta fi i kam insait en long las Fraide, Julai 16, tasol long save bilong ol, nogat tim i peim fi long dispela taim ol i givim.

Dispela mini gem em nambawan taim opis bilong spot, kalsa na lika i kamap long bungim olgeta pipel bilong Morobe provins.

Long dispela yia ol oganisesen komiti i kamap wantaim 3-pela spot tasol en, soka, volibal na basketbal. Dispela olsem treil tasol, we bihain bai ol arapela spot tu bai i go insait. Samting olsem 15-pela L okol Levul Gavman Kaunsil (LLGC) na Spot Asosiesen long siti i soim laik long resis long ol gems long dispela mini gems. Olgeta gems bai kamap long Sir Ignatius Kilage Stadium.

# VAT

VALUE ADDED TAX

INFO 22P

## TOKSAVE OLGETA BISNIS

SAPOS YUPELA ANTAPIM 10% VAT LONG PRAIS YUPELA SASIM LONG OL SAMTING YUPELA SALIM LONG STUA LONG LAIK NA TINGTING BILONG YUPELA YET NA SUTIM TOK LONG VAT, BAI YUPELA LUSIM LAISENS BILONG SALIM.

SAPOS YU NO SAVE LONG WEI BILONG ANTAPIM 10% VAT LONG PRAIS YU SASIM, PLIS RINGIM INTERNAL REVENUE COMMISSION.

## TOKSAVE OLGETA GRASSROOTS

SAPOS YUPELA I SAVE LONG WANPELA STUA I ANTAPIM 10% VAT LONG PRAIS BILONG OL SAMTING, PLIS YUPELA RINGIM IRC LONG TELEFON NAMBA **322 6915**.

YU NOKEN TOKIM NEM BILONG YU, TOKIM MIPELA NEM BILONG DISPELA STUA NOGUT.

VAT IND BILONG APIM PRAIS BILONG OL KAIKAI NA OL SAMTING BILONG STUA. YU NOKEN LARIM OL BISNIS I PULIM MONI LONG YU NATING.

RIPOTIM OL DISPELA KAIN BISNIS LONG INTERNAL REVENUE COMMISSION LONG TELEFON NAMBA **322 6915**.



FOR MORE INFORMATION, CONTACT:  
INTERNAL REVENUE COMMISSION  
P. O. BOX 777, PORT MORESBY,  
PHONE: 322 6655, FAX: 321 7962

AUTHORISED BY: DAVID BODE, COMMISSIONER GENERAL, INTERNAL REVENUE COMMISSION

VBAD0116P





Wiken Spot Dro

LAE COCA COLA - CORPORATE TOUCH COMPETITION GAME RESULTS JULY 17, 1999.

Table with columns for time, team names, and match results for the Lae Coca Cola Corporate Touch Competition.

COMPANY PERFORMANCE

Table showing performance metrics (P, W, D, L, B, F, A, PTS) for various teams like Bell/Chemicals, BSB Up Town, etc.

SP NO. 1 GAME SP CUP MINOR SEMI FINALS

Major Semi Final Draw (Sun. 25 July) Muruks vs Tumble (Goroka) Lahanis vs Gurias (Lae)

KOIARI RUGBY LEAGUE DRAWS - SOGERI

Table listing rugby league draws with team names and match times.

POINTS TABLE

Table showing points for different clubs: A Grade, Choice, Pukpuks, Warriors, and Lakers.

Table showing NRL League Teams Round 21 results for various teams like Tigers, Panthers, and Cronulla.

NRL LEAGUE TEAMS- ROUND 21

FRIDAY

BRISBANE V ST GEORGE ILLAWARRA at ANZ Stadium (7.30pm) BRONCOS: Darren Lockyer, Michael Hancock, Steve Renouf...

SATURDAY

WESTERN SUBURBS V CANTERBURY at Campbelltown Stadium (2.30pm) MAGPIES: Brett Hodgson, David Buko, Kevin McGuinness...

BALMAIN V NEWCASTLE at Leichhardt Oval (7.30pm) TIGERS: Joel Caine, Lalo Milford, John Carlaw, Michael Gillett...

CANBERRA V NORTH QUEENSLAND at Bruce Stadium (7.30pm) RAIDERS: Brett Mullins, Rod Maybon, Ken Nagas, Luke Williamson...

COWBOYS: Kris Tassell, Noa Nadruku, Damien Smith, Paul Bowman, Brian Jellick, Scott Prince...

Noel Goldthorpe (c), Kyle Warren, Shaun Valentine, Peter Jones, John Buttigieg, John Doyle, Brett Hetherington...

SUNDAY

CRONULLA V MELBOURNE at Shark Park (2.30pm) SHARKS: David Peachey, Colin Best, Andrew Ettingshausen (c), Paul Mellor...

STORM: Robbie Ross, Matt Geyer, Aaron Moule, Paul Bell, Marcus Bai, Ben Anderson, Brett Kimmorley, Tawera Nikau...

SOUTH SYDNEY V AUCKLAND at Sydney Football Stadium (2.30pm)

RABBITHOHS: Tim Brasher, Justin Loomans, Craig Wing, Brett Rodwell, Chris Caruana, Julian O'Neill, Darrell Trindall...

WARRIORS: Matthew Ridge, Odell Manuel, Peter Lewis, Nigel Vagana, Lee Oudennryn, John Simon (c), Stacey Jones...

NORTH SYDNEY V PARRAMATTA at North Sydney Oval (2.30pm)

BEARS: Matt Seers, Brett Dallas, Nigel Roy, Michael Buettner, Scott Pethybridge, Ben Ikin, Jason Taylor (c), Billy Moore...

EELS: David Vaealiki, Clinton Schifcofske, David Kidwell, Daniel Wagon, Eric Grothe, Jim Dymock, Ben Kusto, Justin Morgan...

MONDAY

SYDNEY CITY V PENRITH at Sydney Football Stadium

ROOSTERS: Ryan Cross, Jack Elsegood, Ivan Cleary, Richie Barnett, Robert Miles, Brad Fittler, Adrian Lam, Luke Ricketson...

PANTHERS: Shane Elford, Robbie Beckett, Ryan Girdler, Sid Domic, Chris Hicks, Craig Gower, Steve Carter (c), John Cross...




Referee: Tim Mander BYE: MANLY

PORT MORESBY ASSOCIATION DRAW 23, 24, 25 JULY 1999.

Table showing association draw results for Friday, Saturday, and Sunday, including Bisini 1, Bisini 2, University, and Steamships.







# Las sans bilong Mendi Muruks na Waghi Tumbe

*Lukim 4-pes spot stori long insait*

• Spot dro -pes 31

**PETER MAIME i raitim**

OL foapela top tim bilong SP Kap kompetisen i go long meja semi fainel long dispela wik.

Ol dispela tim em Mendi Muruks, Waghi Tumbe, Rabaul Gurias na Goroka Lahanis.

Mendi Muruks na Waghi Tumbe bai pilai long Goroka na Goroka Lahanis na Rabaul Guria bai kirapim paia long Lae ragbi lig graun.

Mendi Muruks na Waghi Tumbe i gat las sans long dispela wiken. Husat i lus long dispela gem long Goroka i ken tok gutbai long 1999 na redi long kam gen long yia 2000.

Wina bilong gem namel long Mendi Muruks na Waghi Tumbe bai go pilai long semi fainel wantaim lusa bilong gem namel long Goroka Lahanis na Rabaul Gurias.

Husat i win long gem long Lae bai go sambai long pilai insait long gren fainel bilong 1999.

Long Goroka, Mendi Muruks bai traim brukim difens bilong Waghi Tumbe na winim dispela gem. Las wik, ol i ting ol i win pinis tasol Apelis Turia bilong Rabaul Guria i wokim liklik danis bilong em long

ful taim, paulim ol Mendi Muruks na go putim trai. Rabaul Gurias i win long 16-14. Dispela i mekim Mendi Muruks i wari bikos ol i ting ol i win pinis taim siren i go pinis long gren stend.

Belhat bilong ol nau bai ol i autim long Waghi Tumbe. Waghi Tumbe mas kisim dispela gem olsem fainel na i no ken ting olsem ol i ken winim ol isi olsem ol mekim long tripela wik i go pinis long Mendi.

Ol fowads bilong Mendi Muruks husat bai go pas em Samuel Pinpin, Billy Gau, Peter Goiye na Kenneth Kopaiya. Dispela ol pilaia i ken mekim rot long ol bek lain olsem Timon Mosebuya, Ware Singiso, Bobby Mangobe na David Ako.

Waghi Tumbe i kam long we tru na em i no inap long givim dispela gem nating long Mendi Muruks.

Kosa bilong Waghi Tumbe, Gabriel Kilwua, i tok pinis olsem em i laik kisim tim bilong em i go long gren fainel.

Sapos Waghi Tumbe i bihainim gem plen bilong ol na pilai olsem tim bai ol i winim dispela gem wantaim Mendi Muruks.

Ol mangi Waghi i save, trik bilong winim dispela gem em long mekim tokples na pilai long fil.

Rabaul Gurias bai givim wanpela

strongpela gem tru long Goroka Lahanis. Rabaul Gurias i smelim gren fainel pinis na Goroka Lahanis bai painim hat long putim ol daun.

Sapos ol mangi ailan i ron olsem mali-au, Goroka Lahanis i ken kisim hat taim na ol (Gurias) bai go wel long trai lain.

Ol lain husait bai go pas long Rabaul Gurias em Lucas Solbat, Normyle Eremas, James Dummie, Peter Dunn, Stanely Sukot, August Joseph na Eremas Batki.

Goroka Lahanis em maina primia bilong 1999. Em i no inap marimari long wanpela tim.

Ol bai go long Lae long winim dispela gem na go wetim gren fainel bihain long tupela wik.

Goroka Lahanis em namba wan tim autsait long Mosbi long winim SP Kap long 1993.

Kosa Joppa Gomia na Kepten Steven Sike i gat wanpela tingting na em bilong winim SP Kap long 1999.

Ol sinia pilaia olsem Fatty Buka, Uti Divilake, Ivan Mosoka, Joe McConnor, Jeffery Aize i save long pilai insait long presa futbol, na ol i ken skelim strong bilong Rabaul Gurias na mekim ol yangpela i skoa long laik.

## Referi Asosiesen strong long stapim fainels bilong PRL

**PETER MAIME i raitim**

POT Mosbi ragbi lig i no inap long go long fainels sapos ol referi i sanap strong long noken kontrolim ol gems long dispela wiken na ol gems i kam bihain.

Pot Mosbi Referi Asosiesen i bung long Tunde nait na pasim tok olsem ol i no inap long ronim ol gems bilong PRL sapos ol lig eksekutiv i no mekim wanpela samting long Brothers Klub.

Referi Asosiesen i tok, ol sapota na sampela pilaia bilong Brothers Klub i bin paitim wanpela sinia referi long las wiken. Dispela trabel i bin kamap taim Brothers i bin pilai wantaim West long primia kompetisen.

Referi Asosiesen i givim 5 kilok tude long ol eksekutiv bilong PRL long kam bek long ol wantaim sampela gutpela samting bai ol i ken bel kol.

Sampela samting Referi Asosiesen i laikim PRL eksekutiv i mekim em:

-saspensim tripela sinia pilaia husat i paitim referi (nem bilong ol i stap wantaim Referi Asosiesen),

-saspensim ol dispela pilaia na bihain kisim ol i go long kot long paitim man,

-pasim vais presiden bilong Brothers klub long noken kam long pilai graun long PRL

-na PRL mas kamap wantaim gutpela sekyuriti long lukautim ol referi.

Presiden bilong Referi Asosiesen, Paul Gul i tok sapos ol eksekutiv bilong PRL i no kamap wantaim gutpela bekim, bai ol i no inap ronim ol gems long dispela wiken na ol fainels bilong neks wik.

I gat 36 referi i memba long dispela asosiesen.

Dispela wik em las gem bilong dispela yia bipo long ol top klabs i go long fainels long neks wik.

Presiden bilong PRL, Stanely Haru i tok, eksekutiv bilong em bai sindaun na lukim ol dispela askim bilong ol referi na mekim sampela bekim bipo long dispela wik i pinis.

Em i mekim strongpela toktok i go long ol klabs olsem ol mas pilai ragbi long gutpela we na i noken kirapim pait na tromoi han long ol referi.

Em i tok eksekutiv bilong em bai lukluk gut long dispela samting na sapos ol pilaia i ting olsem ol i ken hambak, bikpela penalti ol i ken givim long ol pilaia em laip saspensim.

Dispela i min wanpela pilaia husat i kisim dispela penalti, bai i no inap pilai ragbi long laip taim bilong en.

Mista Haru i tok, ol klub na sapotas i ken kwest-enim standad o we ol referi i save mekim wok long fil, tasol dispela i no min olsem ol i ken ron i go long pilai graun na paitim ol referi.



• Difens klab bilong Pot Mosbi ragbi lig. Dispela yia ol i no pilai gut na luk olsem ol bai aut long fainel.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.